

類紙聞新之券立包總爲認號掛准特政郵華中

周國 報聞


期六十第 卷七第

版出日捌拾貳月肆年玖拾國民華中

KUOWEN WEEKLY

Vol. VII. No. 16.


寫真來馬




馬來王子行割禮



馬來人拳術表演



登嘉樓馬來王宮



參觀割禮之羣衆

馬來寫真

登嘉樓馬來女子時裝



表演暹羅戲劇之情形



國聞週報

第七卷 第十六期目錄
民國十九年四月廿八日出版

插圖

馬來寫真六幅

蘇維埃聯邦之實相(中)

讀秋樓主人譯

美國經濟現勢與影響

高祖武譯

德國著名漢學家衛禮賢博士逝世

中國逐漸采行金本位幣制法草案

一週間國內外大事述評

北雲 化生

國內一週大事日記


記者

靜嘉堂文庫觀書記

傅增湘

采風錄

國風社選



凌霄一士隨筆

論評選輯

約法問題

治蝗不容再緩

威海衛協定簽字

大學教育之「合理化」

再論大學教育之合理化

中蘇會議之範圍問題

何日實現文治政府

否決增加華董案

小說

春宵

時人彙誌 (謝宗周)

天津大公報

天津大公報

天津大公報

天津大公報

天津大公報

天津大公報

天津大公報

上海時事新報

理之



蘇維埃聯邦之實相(中)


日本藏公望著
讀秋樓主人譯

俄羅斯之現狀

一、衣食住之狀態。其次述俄國之現狀。因余所居爲莫斯科。斯所言不外莫斯科之情形而已。以言衣食住。則衣服殊爲粗惡。在街頭往來。雖亦間有華服者。恐全爲外來旅客。至於公務人員。僅外交部員頗爲講究。餘者多尙質素。雖然質素乎貧乏乎。吾不得而知之。而衣服襤褸者。則遍地皆是也。余於全聯邦各部總長屢屢會見。其全部殆皆着襯衣束帶。以入衙門。形式極爲簡單。固不僅在衙署爲然。即携眷觀戲時亦復如是。以觀劇之總長。尙僅着襯衣一襲。則其他可想而知。其儉約可謂極矣。至於婦人。雖間有着美服者。然居最少數也。以余之見。提倡節儉固所當然。而國家困窮。物價昂貴。亦爲難諱之事實矣。余某日赴拍賣所。見有絲襪二雙。以爲得未曾有。但彼雖爲絲製。而破爛不堪。穴大如拳。余以爲如此汚物。決無願主。不料開始一拍賣。竟以二元五毛之值爲人買去。凡衣著之類。奢侈品極貴。而價廉者則品質極劣也。至於食物。比較低廉。但以物資缺乏。常感不給。余嘗與友人談及香蕉。皆云戰前似曾有之。但自己未嘗見及。因係自外國輸入者。故無有也。然芬蘭與俄國國境僅隔一衣帶水。渡河即爲芬蘭車站。一至其處。則香蕉纍纍盈架矣。又芬蘭無川蛟魚子。而俄國則其豐富。巴黎柏林。僅大飯店有之。然價甚昂。可知俄國之物產。輸入輸出。兩俱不具。故在俄國欲食舶來品固甚少。自國產物。則殊

不感困難。俄人以一日一食爲常。且品味極少。湯之外。僅一菜。並食後飲簡單之牛乳。或茶及食麵包一片。朝夕餐已完事。大抵午後三時前後。用一日一回之正式餐飯。普通二樣。至多不過三樣。以俄人體格如此魁梧。而食量如此之小。可見我東方黃色人之多食。殊有改良之餘地也。

住室在衣食住三者之中。最感困難。以莫斯科向非京城故也。俄京向在列寧堡。官署皆置於是。今則官署皆設於莫斯科。且在昔日不過俄羅斯一國。而今則聯邦內各民族衆多之官署皆設於此。又有大使館公使館。及七十餘個博物館。又因係首都。居民驟增。故居室甚感不足。現在莫斯科一人所占之理想面積。爲五。八二平方密達。而實際爲五。五八平方密達。五。五八平方密達。不過合七尺五寸見方之地耳。現該市當局正擬擴充。希圖達於理想之域。頗費苦心。誠狹隘之極也。莫斯科住宅。全歸市政府管理。如有人欲覓居室。則赴市政府請其代覓。彼必爲設法。租賃相當之房屋。因無空房。大抵插入人家共居。以莫斯科市房屋多爲其同式。混合同居。爲狀甚苦。且極麻煩。房租極不一致。依居住者之收入及在社會上之位置而定。同一室也。農民與商人不同。其貴賤。農民極廉。而商人極貴。又不勞而獲者極貴。反之。苟爲失業業者。則不取分文。夫既如是。則勞働者應易得居室矣。然事實上却又不然。以余觀之。莫斯科住民當有三分之一睡於地板之上也。政府爲此事亦焦思苦慮。獎勵建築住宅。



蘇維埃勞動院

貸與資金。據云。甚歡迎外國資本家投資建築。然究無效。因是俄京當以住宅問題為最苦。余在莫斯科時。彼等甚願租房與外國人。因租與外國人可多取房租。若租與本國人。則除政府法定金額外。不能多取也。余所居之室。夫婦二人。大小二間。其租金為每月三百五十盧布。雖似極昂。然能得相當之二室。實為至幸云。

二、治安。俄國之國內保安關係。極其完全。並無何等不安之感。鄉村如何。雖不得知。然在俄京。雖深夜步行。亦無危險。因俄國有所謂國家保安局者。為特務警備機關。而普通警察之力。亦異常完備。國情特殊。故偵探術異常發達。又因租房歸市政府管理。何人住於何處。皆所了然。無奸宄隱匿之處。在共產黨與非共產黨。雖良莠不齊。以警察得力。殊無惡行之發見。國內安全。秩序不紊。乃其實。僅鼠竊狗偷之類。較他國為多耳。又今日俄國有放浪兒二十萬人。所謂放浪兒者。為歐戰時失親之孤兒。及一九一七年革命時失親之孤兒。與一九二一年大荒時失親之孤兒。是等孤兒。自當時殆皆與野獸同樣之生活。出自己之家庭。遊浪於俄境內。或為乞丐。或為小偷。或為盜賊。至今日殆已成為天性。雖政府亦難救藥。與以職業。僅少數能安之。其大多數仍漂流城市。夏日居莫斯科。冬則隱於貨車內。以南下。為數約廿萬人。此等二十萬人。皆以不正手段害人為業。在莫斯科之外國人。殆無一不蒙其害者。某君素滑稽。謂扒手如是猖獗。當得有以騙之。因於出外時。滿藏入廁用紙於外套之口袋中。使之充實飽滿。如是者三四次。殆無一次不被其完全攫去者。又有某君聞其事者。謂吾亦騙之何如。因於衣袋中置出恭紙。並書其上曰。物「竊此者蠢物也」。及歸而檢閱之。則見其上換書曰「置此者蠢物也」。蓋已被扒手竊去而又退還。並易其文字矣。其巧妙豈不可驚哉。俄國政府對此

事亦頗爲憂慮。以爲如此小孩。尙敢爲惡不悛。若至成人以後。又將如何。要而言之。俄國保安狀態雖甚佳。而些小被害則甚酷云。

三、教育。俄政府關於教育。現正傾注全力以求其普及。因俄羅斯爲世界上有名無學國民之地。從前其國民中識字者不過百分之十之譜。然在今日則漸漸進步。識字者竟達百分之六十之多。其熱心提倡教育。仍不稍懈。因之俄國教育前途大可樂觀。在最近將來。或可與他國立於平等之域。又俄國之教育。不但於學校中行之。又能利用博物館與俱樂部而爲教育之事。於此點頗值吾人之驚嘆也。在他國言之。所謂俱樂部者。不過打球。又麻雀等。或爲少數人集會談話之所。而在俄國。即莫斯科一地。有俱樂部數百處。凡各職業組合。各官廳。各會社。殆無不有俱樂部。者。其利用俱樂部。或爲軍事教練。或教失學者以文學。或教裁縫。或教世界語。又或唱戲演電影。凡學校以外之國民教育。皆依俱樂部以行之。即是不以俱樂部爲娛樂機關。而爲社會教育機關也。又彼等於國民一般之政治教育。亦極熱心從事焉。彼等爲宣傳共產主義而求其普及。固不待論。不但中學大學行之。即自幼稚園之生徒。開始已實施共產教育。例如幼稚園之壁上。曾大書「打倒蔣介石」之標語。究竟蔣介石爲何如人。他國之兒童恐未能知之。可知其標語雖爲兒童所書。而意則政府所授與也。又余曾見壁上繪畫。爲狀甚拙。必爲兒童所書無疑。其所繪爲一飛行機。飛於瓦房之上。而書其旁曰。平民飛行機攻擊富豪之都市云云。其共產教育之成績。亦可見矣。

設立博物館之處極多。小學校中學校之生徒固無論矣。一般民衆亦常往參觀。余固曾周遊世界。然未有如俄國博物館參觀人之多者。僅莫斯科一處。博物館之數七十有餘。無論何時何地。至博物館皆有人滿之患。

而說明者及主辦者。皆依實物教育對於來觀者使之了解意義焉。其教育方法。恒與他國不同。小學教育則用綜合教育方法。據俄政府中人云。資本主義諸國之教育。等於教育之遊戲。強教以不能理解之物。徒與兒童以難堪。若俄國則求其了解而應實用。例如小學教育。一經入學。則使學校與家庭互相連絡。務期明白家庭應做之事與學校應做之事之意。義。於是再擬各種題目。以爲中心。而教授之。並無他國學校所謂算術幾點鐘修身幾點鐘者。例如擬題目爲「夏季應行之事如何」。則其間無論理科或算術或動植物。皆與夏季有關者。又學校之組織亦不同。平常學生之權力。殊較先生爲大。學生有委員會。選舉委員。執行學校之行政。例如學費一項。在俄國各各不同。或取之甚昂。或因家貧取之甚廉。或竟免費。又或於免費之外。更給津貼。胥由學生委員會以定之。或有謂年輕幼稚。恐處理校務有不當者。則曰。苟有不當。皆教員之罪也。教員苟以不當之事教學生。即問教員之責任。而罰之。據倫敦泰晤士報所載。列寧堡某大學。因有右傾之嫌。乃集各教授而加以測驗。使學生委員會之委員當場質問之。苟不當委員之意。即行免職。其權力之大。可想而知。此種辦法。當然弊害極大。而在俄政府之意。係使學生自身擔負責任。以養成自治自尊之觀念。蓋無論何人。不能不服務社會。使學校中即可養成服務社會之能力與經驗。其用意未可厚非也。

四、衛生。關於衛生之事。俄政府不惜金錢。熱心辦理。到處設有專門療養所。並使醫科大學之卒業生分布各地方。苦心之跡。昭然可見。又於社會設施之內。注重衛生一端。例如對肺病。不但熱心治療。並講求種種豫防之法。在莫斯科分爲六個豫防區。又於各區分段。每段置有肺病監視員。試觀其駐紮所。則掛有各段之大地圖。圖中註明誰家幾時曾有肺

病發生。幾時死亡。又何家有第幾期之肺病患者。並何家已愈之肺病患者。纖悉記載。一目了然。依此圖為根據。使特別看護婦巡迴診視。或指揮改良其食住。又對於已往患者之消毒。時時注意不怠。更於全國處處設療養所。又對於半愈而可以工作之人。使之盡間工作。夜間得有靜養之所。設備甚周。又不僅對肺病為然。其他各方面衛生之改善。亦孜孜不倦。在都市中多數住民。必為政府或組合之使用人。是等住民皆使之入疾病保險。如一旦有病。全部免費。使醫生診治。對於急病者。可至各街頭藥舖求醫。此等藥舖內。有醫生終夜守候。一通電話邀請。必然來診不悞。其組織誠極完全。但以醫生不足。不平之聲。亦所難免。因政府所用醫生。不能應其需要。因之私醫甚昂。一次診金有多至十元或二十元者。營業皆甚佳也。

五、宗教。俄羅斯今日。以政府之力撲滅宗教。其勢甚猛。此在教育部中之政治教育局管理之。常起宗教撲滅運動。每有機會。必號召之。雖表面非政府。然各地方宗教撲滅運動協會。皆恃政府為後援。其協會員之大多數皆為青年。對於宗教施以種種之壓迫。例如寺院若講道時。必有青年會員往聽。而極力妨礙擾亂之。原來俄國係用舊教。以是信耶蘇之奇蹟者尚多。如果教士為耶蘇奇蹟之言。彼等必迫其實際證明。而加以種種虐待。在此時若教士無以回答。即認此教士無狀。將其情形登之報端。前年高加索某地方大飢饉時。某學校小學生。來學校。頻向教師訴其枵腹之苦。不料教師云。汝等之父母非宗教之信徒乎。汝等可歸家請汝等父母向耶蘇禱告。耶蘇必能以麵包界汝等也。汝意云何。易試為之。生徒信以為實。歸告父母。父母至誠禱於耶蘇。但麵包則究未降下。逾二三日。教員復問曰。何如。麵包已下降乎。則答曰。尚未也。枵腹殊難堪也。苦訴

如前。先生則曰。其然乎。本來俄國內無所謂神也。俄國唯一之神。列寧是也。汝等試禱於列寧何如乎。如是即相率往該室向列寧像虔誠禱告。果然不移時。學校即分配麵包於禱告者。斯蓋以列寧較神權尤為偉大之印象。刻諸學生之腦內。亦即撲滅宗教運動之史實也。


六、娛樂機關與運動。娛樂機關。隨民衆之願望。熱心計畫。且獎勵之。在教育部內。設有鄉村娛樂機關獎勵協會。以援助地方之戲劇或電影。更於無戲劇電影之處。圖其普及。在莫斯科有戲園二十五處。每日皆極熱鬧。買當日之戲票。多不易得。電影館亦然。同時體育方面。亦頗熱心獎勵。莫斯科有運動場二十餘處。面積非常廣大。且有操船競走之設備。各職業組合及政府職員。又有各個之運動場。設備甚佳。青年競技甚盛。故俄國在現在。雖非運動極盛之國。而將來與歐美並駕齊驅。殊非難事也。

七、男女關係。俄國之男女關係。不過單認為性慾問題。無所謂戀愛。亦無所謂貞操。至於夫婦關係。僅結婚時須雙方同意。若感情冷卻。隨以一方之意志。赴市政府登記。即離婚已成。故常有一方未知而離婚早成。定讞者。又如姦通罪。法律上一切無之。以故俄國之男女關係。以普通人眼光視之。殊紊亂已極。然俄人並不承認其紊亂。而反謂他國為紊亂。謂男女關係愈防愈壞。因陰行其惡。其惡愈甚。反不如自由自在之為得計也。歐戰後。婦人自由男女平等之思潮。瀰漫世界。多數國家。政治上認男女同權。而俄國更進一步。男女絕對平等。余彼時訪共產黨之婦人部長。詢及此問題。據云。俄國無論在如何情形之下。斷不認男女有差異之理由。其所差異者。僅懷妊也。若謂女人僅供家庭烹飪洒掃之事。則男子何故不為之。若不願烹飪。儘可上館子去吃。不願洗衣服。儘可到洗衣房去洗。不願育兒。儘可送至育嬰堂。男子能往俱樂部。則女子亦能往俱樂部。

男子能做事。女子亦能做事。無論何時何地。男女之立場絕對相同。政治上之同權。實行已久。乃當然之事。云。俄國工場內司機器之重要職工。多女子爲之。又娼寮酒館之中跑堂者。多用男子。蓋不管職業如何。男女並用。絕無區別。但以離婚太易之故。男女雙方各有不安之感。似係事實云。

蘇維埃政治之特異點

一、事物觀察點之不同。俄國與他國不同之點。要不僅男女關係爲然。而一切事物之根本觀念。無不殊異。例如俄國前年出版之小說。有名爲『月出左手』者。其內容。簡單言之。即某青年男女以極清潔之關係陷於戀愛。當時女方異常發奮。思赴莫斯科入共產大學。及至入學。竟爲該校之空氣所支配。貞操觀念全然消失。與發生關係之男子有廿餘人之多。斯時昔日之愛人。自鄉村前來。與戀人相會。不料其行爲與思想。前後判若兩人。因此悲觀。別去。一方面。女者漸覺自己之行爲不當。翻然悔改。復歸於昔日之愛人。但彼女以從前所行不義。欲還我清潔之軀。乃往西伯利亞。盡力於共產黨與社會事業者二個年。再歸前之鄉村。重尋舊好。於是二人相携遊昔時常往之牧場。見情景不殊。明月依然自左手而出。云云。其小說之內容。誠極簡單。然共產黨人對之。非難特甚。其非難之理由。則以爲篇中之女子。不能不歸昔日之愛人。可知作者思想腐舊。所謂封建思想。今日不能適用。又先年日本某大學之建築先生。以自己大學曾建大講堂。欲世界各國建築大家對此大講堂之設計加以批評。因前往俄國。出其建築繪圖。就正於俄國建築名家某博士。竟全然被斥爲不可。彼謂如此建築。自然之美全無表現。因建築上之裝飾。無論何種。皆不得謂爲真之美。凡世界之事物。以經濟的實用的爲最美。古代哥靈西安式及多利安式等。皆以無謂之裝飾。均不可爲美也云云。此種論調。



列寧氏之墓場

因時代及各人所見之差或亦不為無見。要之蘇俄之思想。或為世界上最進步者亦未可知也。

二、有產階級之壓迫。於蘇俄有顯著之一現象。即無產階級獨裁政治。對於有產階級施行徹底的壓迫是也。在其他資本主義國家。大抵以納稅多寡為選舉權取得與否之標準。必須納相當之稅額。始能得有選舉權。若俄國則反是。有產階級無選舉權。凡選舉權皆為無產階級所獨占。宗教師。商人。安坐而食者。及在帝政時代曾充巡捕者。皆不得有市民權。不得與於選舉。更課以最重之稅金。試以商人與勞動者比較。雖收入相同。而商人所納稅金。較勞動者高出二十幾倍。雖然如此。尚有商人之存在。真可怪也。俄國商人。以猶太人為最多。商人之數。都市多而田舍少。西伯利亞首府烏市。其商業百分之九十五為國營。個人經營者不過百分之五。莫斯科則尚不若是之甚。於表面上私營者雖占百分之六十。但其數量則國營占百分之八十。私營不過十之二三。問是等商人如何而能存在。則以物資不足之關係。商人屯積貨物。至缺乏時。居奇以賣之。獲利頗厚。且長於招攬。接待殷勤。以是能保其位置。但政府之壓迫殊甚。苛稅重重。有營業稅。有所得稅。有特別利益稅。有最貴之房租。同一住房也。對商人則特別加重。對勞動者則特別減輕。俄國商人之子弟。不許入學堂。非謂政府不許入。乃謂學堂少。不敷收容。請待後來云云。蓋亦酷矣。因是商人之數。年年減少。蓋蘇俄政策。不願有右傾資本家之存在。故漸漸使若輩由右而之左耳。至於宗教師。被壓更烈。其傳教限於一定區域之內。維持僧侶及寺院之團體。雖年可集會一次。但其議案須得政府許可。僧侶說教。僅限於平日受維持之信徒。而說教之時。又如前文所述。受共產黨員種種之妨碍。冷嘲熱罵。至不能堪。又對於安坐而食積蓄以備

將來享福之人。徵稅尤苛。蓋以不勞則不可食為原則。無論如何。不能不勞動。若失業而無勞動處所。則為失業登記。而候職業紹介所之安置。決不任其嬉游。要而言之。俄羅斯現在無產階級獨裁之下。對於有產階級正徹底壓迫也。

三、勞動者偏重。第二之特異點。即勞動偏重是也。現在之俄羅斯。稱為勞農俄國。勞動者與農業者應立於同等地位。固所當然。但在事實上。以農業者之大部分有資本主義之性質。勞動者原為有社會主義及共產主義之傾向者。故該國政府。對於勞動者常設法援助。較之對於農業者為優。自經濟關係觀之。農民賣出之穀類。其價甚廉。是因政府照戰前之值額定為公定價格而買收之。農民吃虧已不小。一方面農民所購用之貨物。則較戰前高出二三倍。即自工場製出之物皆貴。自畝畝產出之物皆賤。農民苦而工民樂。自不期而然。勞動時間。往者行八時間制。今更縮為七時間。且與勞動者以種種之便宜及保護。以余觀之。其偏重亦太過矣。

四、一切國有國營。第三。凡俄國之物。殆無一不歸國有。雖亦非必全部直接國家機關。然大多數。或為市有。或為組合有。即公有也。在個人經營者。如前所述。雖有多數之商人。又有小工場為政府所不及營者。個人借其地。用五人十人。至多十五人。而工作之。然是等工場。猶以資本家之故。常被政府壓迫。難以存續。對於外國人雖有相當利權關係之事業。然為數亦僅矣。

五、一國一黨主義。第四。俄國與他國又有不同者。一黨一國主義是也。此種主義為絕對的。決不許第二政黨之存在。即以共產黨獨占之。在共產黨中雖亦有中央派左派右派之稱。然不過黨內之爭。而大體皆歸

一致。此一國一黨主義。爲優爲劣。其說甚紛。要爲共產黨之政策使然。無足怪也。

六、計劃主義。第五。俄國特異之點。即一切皆採計劃主義是也。據近頃報章所載。俄國一切事業。皆具有五年十年十五年等諸計劃。或工場或商店。皆須有之。私有商店。雖不盡有。然苟與政府稍有關係。則悉本計劃主義而行。若問其何故而然。則以爲國家如人之身體。爲一種之有機物。人之身體發達。必須完全。若僅頭部發達。手不發達。固不健全。僅手發達。脚不發達。亦屬不可。必須全部發達。步調整齊。始成整個之人類。國家亦然。工業固須發達。農業亦不可偏廢。教育固須發達。衛生亦難輕忽。即均等發達。殊爲必要也。因欲達此目的。豫先須有一種計劃。例以工場言之。此工場來年費幾噸煤炭。用幾何原料。製造何物。可賣出多少。其煤炭來自何地。經何鐵道。何時到場。利益若何。需要資本若干。此等事項。皆已整然先定之。誠哉。因市場經濟狀態之變化。此種計劃。未必果能正確施行。到底。然據余所知。大抵照預算實行者。有十分之八也。計劃案之設立。皆就已往之統計。與現在之狀況而定之。經所管機關之審查。最後交國家設計委員會。在該會參照統計部之材料。又綜合各方面之提案。始告成立。在國家經濟上。誠屬精詳。不致吃虧。非如資本主義之國家。各資本家任憑己意。毫無連絡者。是蘇俄之所長也。彼等無論何事。皆擬舊者而取新者。如以爲可行之事。毫無顧忌。毫不躊躇。即時決行之。例如余前次在滿鐵時。曾擬購買美國最新式之計算機。而經理部則以爲價值太昂。因而中止。但俄國之統計局。則此種計算機。已有數十臺之多。因就問其梗概。據云。聞此機器甚佳。故早購而用之。其決斷機敏。亦可驚矣。不但購物爲然。即制度與事務。亦復如是。蓋不易之甚矣。如日本維新以來。不過

六十年。已經有種種之情弊與腐化之發生。一經決定之事。不易改革。多數之人。感覺困難。蘇俄則事事力求進步。革新甚猛。但亦非無朝令夕改之嫌。例如農業稅一種。余思調查之。曾赴財政部。就專門家某博士而聽其說明。又赴稅務司問其司員。則謂某博士之說明。與稅額有錯誤。問何以故。則稱某博士雖爲一學者。而稅率則係新定。恐尙不知。是蓋昨年所變更者。余於一星期後。復至莫斯科市政府財政局。問其稅率。則又不同。余頗驚怪。則又稱某司員所言。係去年之事。今年又不同矣。云云。可知僅一農業稅率。前年。去年。今年。皆有改革。非所謂朝令夕改。而何朝令夕改。雖不能無害。然俄政府如見有不便者。或腐舊者。皆大刀闊斧。斷然打破。以求改良進步。其向上精神。誠令人不勝敬服之至也。

南開大學周刊第八十一期出版了

第八十期要目如下：

蒲薩凱雷論歐洲和平

「忠」的性質與需用

一幕無結果的喜劇（獨幕劇）

姐姐（小說）

第八十一期要目如下：

南滿鐵路之概況及收回之辦法

唐玄奘法師生年及西年遊代考

分類教育中職業教育的地位

求婚（獨幕劇）

細目未載 定價每冊五分郵費在內

總發行所 天津南開大學出版社

◀ 案巨人驚之中場馬賽洲歐 ▶

(冰 履)


賽馬之風。盛行西歐。不意新近馬場中忽出一奇案。消息傳佈。頗堪驚人。倫敦私家偵探某氏。揭其案情。載於上月份小雜誌中。因亟譯述如后

▲藥劑魔王。此案情節非常重大。犯者應用其靈敏之腦筋。科學的方法。以實行其陰毒計畫。苟長此暗中取巧。不被揭破。不祇世界各地馬賽。勝負之數。盡可由彼操縱。而霸業流傳。社會上亦將發生異常之恐慌矣。偵探界稱該犯為歐洲藥劑魔王。實則細加調查。彼用藥劑犯法之行動。尚不祇限於歐洲一地。允可目為國際間唯一要犯。此人最初為一科學家。頗具天才。後忽改變宗旨。窮思極想。卒用科學以濟其惡。彼為英產。且曾充某大學科學教授。縱跡多在維也納。故設有辦事處。現在該犯名字。於蘇格蘭法庭案中可查。

▲馬場黑幕。倫敦偵探對於該犯行動。初未發覺。有一次忽被召赴馬場偵查疑案。蓋賽跑之馬。迥異尋常。似在事前飲以化學藥品者。據試驗結果此項藥物效力甚大能使馬頓感興奮。行動如飛。至如何成分。縱多方探覓。結果仍莫明其妙。當馬於競賽之前。率舉行試跑。數圈既畢。即將其速率記出。斯際馬亦未飲藥。無變態。迨一轉移間。正式決賽開始。平沙無塵。羣雄並立。中有一頭。已得藥品入腹。亦由騎師控之。在與賽之列。令號既畢。萬足奔騰。初時此飲藥之馬。常不及其餘良駒。一至跑抵中間。忽爾藥力猛作。絕塵而前。終能於最後數十秒間。奪得錦標。毫無疲乏狀態。此種情形。足使觀者驚異。因之馬場主人。於懷疑之餘。復就教於專家。遂斷定其為一種藥力作用。惟此藥何以有此神偉之力。縱以所疑之馬。精密查驗。亦無纖微之痕跡可尋。嗣經某私家偵探。多方搜索。始知此藥為某科學家秘密配合。彼安居於維也納化驗室中。用其好偽方法。藥馬以取厚利。影響所及。不祇限於歐洲馬場。積資甚富。殆皆應用秘密藥品。不正當而來者也。

▲形跡詭秘。私家偵探既發見以上消息。因復親往歐洲大陸設法偵查。並與國外某探互通音信。據其報告。寓居維也納之科學家某氏。行動確極可疑。自稱為英國人。年事約四十五。昔其貧乏。祇見其終日處室中。作種種科學試驗。後忽逐漸致富。一變其枯寂生涯。而華服車馬。出入於精美之旅館。遂場。用度頗豪。舉止似含有不可告人之隱秘云云。事既得有線索。遂進而偵視其行動。漸悉此科學家與英京某藥商時多聯絡。私家偵探乃專返倫敦。同時仍留若干暗探在奧。以通消息。未幾果得密電。謂該犯於昨晚啓程來英。蓋距此數日。倫敦馬賽。又將舉行。彼之來殆重施其伎倆也。英之偵探得報。立刻密達沿海各口。嚴厲檢查。結果蹤跡杳然。彼之行動。誠哉迅捷而神秘。抵英之際。並不逕自登岸。而於午夜雇一荷蘭漁艇。在英國南部海岸入口。偵探界舉動。早為其所先知。故此大仍能免脫。安然絕跡不來。然彼之秘密。亦更顯露。所主持之維也納試驗室。有充分確據。足以證明其為全世界製造秘密之總機關。因由英正式行文與國警署。加以逮捕。入獄未久。近聞已瘦斃獄中。此事歐洲社會上以其新奇。頗多傳說。允為現世紀中有興趣的巨案之一。

▲絕色女郎。作者於結束此篇時。復談及案中有一絕色女郎。為科學家絕好助手。伊人丰姿綽約。似為一大家閨秀。不知據何因緣。乃與該犯發生戀愛。常週游歐洲各大都會。代其秘密接洽。及銷售各種藥品云。



美國經濟現勢與影響

美國財部次長 Ogden L. Mills 著
高祖武 譯

美國於過去十年間。已達於世界優越之地位。即就經濟範圍而論。吾人已闢成世界的繁盛之路。對於國際間友誼的合作。與互惠的共同進步之企求。亦復不遺餘力。以此國外種種經濟事情。美國在在有舉足輕之權勢。然則造成此種權勢之力量。實不容不求其澈底之了解。爰就經濟方面探源論之。

美國經濟之發展。其最先足使吾人注意者。厥惟事業規模之宏大。與夫進展之敏捷。國富調查一九一二年為美金一八六、〇〇〇、〇〇〇、〇〇〇元。迨一九二二年已增至三二〇、〇〇〇、〇〇〇、〇〇〇元。今則又超過一九二二年之數。此其增加。雖於物價之變遷。不無若干關係。但美國國富確有特著之滋長。可無疑焉。又國家收入一項。歐戰以前為三〇、〇〇〇、〇〇〇、〇〇〇元。至一九二八年已達九〇、〇〇〇、〇〇〇、〇〇〇元。全國之貯蓄存款。復有甚大之激增。國內外工商業之投資。仍如百川長流。源源不息。國內大企業之漸變為國家營業。亦日形擴大。一切工商事業既形發達。生活程度遂隨之而增進。社會各階級無不蒙生產發達之賜。而克享安閑之樂。再進而轉變安閑為繁榮文

化之設施。亦復日見甚多。

經濟地位的變動

美國自一九二二年至一九二九年之十年間。誠如調查經濟變動委員會所云。上登雲際之高樓大廈。已布滿於多數城市。航空路線有二萬英里貫穿於全美四十八州之間。每年由鐵路及水道所運貨物達一、五〇〇、〇〇〇、〇〇〇噸以上。充塞於公路者有汽車二五、〇〇〇、〇〇〇輛。輸送電氣達一七、〇〇〇、〇〇〇戶。每年入學男女青年。計高小中學三、七五〇、〇〇〇人。大學專門一、〇〇〇、〇〇〇人。並供給佔全球二十分之一之一二〇、〇〇〇、〇〇〇人口以衣食住行娛樂消遣。美國精力之貫注。可謂偉矣。以上諸端。且不僅量之豐盛而已。其經營之優美宏大。亦世所罕見。

美國將臻於世界惟一強國之境地。其由來實遠在歐洲大戰以前。但近十年間。各方面均特飛猛進。使十年以前劃然另成一時期。且美國之至此境地。乃事勢之所必然。歐洲一戰。促其踏進富強之域。略為加速。容或有之。若謂歐戰即係助成美國富強之一主因。則猶未盡恰當。

生產能力有增進

美國國內情形變遷之最著者。爲生產數量之增加。新事業組織規模之擴大。與適應民生需要一切事物之可以取用無盡。試觀製造出品一項。吾人便不能不盛稱美國生產經濟品與經濟事業魄力之雄厚。依統計

量之生產每易舉辦。因之原來價格奇昂。中產以下往往望洋興嘆。視爲奢侈之品。無力購買者。至此便能普及。中人之家。咸受其惠。今日凡關安適。便利。閑暇。以及教育等措施。雖猶待精進。但一種新的標準。則已確立矣。

所示。舉凡吾人所消費所享受。例如種類繁多之交通運輸。甚至五花八門之娛樂方法。皆可自工廠生產中取得反証。今以一八九九年之出品數量爲標準。作一○○。則一九二七年已增至百分之二七九。計每年所增爲百分之三、五。強此三十年間。雖時長時消。在所不免。但其趨勢無有不向上遞增者。初觀之。每年僅加百分之三、五。似未可謂爲若何猛進。然此係歷年混合數中之每年增加率。且係與每年人口平均增加百分之二弱之比較而已。即此極廣泛之比較。亦復頗能察知人民個人生產能力與社會工作效率之加高。故美國一般的生活程度之特著增進。夫豈偶然而得。至其最大原因。則猶須歸功於從事生產之人。能各個的運用其心思體力。專注於工作事業。得其良効。供之有衆也。

生活幸福
新標準

生活幸福

新標準

一時期內。雖稍形低減。然製造業仍增百分之四。其他各業合計共加百分之三五。再就單獨企業而觀。計自一九一九年至一九二五年內。汽車工業每人出產量。計增百分之一。橡皮輪工業加百分之一。四。鋼鐵工業加百分之六。大凡各工廠之能注意機械改良與管理科學化者。其生產成績無不斐然可觀。同時薪工提高。物價低廉。效率增進。大

美國工商業既發達若是其勢力遂因國際貿易之關係。又直接達於其他各國。美國之參加國際貿易。於他國經濟事業之發展。駸駸乎成爲莫大之要素。不可或離。美國生活程度之高。消費數量之大。故各國出產品之大市場。捨美國莫屬。按照商務部發表一九二八年國際貿易總數。在六八〇〇〇〇〇〇〇〇元以上。美國輸入約佔各國輸出總數百分之五。輸出佔各國輸入總數百分之一六。其在國際貿易中之重要可知。

更就較爲普通之物品而觀。美國所消費者。與各國生產總數相比。從可知美國對於國內外工商業之購買力爲何如。美利堅合衆國人口共佔全世界人口百分之七。而消費全世界咖啡總產額幾及百分之五。錫百分之五。粗橡皮百分之六。生絲百分之七。以上至如糖煤鋼鐵石油之類。亦復不在少數。夫以世界百分之七之人口。而消費世界物品總產額如是之多。然則於世界之工商業以及勞工之僱用諸問題。當然有甚大之關係。寧非最足以資研究者乎。又美國人民之僑居或游歷於外者。約共五十萬人。計其費用。每年共約七〇〇〇〇〇〇〇〇元。此於各國之商業上。又未始非一大挹注。

欲知美國商業上所達於任何某種市場之勢力。究屬若何。此時非轉不可能。亦且爲非必要。蓋任何一國與美國直接通商之後。其所得之利益。除該國享受而外。尙可由該國與其他各國通商。輾轉惠及他各國。例

如美國向巴西購買咖啡。為數佔其咖啡輸出總量百分之五。此舉與增進巴西之購買力。不無若干關係。惟巴西人民購買外貨時。不但取給於美。即英德諸國亦皆受其惠。總之。因美國大規模之參加國際貿易。即工業已頗發達之國。——此等國已達於製造品輸出者與原料品輸入者之地位——亦無不蒙美國之福利者。

美國之對於國際貿易。既若是其重要。而原料品之輸入。製造品與半製品之輸出。今日日見加多。然則彼專以輸出原料為業之國家。——新興之國尤甚——一旦與美國發生通商關係之後。其獲益又何如。自美國廣開新原料之用。或舊原料發明新應用之後。其他各國之商務。亦遂因之而蒸蒸日上。若無美國作其先鋒。為之嚮導。則此等國尚不足廁於世界貿易之場也。今既獲美國之提携。於是其生產力乃大形增高。國中潛伏之能力亦為之喚起。遂一變而為各工業國之消費市場。美國自更銷路大廣。而國內市場亦不受絲毫損害。

論者每謂美國已築成一甚高之關障礙。坐令國際貿易受其影響。對外所持方針。與大債權國之地位。不相符合。但近頃財部幫辦克林氏曾聲稱。美國輸入一項之內。其完全豁免稅則者。佔總數百分之六五之多。其餘百分之三五。半為奢侈品。所受稅則輕重之影響。亦復甚微。

上屆財政年度內。美國輸入達四·二九一·〇〇〇·〇〇〇元。所最堪玩味者。即在福內麥肯堡法案 Fordney-McCumber Act 留難之下。單自歐洲方面之輸入。已增加五〇〇·〇〇〇·〇〇〇元。復如克林所云。現代貿易非出於對等行動可得而成。凡一切貿易往來與其差額。動輒牽涉數國之多。試觀上年英美二國之貿易差額。英短四九九、〇〇〇、〇〇〇元。似不可為不巨。但一深究。則美國自印度與馬來羣島二

處之輸入。其數尚較輸出多二九〇、〇〇〇、〇〇〇元也。

美國勢力之散布

美國財政方面種種措施。亦頗有影響於國外。即儲蓄存款一項。除足以資本國工廠之需要與設備外。並可供國外之用。能勿令人艷羨。歐戰未起以前。美國對外投資共約二、五〇〇、〇〇〇、〇〇〇元。今日估計已達一二、五〇〇、〇〇〇、〇〇〇元。與一四、五〇〇、〇〇〇、〇〇〇元之間。此無異一資本之總庫。各參戰國戰後重建。資金缺乏。無不求助於美。美國於此不僅予人以方便。而於本國商務之發展。亦且利莫大焉。

胡佛總統曾言。『貸人以債款。作生產之美舉。不僅增加吾人直接之輸出。亦且助成他人之繁榮。兩方均克享經濟之福。必也賣買兩方皆屬繁榮。而後貿易可期倡盛。貿易云者。乃國際間通力合作以求得最多之總出產與總消費者也。』歐戰以後。美國於財政上拯救他國於垂危之地。是又昭然在人耳目者。

不寧惟是。美國躍居世界首席。非全因對國際有債權者之資格。與貿易之優越。足以左右一切關係。在此種種之外。尚有一大因素。是為勢力。蓋國家向前進步之時。恒有一種足使其人民心身發旺出人頭地之潛力。在焉。美國之富強。實最得力於此。

故美國最近之發展。實來自國內。而非得力於國外。美國之歸然居於羣國之首。又非由於外表之現象。而由於內部經濟的發展。至此發展是否由於美國經濟的結構與方法之根本變更。可毋庸深論。事實所示。乃美國經濟生活已形加速。種種富源已形澎漲。潛力所在。已知充分利用。人類需要之滿足。前此所未及知者。今已達到一種標準。

進步之 各種原因

美國進步之原因。殊不一端。欲斷定其何者較重。何者較輕。亦所難能。但其因素究屬何在。此乃世人所注意之焦點。請申論之。美國土地大廣。物產豐厚。人民尤精強力壯。國於大地。自為一經濟的單位。超然於商業之限制。成一單獨的大市場。美人於此。消費美人自己之生產。大規模之生產。輒能與大量之需要相輔而行。生產力既經提高。國家收入既經增加。而國家的儲蓄存款。亦復有甚大之增加。凡工業中種種專門的改進。大抵皆此接濟之功。

美國人因身心發達。富於研究實行之精神能力。故發明既日多。且又隨之以施行。新機械新設備。有如風起雲湧。不可名狀。至於管理學識。更有重要之進步。於生產分配二途。乃大收經濟之効。因學識技能之進步。於是工作効率。遂益為提高。而價廉之物品愈多。或物品提高。而價目並不增加。俾便一般人之購買。同時對於職工薪給。又概取寬厚主義。蓋使受之者可以心安理得。敬業樂羣。則其獲益不僅工作効率之足以提高而已。鄙見所及。美國能自富富人之道。其在斯乎。

吾人從某方面觀之。此中亦無何新奇之意義存乎其間。美國努力於種種事業之進行。舉世已經洞悉。所不同者。有如私人間之相識。然某也於其微時。友輩談焉。視之。迨其一旦飛黃騰達。不可一世之後。始對其立身行事。爭相細加注意。某君到此。亦方始變成一種勢力。足資他人之矜式焉。今世之於美國。其注意則更為深切。蓋當其事業之成功。與權勢之擴張。開始引起外國注意之時。美國正自戰後殘局中。努力於一種經濟的政治的與社會的大嘗試。而此三方面事業之進行。又無不出之以絕大規模。且其性質既完全不同。而所持之方針。又復絕對相反也。美國之與

俄羅斯。可謂各行其是。其相異處。自不得不令留心世變者所注意。此兩大國分處於東西兩半球上。其所作為。均無所逃於世人之耳目。將來情形如何。誠有心人大好研究之資料也。夫以一萬二千萬之人民。肩負如此偉大之事業。美國在世界上。當然佔最重要之地位。且其重要性非僅直接影響於世界的經濟。即於各國之思想方法與夫社會的政治的經濟的各種制度之影響。亦復有繼長增高之勢力。左右其間。至若美國自身之如何改進其生活狀況。使民智優越。工商雄偉。秩序井然。成為空前絕後之泱泱一大國。猶其次焉者也。

市民旬刊第二卷第六期

目錄

內容豐富 裝訂美麗 定價低廉

社評 訓政期中的平教運動

通論 中國婦女目前的墮落及其原因

科學 社會主義之派別

文藝 科學珍聞一束

詩 普通自然現象的說明

一段海盜的故事(續)

時事日誌

全年大洋九角五分 半年大洋五角 零售大洋三分
發行處北京石驢馬大街二十二號

邵生才

王雲華

陸元煥

雲雲

沛華

劉博

書華

沛元

雲雲

雲雲

雲雲

雲雲



德國著名
漢學家

衛禮賢博士逝世

(一) 路透電傳消息

據三月六日北平導報(英文)載三月四日路透電。曾任北京大學教授著名漢學家，中西人所共知之德人衛禮賢博士 Richard Wilhelm 1873-1930，頃在德國佛蘭克福他方逝世。按衛禮賢博士於一八七三年五月十日生於德國武敦堡之斯突格他方。先後畢業於該地之愛巴哈路易高等學校，突賓根大學，及斯體夫特神學院。一九〇〇年，與 Salome Bluehart 女士結婚。有子女四人。出校後，在武敦堡任耶穌新教會牧師。一八九九年(光緒二十五年己亥)至青島，為牧師。自一九〇〇年以來，均為威瑪教會牧師，在中國傳道，尤盡力於學校及醫院之事。博士深通中國學。著書甚多。擬成「中國之宗教與哲學」巨編，而未完工，已出版者如下(一)卷二孔子論語(二)卷七老子道德經(三)卷八上列子(四)卷八下莊子(五)卷四孟子。其神學博士學位，乃耶拿大學所贈與。一九二二年四月，為研究中國文化問題而來北京，遂任國立北京大學教授。閱二年，歸德國，為佛蘭克福中國學院院長。兩旬前得病，竟致不起云。

(二) 石坦安君特撰行述

按德人石坦安 Diether von Steinen 君。曾任佛蘭克福中國學院助教。與衛禮賢博士共事一年。現任北平清華大學教授。聞耗。特撰此篇。茲為譯登如下。本刊編者識。

衛禮賢博士終身盡力謀中國德國國民之互相了解及增進友誼。今竟殞逝。享年僅五十有七。傷哉。

博士初治耶穌新教神學。一八九九年來中國。為寄居青島之德人中之牧師。自是除偶爾回國一行外，常居中國，先後凡二十五年。以在青島時為多。後在上海不久。一九二二至一九二四年居北京。

中國情形甚佳，西人多喜來華久居。然大都無深遠之目的。只圖生活閒適而已。衛禮賢博士獨異是。博士性喜深思。發願研究並了解中國之社會及國民性。於是仰觀中國之天色，俯察中國之水土。諦審中國都市村落山間，平原海岸各處人民之生活，精通中國語言文字。其投身耶穌教會為牧師也，非欲勸中國人入教受洗，乃謀為中國人切實盡力。蓋博士及其同道者視宗教純為不可遏

抑之仁愛之表現耳。博士既得細察中國社會之各部分，深贊歎中國生活全體中之和諧精神。乃決意研究此種和諧精神之起源，即中國文明之基礎，而求之於經書及古代哲學中。先讀老子，次讀論語。繼續孟子莊子列子。深憾此等偉大之典籍未有德文譯本，乃自從事繙譯。非欲以漢學家自見。實欲矯正當時歐洲人（尤其德國人）對於中國人民之誤解。實欲使德國人得知中國之真象及中國古昔高尚之文明，博士之工作，足使德國人耳目一新，如獲



Richard Wilhelm

衛禮賢博士遺像

異寶。此德國人所當永遠感念不忘者。上文所舉孔孟老莊列子之書。對於德國少年，有極大之影響。今後德國人對於中國絕不致再有帝國主義之思想。所以然者，非僅緣德國戰敗於列強，而實以衛禮賢博士繙譯之功為多也。

入民國後，博士與中國學者往還更密。遂覆校其以前所譯諸書。更以勞乃宣（玉初）氏之協助，譯易經為德文。易經者中國各種哲學及文化思想之本源也。博士又編著中國神話及中國詩之書各一

冊，但非其重要之作耳。

博士在德國之影響業已甚大。然猶以德國人未能盡知中國為憾。遂舍其所極愛之中國，而歸德國，以更積極宣傳並提倡中德人民之深契。一九二四年，博士受聘為佛蘭克福大學之中國文字及文化教授。於其地創立「中國學院」。該學院之宗旨為研究中國文物，而以研究所得之結果向德國人民宣傳。博士歸國後。著成中國文學史一冊，關於孔子老子之書各一冊。中國哲學史大綱一冊，中國文化史一冊（此書英譯本本刊百零二期曾經介紹）。譯呂氏春秋為德文。又譯關於釋道之新書數種。博士不但在中國學院授徒。又巡行德國各地，且至其他歐洲各國演講中國文化問題。而同時兼編輯數種雜誌。可謂勤且勞矣。

衛禮賢博士固深愛舊中國，然亦未嘗不愛新中國。與中國之新少年常多為緣。居中國時，屢以德國民眾之環寶召示中國學生。講授德國哲學及詩。且譯康德及葛德之短篇著作為中文。歸德國後，常歡迎中國學者至「中國學院」演講，如胡適君即其一。三年前，又嘗邀集留德中國學生全體聚會。博士之音容，眾當能憶之也。

「中國之靈魂」Die Seele Chinas 一書，為博士最切己之著作。表示其愛中國之誠摯。蓋博士終身為中國盡力，此書即表示其對中國誠摯之愛者。此書吾人直可名之為「衛禮賢博士之靈魂」。博士之靈魂雖係德國產，而兼包中國於其中。凡與博士相親之中德兩國人士之心中，皆當有此靈魂永遠存在也。

（三）中國之靈魂

「中國之靈魂」一書，其英文譯本，本副刊第五十五期曾爲簡短之介紹。原書德文名 Die Seele Chinas。係一九二六年出版柏林 Reimar Hobbing 書店發行。凡三百六十七頁。插圖三十六幅。此書敘衛禮賢博士在中國之經歷聞見及感想。可視爲博士之自傳。至饒趣味。且多深微中肯公允明達之議論。書分二十章。第一章叙博士初至中國。抵青島。爲牧師。習中文。夜乘馬遊即墨。次日抵縣。

第二章叙義和團之亂。及膠州德兵砲擊民村，出任調解事。博士雖以傳教爲職業。而深悉此中實情及中國人民心理。故從不強勸人入教。亦從未收洗一人。

第三章叙庚子回變及維新事業。曾李袁張之爲人。各大都會之形勢。海關郵政等事業外人管理之得宜。

第四章叙辛亥革命至洪憲帝制間中國之大事。

第五章叙南北分立時代中國之政局及各國態度。

第六章叙中國思想革新及文學革命。其論康有爲之大同書中之主張。謂原本佛家出家離世之思想，而加以康氏本人激烈嚴毅之性情。非由西方社會主義之影響。尙爲有見。

第七章遊曲阜孔林。叙孔林之幽森深靜足使遊人想見古來聖賢偉大之精神。又謂孔子之教旨，在端正人類倫常骨肉間最真摯之感情。禮施諸外，樂施諸內，以達此的。然後推之於國家世界。易言之。即使自然與文化互相調和而不衝突背馳。孔子成此大功。爲世界歷史中所僅見。今者社會情狀既變。孔子之方法及制度勢不能留。亦不須留。惟孔子之精神及宗旨（即端正感情及調和文

化與自然）則應保存並利用之云云。此所言實精當之論。

第八章叙遊登泰山。

第九章記大同雲岡之遊。登長城。謂羅馬帝國之基礎在城市。中國之基礎則在鄉間之農民。故羅馬倏亡而中國久存。

第十章叙村塾及教育之制度。

第十一章叙民國初年，前清宗室及官僚政客文人學者方外等遞居青島者，常相聚會談論之情形。並與勞乃宣氏合譯易經之經過。德國凱撒林伯爵之來訪並與辜鴻銘作徹夜談。暨歐戰起。日軍來。寓公遂各四散。

第十二章叙恭王之爲人及慈禧光緒宣統之軼事。

第十三章記乞丐竊賊及盜匪。

第十四章論教會人士在中國之事業。持論甚爲公允。

第十五章記杭州（西湖）及蘇州之遊。

第十六章記北京。中有云「女子師範大學在石駙馬大街。予嘗至該校演講，極爲滿意。予觀女學生尤爲聰明好學，而熟悉科學研究。女學生中有過重理想而失於偏激者，亦進步時代所應有。……中國女子得獲解放毫不費力。比之西方婦女，亦諺所謂先來後到者歟。」

又云，中國人重個人心性之和諧，故不拘囿於禮節及形式。此種自由之態度，此種真正之恭敬，使外人之見中國人者皆不得不愛之。

第十七章叙宗教迷信及魔術。

第十八章叙歷象節氣及婚喪風俗等。

第十九章叙飲食宴會賭博吸烟妓院（附秀英小傳德文原書中有其照片）戲園

第二十章結論。謂中國文化有三大潮流。北為孔子之儒教，以調和自然與文化而建立人類之良好社會為宗旨。南為老子之道教，以歸依自然而與宇宙合一為宗旨。以此之故。中國人無違天之驕氣。無真正之悲劇。表裏如一。言行不殊。無精神之矛盾及衝突。比較的皆知足而快樂。其偉大之人物，不言不動而有影響於世。而功成不居，不計個人之名利。凡此種種。皆中國文化智慧可以裨益今世之處。

今者全世界皆已工業化，機械化。而女性得勢。中國亦受此影響。然中國雖步趨西方之後塵。其所遇之各種困難，皆可由中國舊日之智術德教中尋得解決之法。同時，今日世界之危險在將全體人類悉化為物質之分子。夫東方之所長，在深入學識下，漸昇以至幽微神秘境界，由是發揮個人精神之自由。西方之所長，在確立個人堅決之意志，以與外界之壓力相抗。此二者不可缺一。是故東方文明與西方文明之融合，實未來世界所應趣之目標。而中國文化之所以貢獻且裨益全世界者，亦正在此也。

（錄三月十七日大公報文學副刊）

嘯石

蕭觀

潯溪述園。係同里富紳朱某所建。園中有嘯石一。高約丈餘。背有孔。如盈口大。中通空竅。風動則鳴。時聞嗚嗚之聲。每當狂飈怒發。其響更甚。靜夜聽之。如虎嘯山谷。令人悚然。

朱某有元章癖。滿園怪石羅列。殆以百數。其中有疊如層巒者。有懸若峭壁者。殊形詭狀。不可殫記。而尤以嘯石為最。或云。此石不利。自同光以來。已十易其主。朱某不信。卒以千金購得之。未幾。主人物故。家業因以中落。而斯石之存亡。正未可知也。然則物之於人。冥漠中亦有數在。殆不可以假借者耶。姑誌之以寄遙慨。



中國逐漸采行金本位幣制法草案（二續）

財政部甘梅爾設計委員會擬

第五章 金本位通貨對於非金本位通貨之逐漸代替

第二十五條至第二十六條 金本位貨幣對於現行貨幣之代替。由全國幣制委員會主持之。本委員會以委員三人組織之。其一為幣制處處長。其他二人由財政部長委任之。本委員會應由外國幣制專家一人輔助。由財政部長任用之。

第二十七條至第二十八條 全國幣制委員會應由各省幣制委員會輔助。此項省幣制委員會於有需要時組織之。其職務在製備關於幣制改革之宣傳及教育計劃。

第二十九至第三十條 全國幣制委員會經各省幣制委員會之輔助。應將各省幣制情形研究並報告於財政部長。本委員會應隨時將收兌及撤回舊幣之兌換率建議於財政部長。此種兌換率得隨地不同。財政部長根據此種建議應隨時將各省各地之兌換率公布。

第三十一條 現在流通之十文或一分銅幣應逐漸撤回。以達於每孫二百枚之率為止。俟十文舊銅幣在一省中已能鞏固其每孫二百枚之兌換率時。財政部長應即為該省宣布其銅元鞏固。自此日以後。所有此項銅幣應以每孫二百枚之率兌回。其後即以金本位新銅幣代替舊銅幣。

所有舊銅幣由一省至他省間及由本國至他國間之輸運均應禁止。直至各地方之舊銅幣均能鞏固其每孫二百枚之兌換率時。此禁令始解除。

第三十二條 所有金本位貨幣對於非金本位貨幣之兌換。由國民政府或其他附屬機關代表國民政府行之。所有停止流通之非金本位貨幣應即銷鑄。

第三十三條至第三十四條 全國幣制委員會應向財政部長建議關於撤回各種紙幣之辦法。並須在至少一年前預先建議。每省之紙幣最後收回日。此日期財政部長決定之。

第三十五條 各省或各地方於前述紙幣最後收回日宣布後。應立即設法將所有未兌現之紙幣。無論為直接發行或為其所操縱之銀行所發行。或為其所担保者。一律按平價兌回之。如此項紙幣價值低落過甚。財政部長得特許其發行機關按平價以下兌回之。倘所有紙幣不能在規定收回日一律兌回。其發行機關應對中央銀行或其他銀行存入足敷兌回所有未兌現紙幣之款項。倘該省或該地方無力籌備上述之現金。亦得存入附有利息票之債券。以足敷兌回所有紙幣為度。

第三十六條 所有銀行商店或私人應於紙幣最後收回日以前。平價兌回其所發之紙幣。倘其價值低落過甚。財政部長得特許其按平價下

兌回之。除依下節所舉之例外。所有在紙幣最後收回日以後。尚未兌現之紙幣。應課以遞進之稅率。如某銀行於紙幣最後收回日。業將流通紙幣數量減至兩年前流通最高額百分之十以下。該銀行得免繳前項之課稅。

凡資本在現行國幣五百萬元此上之銀行。得按其持有政府公債之數量。減免其同數量紙幣之稅率四分之三。

第三十七條 財政部長因依本法第三十六條之規定對各銀行償還其債務。應發行各類之公債。

第三十八條 任何銀行任何人不能遵行本法第三十五條之規定時。應由政府宣告其無償還能力。並清算之。

第三十九條 本法絕不損害外國人依現行條約所得之權利。

第四十條 本法於通過後六個月以內發生效力。其發生效力之日期。由國務會議議決公布之。

本法草案及理由書大要

中國急不容緩之幣制改革。乃在以全國統一之幣制。替代現今紊亂之通貨。及採用金本位二者。一國之幣制紊亂。則於貿易及國家之發展與榮。均大有障礙。今世界以銀為本位之重要國家。厥唯中國。此項本位更予中國以莫大之打擊。尤以使其國外貿易及政府財政受害最大。國外貿易因以銀為本位。遂易起紛擾。而政府全部之收入。幾盡為銀。然有一大部之支付。則以金計算。故其財政之清理。遂以困難。

金本位之建議

本草案乃規定逐漸採用一種合宜之金匯兌本位制。並設法使現行種種貨幣永遠收回。而使中國有全國統一之金幣制。

新幣制之單位。擬定名為「孫」(Sun) 含純金六〇・一八六六公毫。其價值乃等於美金四・仙(二・五〇孫幣等於美金一・〇〇元) 英金

一仙七・七二六五便士日金〇・八〇二五圓。此項單位之擇定。大都因其在實際上以金為計算。可與中國許多地方今日通行之銀幣同值。使現行銀單位。改為大概價相等之金單位。則物價工資及借貸關係。均不致起擾動。即有擾動。亦至微末。假如個人依現今標準。每月收入為一百元。則其人依改用之金標準計算。大概仍為一百孫。又一種物品。在今日值一元者。在將來亦大概值一孫。

本草案規定鑄造一孫・五角・二角等銀幣。一角・五分等銀幣。一分・半分・二厘等銅幣。惟最小之銅幣。非有迫切之需要。則不鑄造。本草案於金幣之鑄造。未予規定者。良以金本位無鑄造或流行金幣之必要。而今日多數金本位國家。亦無有以金幣作活動之流通者。惟本草案規定維持各種貨幣。與一固定金貨幣單位之平價。並照上文所述。規定一種機械作用。使貨幣流通數量之增減。可與英美等國貨幣流通數量。因金貨實際輸出輸入之結果。而有增減者相同。因之此種制度。遂可具金本位之主要特質。而不必鑄造或流通金幣矣。

可以滙票兌回之信用貨幣

所有貨幣。包括孫幣在內。均為信用貨幣。而由政府決擇以向各金本位國家之滙票。或以金條。作無限制之兌回。以維持其與金幣之平價。本草案雖予政府以金條為兌回之決擇權。惟此種兌回方式。恐不能常見。使信用貨幣之兌回。尋常大概用在紐約或倫敦支付之滙票。滙票之金額。應為二千或二千以上之孫幣。每次滙票須按由出票之中國城市輸運金貨至受票之外國城市所需要費用。而徵收其滙水。假如中國有金幣流通。而滙兌率達於金貨輸出點。則輸出現金者。亦須担負與此項滙水真等之費用。凡用此種方法兌回之貨幣。實際停止流通。儼若難開國

境與有金幣流通之金本位國家情形相同。

在他方面則規定一種等於現金輸入中國之辦法。而使在外國充中國代理處之某某銀行。出售以金本位貨幣在中國支付之匯票。其徵收之匯水。則與運現金至中國所需之運費相等。於是中國貨幣之增加。其成效乃與現金輸入中國相同。其匯兌之漲落。亦類有金貨幣流通之金本位國家而止於金貨之輸出輸入點 (Gold Points) 蓋中國常準備以外國金匯票交換其本國貨幣。又付出此項貨幣。以交換外國出彼之外國金幣。而其交換率則與金貨幣輸出輸入所定者相同也。此處所謂金貨輸出輸入點。乃指在英美諸國。其匯兌率達此點時。則輸出或輸入在金有利。

按照前述辦法。以兌回中國貨幣。及在國外出售以中國貨幣支付之匯票。須設立一金本位信託基金。此項基金。至少須達流通貨幣價值百分之三十五。並分之為二部。○第一部基金包括現金及可付現金之外國匯票。○第二部乃包括中國境內流通之金本位貨幣。及為造幣目的所購之金屬。第一部基金存於二、三外國金融中心。在開始時大概僅存於紐約及倫敦。此項存款之利息。歸中國政府所有。惟此部基金乃專供前述藉匯票以兌回中國貨幣之用。第二部基金。包括中國貨幣。及供造幣廠目的之金屬。在有需要時。則用之為新貨之來源。在通貨充斥應以匯票兌回時。則用之收回通貨。因此第二部基金。乃成為一種緩衝基金。能自動調整中國貨幣之供給。使合於貿易變遷之需要。第一部基金耗竭過多時。可因中國通貨之收縮。而自動制止。兌回之中國貨幣。則劃入第二部基金內。而不發出。

基金及金本位由財政部幣制處管理。基金得由上海三種銀行公會。上

海中國商會或中央銀行隨時審查。

造幣權利益

本草案規定之貨幣。均為信用貨幣。故其所含金屬之數量。較其面值為低。而政府鑄造貨幣。遂可得巨額造幣權利益。在金本位國家。除金貨幣外。一切他種貨幣之實值與面照值須相差頗鉅。否則銀銅等幣之金價高漲時。其實值將較面值為高。而有銷鎔以生銀銅出售之傾向。故貨幣之鞏固。遂以搖動。且有他種弊端發生。今以銀之現在價格為基礎。一九二九年十月。規定一銀孫幣實值與面值之差約為三分之一。小貨幣之差則更大。尤以銀幣銅幣為然。假定中國每流入通之銀幣等於美金一・八〇元。又其流通之銀幣銅幣等於美金二六仙。則鑄造此等貨幣之造幣權利益。約可達美金三三〇・〇〇〇・〇〇〇元之鉅。若每人之流通額較此為或。小。則此項歸政府所得之造幣權利益亦隨而大或小。據最近所估計。印度每人流通銀盧比之額。約等於美金三・五一元。而輔幣助貨幣或紙幣尚未包括在內。惟紙幣在印度比在國較重要。故吾人假定美金一・八〇元為中國每人之流通額。似尚穩妥也。

金本位之逐漸采行

本草案規定金本位當在各省過續推行。第一步須宣布一省或數省之金本位幣制通行日。此後新貨幣遂成為法成貨幣。凡工資。存款及任何項他種交易。均可用之。除財政部長另有規定外。政府亦按一孫等於一手之率。以為收付在各便利地方。均設新貨幣交換處。使人民按財政部長所定之率。以舊貨幣換取新貨幣。此項官定率可以各省不同。且有隨時更變。

自前述之日期起。一年以內。又宣布所謂金本位法幣日之第二日期。此

後唯金本位貨幣成爲締結契約之法定貨幣。此第二日期不得在第一日期後未滿一年。且至少須在實行前六個月公布之。

第三日期爲債務換算日。此日期可與法幣日同時或不同時。惟不得在法幣日以前。其實行亦至少須在公告後六個月。此後一切以銀兩或中國他種非金本位貨幣計算之債務契約及種種之支付。在滿期之日。須按照爲此目的而規定之新舊貨幣換算率爲支付。此等債務換算率。以公布換算日以前九十日中每種貨幣之市價爲根據。一經決定。永以爲例。

現行銅幣暫時爲金本位制所容納

本草案規定現行十文或一分銅幣。暫時繼續行使。並爲金本位制所容納。現今此等貨幣之流通。其率各地不同。每銀元常可換銅幣三百枚左右。本草案規定立使十文銅幣之流通額減少。至每孫可換二百枚爲止。此舉成功後。乃公佈銅幣鞏固日。此後銅幣乃爲合法之金本位制之一部分。而其兌回。則按照每枚等於半分或二百枚等於一孫之率。現今此等十文銅幣中所含之銅。殊較其面值爲高。而營私者遂鎔毀銅幣。以取其所含之銅。故政府將此等過多之銅幣收回。殊爲有利。銅幣流通額自一孫換三百枚而收縮至一孫換二百枚。則其面值已增除銅價較今日更爲增高外。營利者便不能鎔之以圖利。使現行十文銅幣納於金本位制中。則金本位之採用及通行。均受其甚大之助力。以其可使人民習知一孫幣乃確實代表銅幣二百枚。五分銀幣代表銅幣十枚。或一角銀幣代表銅幣二十枚之故。銀幣將成爲小宗交易之必要品。故可使政府得有鉅額之造幣權利。俟舊銅幣鞏固後。乃逐漸代以小形之半分新銅幣。

舊幣之撤銷

用金本位貨幣替代現行貨幣之任務。乃委於全國幣制委員會。其委員長則以幣制處處長充之。在必要時更設各省幣制委員會以輔助之。省幣制委員之任務。尤注重於曉諭民衆以新幣制之利益。使用舊貨幣之處罰及限制。與夫以舊貨幣換新貨幣之地點及官定率。

致紙幣之撤銷

設計委員會對於改組中央銀行爲中央準備銀行所擬之草案。乃規定紙幣發行須由此計劃中之新中央準備銀行獨佔。是以本草案在設法將現今流通之各種紙幣收回。俟本草案成爲法律時。則各省各地方各銀行（除中央銀行外）。商店成私人所發行之紙幣。均應停止發行。並採取迅速方法。將其撤回。每省之紙幣最後收回日。不能較債務換算日爲早。且至少在一年以前公布。在此日以前所有紙幣。應按照平價收回。惟紙幣跌價過低。及經過若干時尙如是者。則規定其可在某種條件之下。依財政部長所決定之率。以低於額之價格兌回之。

如一省或地方。或省銀行。或地方銀行。在該日期以前不能收回其所有之紙幣。則須以充分金本位貨存於特定代理處。而以平價收回其流通差額。如不能備有充分之貨幣以作此用。可改用有利息之債券之撤回。其未收回之紙幣。

如一銀行或他種私人組織有紙幣在外流通。而在紙幣最後收回日以前。不能盡行收回者。則此等未收回之紙幣。須課之以稅。在第一年中每月以半厘爲率。第二年每月爲一厘。此後則每月爲一厘半。由國民政府欠有鉅款之銀行。其所有未收回紙幣與其所持國民政府債券相等之部分。得減免四分之三之稅。債券已由政府償付。或由銀行售出後。則其

免稅部分之紙幣須隨之減少。在紙幣最後收回日以前。政府須將其對於銀行之無基金負債額。用現款或用各類債券償清之。

銀本位建議案之缺點

設計委員會曾對於以銀行為基礎將全國通貨統一然後改用金為基礎之建議計劃加以研究。據委員會之意見。此種建議。因下述之種種原因。而有重大之錯誤。在統一幣制困難事業完成後。而欲進行以金為基礎。及規定銀幣之實值與面值之必要差額。勢不能不將銀幣之面值提高。然在金本位中銀幣之實值。通常須等於銀幣之面值三分之二。此種將國內通貨相對減少之辦法。誠為一種痛苦之舉。可使工業及輸出貿易蕭條。勞働界受害。而對於某某階級。亦極不公平。如將來改此信用金本位貨幣。以代提高銀幣之價值。則國家須收回其新發行之銀本位貨幣。而遭兩重之損失。且使人民亦感不便。殊無謂也。

且用此種間接方法進行以金為基礎之計劃。是使國家繼續舉行二次幣制改革。以銀為基礎之幣制統一後。不久又須進行以金為基礎之第二次改革。此種改革。無論如何。荆棘滋多。且此種間接計劃在第一次改革業已告竣後。如於第二次改革時遇有重大反對。則採用以金為基礎之舉。將不易實現。

間接方法尚有一重大缺點。即為政府所有鉅額造幣權利之損失。將錫本位貨幣之價值提高。使其適合於金本位制後。則此等貨幣乃成為信用貨幣。但其可以歸於政府之造幣權利。乃息散於私人之手。而不復為政府所有。一九〇五年及一九〇六年海峽殖民地因採用此種幣制改革所受關於此點之經驗。可予我人以一種有價值之教訓。間接計畫遲早須舉鉅額借款。以設立必需之金貨準備金。

反之。直接計畫。除創始時所需小額借款外。確能自給。且其借款亦可以此次改革本身所得之利益清償之。間接計畫又虛耗時日。使中國非經過許多年後不能享受現今幾為一切其他重要國庭所享受之金本位利益。統一之金本位通貨為中國工商業重大之助力。可使生產增加。國外貿易發達。全國人民之幸福增進。而直接採用金本位之方法。又最為經濟。對於國內實業妨害最少。且其最大之利益。則為可使中國在較進步之區域內。立即採行金本位。

理由書

第一部 中國幣制改革問題

中國之通貨。在世界任何重要國家中。最為窳陋。無疑義矣。自本世紀初期以來。幣制改革雖時有提議。且作為精密計劃數種。甚至某種改革已頒為法令。然今日中國通貨之窳陋。反較二十五年前為甚。則又事實也。

一、略史

我人將中國近代幣制史略一研究。則中國通貨之現狀。乃易明瞭。直至十六世紀間。中國開始與歐洲各國直接貿易之時為止。國內各地盛行之唯一貨幣。在事實上。乃為黃紫銅鑄成之錢。自與歐洲各國有直接貿易後。而西班牙本洋(Carolus)乃經廣州港流入。十九世紀中葉此港開放。乃有墨西哥鷹洋流入。嗣後又有許多他種銀幣流入。(包括花旗洋。日圓。站人洋。西貢洋。及若干種南美國家之銀幣)所有此等銀元之分成。大概與西班牙墨西哥之銀元相同。而與之平價。通常稱之為墨洋。此等銀幣及作錠狀名為紋銀之生銀。均為中國通商口岸之主要通貨。且逐漸侵入內地。在中國各處日益通用。然中國億兆人民之小宗交易。向均以制錢行之。直至大戰發生時為止。

彼時因價值昂貴。所發行之鉅額銅幣其實值均較面值甚低。以致多數制錢被鎔毀。約在一八七〇年時。多數採用銀本位或複本位之歐洲大陸國家。始改用金本位。不久世界其他地方之重要國家。亦步其後塵。故至一九〇〇年。中國幾成爲銀本位之唯一重要國家。中國以銀爲基礎。爲時已久。然在一八九〇年以前。中國尚未鑄任何大量之銀幣。是年廣東乃鑄造以龍爲圖案之銀元及銀角。在銀角中。以一角二角爲最普通。嗣後中央政府及省。亦鑄造同樣圖案之銀元。各造幣廠所鑄龍洋之成色及重量。雖彼此稍有出入。而與外國銀洋之成色。則大概相同。且能與之平價作一般之流通。

銀角含銀之成分。乃較銀元爲低。此項銀輔幣之鑄造原冀其能與銀元平價流通。在短時期內。亦確能如是。惟政府官吏因此等信用貨幣之鑄造權而獲有利益。遂鑄造過剩。結果銀角乃以跌價。今則跌至八折上下。此等跌價銀元。俗稱「小洋」以別於名爲大洋之銀元。

各省銅元廠及中央政府所發行各種或一分。二十文。二分銅幣。其情形亦與銀角相同。因官吏見其鑄造利益甚大。發行過多。致起折扣。中國在滿清時。及一九一一年入民國後。已草成有通貨改革計劃多種。有主張採用一種統一銀本位者。有主張殊用一種金本位者。(註)一九一四年所頒布之國幣條例。即其唯一之具體方案。該條例規定鑄造與現行銀元所含純銀大約相等之銀元。並制定當作大洋使用而與銀元平價流通之半元。二角。一角等銀輔幣。五分銀幣。二分一分及不滿一分之銅幣。

(註)對於主要計劃中各種重要規定之表式撮要。見附錄乙。而此等計劃之大意。見附錄甲。

前述條例實予中國以從前所無之一種全國幣制。按該條例鑄行之中國銀元。其上鑄袁世凱之像。嗣乃代以孫中山之像。在今日中國通行金屬貨幣之各處。幾皆有其流通。

但紙幣濫發及各省造幣廠對於銀角濫鑄之結果。遂使此種新銀元不能推及全國。不久新銀角之跌價。此乃與舊小洋相同。同時銅元又因發行不已而跌價。直至鑄造已無利益可獲。始已在一九一一年革命後。省政府軍政府及常受省政府指揮之銀行。均濫發紙幣。以致國內紙幣充斥。在某數省。其紙幣尙勉強可兌現。而在外省。則其紙幣之發行。已完全將通貨之形勢擾亂。

一 中國通貨之現狀

嚴格言之。照法英美諸國幣制之意義而論。則中國固無所謂幣制也。中國之中央政府與省政府。固皆鑄造貨幣。而中央銀行亦發行紙幣。但境內各處則無一完整之幣制存在。其現行種種七零八落之通貨。固無有通行於全國者。

中國現今之通貨。可自二不同之角度以觀察之。(一)交換媒介之各種貨幣。及(二)中國國大宗交易之處理與人民大部債務之締結清償。實際上所采行之銀本位。

(甲) 流通貨幣之種類

自旅行中國之外人觀之。中國之貨幣及紙幣其種類乃多至不可究詰。此等通貨爲國家各省法團及私人各自獨立發行。不但省與省殊。且在一省之內。此城市亦與彼城市相異。

A. 貨幣

中國之貨幣約略可分納爲四大類。(一)銀元。(二)銀角。(三)銅元與

(四)制錢。

(一)銀元

中國各地流通最廣之銀元。常稱之爲銀洋或大洋。此等銀元在國內國外。普通均視爲中國之本位幣。而在國內各地。殆皆通用。惟通用之程度。則不一致。中國銀元之種類甚繁。有在國內鑄造者。有在國外鑄造者。其總重量及所含純銀。則微有出入。花旗洋與舊西貢洋所含純銀。爲三七八英厘。應洋所含純銀則稍高於三七七英厘。袁世凱銀元及孫中山銀元。則均按一九一四年國幣條例鑄造。其所含純銀稍低於三六九英厘。此等銀元雖在東三省廣東等地實際流通極少。然其能爲全國各地所通用。大概係事實。其所含之銀。縱使稍有出入。類皆與他種銀元平價通用。袁世凱銀元。孫中山先生銀元。龍洋。墨西哥洋四種。及其中最普通者。龍洋則多來自廣東。湖北。江西及北洋造幣廠。日圓。站人洋。在某某地方。亦有少量之流通。而本洋在少數內地城市中至今尚通用。(註)參看附錄丙中國貨幣流通之範圍。及附錄戊中國銀幣流通之主要區域圖。

(二)銀角

當中國着手鑄造信用貨幣之銀角時。各省當局。及國家當局之用意。均以此爲此等輔幣須與大洋平價流通。惟大都因鑄造過多之結果。今日在境內各處銀角之折合大洋。幾無有不跌價者。(註)在銀角與大洋並用之地方。銀角乃用於大洋爲買賣之兌換率。其按大洋計算之兌換率。則日有變化。且此城市與彼城市常有不同。銀角又成爲一種分立之美幣單位。有許多另售價格及用小洋標註。廣東之毫洋。乃合雙銀角五枚。

而成。此項毫洋爲該省之貨幣單位。其物價之標註。契約之締結。以及各稅之徵收。均以毫洋計算之。(註)福州若干地方有自鑄大洋銀角之流通。聞在小範圍之其他地域內。銀角之流通。乃與大洋平價。此項小洋多爲雙銀角。然在某某地方。亦有單銀角。有若干省分。則有半元銀角之流通。尤以在四川爲常見。此等小洋。有許多不同造幣廠之產品。其可在中國各地通用者。則屬罕見。在上海南京及南方各省。廣東雙銀毫之流通。幾使其一切銀角絕跡。在河北省則以天津造幣廠所鑄之嘉禾及袁世凱像銀角爲最流行。而廣東小洋在北方。則不通用。東三省紙幣充斥。故大洋小洋幾完全絕跡。但在南滿租借及南滿鐵路地帶內。尚有若干日圓之流通。北部中部之大部份地方以及雲南。則幾無銀角流通。

中國許多地方有時因某某年所鑄之貨幣成色頗低。有時僅因習慣關係。而對於此等貨幣不肯通用。結果遂使中國通貨之狀況。愈形混亂。如雙銀角可在上海通用。而在南京則否。廣州造幣廠所鑄孫中山像新雙銀角。其所含純銀。縱不較上海通用者爲多。實不相上下。然而此項新角之在上海。反不適用。

(三)銅元

在事實上。除東三省外。銅元在中國各處流行甚廣。且又極佔勢力。中國大部分人民之現錢交易。均以銅元行之。故小額購買之零售價格。大都按銅元計算。前清及民國政府。以及各省所鑄之銅元。均種類甚多。此等銅元。大致確同。而往往可與他種面值相同之銅元。平價流通。銅元有十文(俗稱單銅元)。二十文(俗稱雙銅元)。五十文。一百文。二百文。五文諸種。惟無一可通行於全國各處者。在東三省地方。中國銅元流行。

甚稀。而在南滿租借地及南滿鐵路地帶內。却有若干日本銅元流通。在北方諸省。雙銅元頗盛行。但亦有通用十文。五十文。一百文。甚至二百文之銅元之處。在四川陝西湖北等省。揚子江上游一帶。則有許多地方。祇有五十文。一百文。及二百文之銅元流通。在安徽南部江蘇江西二大部分以及浙江福建廣東廣西。則通常所流通者。乃為單銅元。在貴州則通行十文及面額較鉅之銅元。在雲南則十文。二十文。及五十文之銅元均通行。惟該省之使用銅元。殊不若他省之盛。(註)

(註)除前舉之附錄外。參看附錄丙中國銅元流通之主要區域圖。銅元之形勢。又因其以銀元計算。乃日與日殊。地與地異。而益形複雜。假如目前(一九二九年十月)銅元對於大洋兌換率。在南京約為三一五枚。在上海約為二九八枚。在福州約為二六零枚。在廣州約為二三五枚。如在上海某日之兌換率。可以二九八枚合一銀元。而在次日則為三三零枚。又次日則為二九三枚。

(四)制錢

舊時為中國人民主要貨幣之銅錢及黃銅錢。在國內許多地方。業已絕跡。甚至在一九一四年以前。此等制錢已逐漸為銅元所代替。在歐洲大戰中。銅價高漲。外量之制錢。乃停止流通。而以銅出售。輸出國外。在中國許多地方。制錢已不甚通行。惟四川甘肅等內地省分。則仍流通頗盛。

(B)紙幣

中國流通之紙幣。可因其發行機關之性質。而分為五類。計開(一)中央銀行紙幣。(二)省銀行及他種政府機關紙幣。(三)中國私立銀行紙幣。(四)外國銀行紙幣。(五)實業及種種機關及私人紙幣。

(一)中國銀行紙幣

中國中央銀行係一九二八年十一月所成立。總行設在上海。乃國民政府所辦理之銀行。其紙幣之發行。雖遵照國家發行紙幣條例辦理。此條例規定其紙幣之發行。須有百分之六十現金。及達百分之四十之其他擔保品為擔保。中央銀行及其分行所流通之大洋紙幣。約達二千萬元。又有僅在漢口南京及沿津浦路線間流通而尚未收回之小洋紙幣。達二百二十五萬元。所有該銀行之紙幣。均可按照平價以現銀兌回。而有充量現銀為準備金。其紙幣流通之面積甚廣。北起天津。南至福州。以及內地之平漢路線均有之。

(二)省銀行及他種政府機關銀行紙幣

中國許多地方。有省行及他種政府機關銀行所發行大宗紙幣之流通。此等紙幣。多有價跌甚低者。

東三省因有奉票吉林錢票(The Kirin piao notes)黑龍江錢票(The Heilung Kiang piao notes)及哈爾濱及吉林銀元票(Dollar notes)之充斥。而其通貨之現狀。遂在全國為最劣。此等紙幣。在事實上。概為官銀號所發行。且均價跌甚低。(註)奉票流通之兌換率。約為五十合大洋一元。吉林錢票。約為二百吊合大洋一元。黑龍江錢票。則四百吊合大洋一元。而哈爾濱及吉林銀元票之兌換率。約為一。四〇元合大洋一元。廣西雲南等省。唯省銀行所發行價跌甚低之紙幣。流通甚廣。幾使所有他種貨幣。在各該省內絕跡。

(註)有若干哈爾濱銀元票及奉票。確為私立銀行所發行。但大多數紙幣。則為官銀號所發行。在其他某某數省。其流通之紙幣。非由省政府所控制之銀行發行。即由所謂官錢局發行。惟尚不若東三省及西南諸省。

紙幣價值之低。廣東之中央銀行。在省內設有分行。其現今紙幣之流通額約為三千五百萬元。因廣東乃不通用大洋之省分。故此等紙幣之兌回。乃以雙銀角之小洋計算。山西省銀行之紙幣。可在本省及若干鄰省通用。以大洋計算。約為九四折。與馮玉祥聞有密切關係之西北銀行所發行之紙幣。亦流通甚廣。據最近所得報告。此等紙幣。乃按照平價流通。有若干地方銀行及中央政府省府所設之官錢局。均發行紙幣。此等紙幣。多為輔幣票。其中有銀角或假定用銀角兌回者。亦有用銅元兌回者。及廣州市立銀行所發行之輔幣票。及舊北京政府官錢局所發行之銅元票是。

(三) 中國私立銀行紙幣

尚有一種流通紙幣。為中國私立銀行所發行。除東三省及西南諸省外。此種紙幣之流通額殊大。幾無有不按照平價或與平價極相近之率而兌回者。

在此類紙幣中。有中國銀行及交通銀行之紙幣。(註)前者之流通額為一七二〇〇〇〇〇〇元。後者則為五八〇〇〇〇〇〇元。(一九二九年六月之流通額)在東三省以外之中國私立銀行中。其紙幣發行額。以此二銀行為最。此二銀行又與政府借款有密切關係。故其紙幣乃與省銀行有同時之待遇。

(註)此二銀行雖有中央政府之股份。然在實質上。仍為私立機關。

(四) 外國銀行紙幣

第四種之紙幣。為在華營業之外國銀行所發行。此等銀行多開設租界內。其紙幣之發行。乃經其本國政府核准。惟無中國政府之特許。其流通亦多以租界為限。但在租界之外。亦頗流通。其流通總額。殊不甚鉅。惟此

等銀行類皆魄力雄厚。信用卓著。故其紙幣亦極得中外人之信用。汎言之。外國紙幣發行銀行。可分為二類。(甲)以中國通貨計算之紙幣。(乙)以外國通貨計算之紙幣。

匯豐銀行。花旗銀行。麥加利銀行。及華比銀行。乃屬於第一類。其紙幣均按平價兌回。信用卓著。發行銀元紙幣之朝鮮銀行。及發行金圓紙幣之橫濱銀行。乃屬第一類。此等紙幣。多在南滿租界地方南滿鐵路地帶內流通。金元紙幣。乃以現金或以該行之決擇。以日本銀行紙幣兌回之。其價目大概與日金一元相等。目前(一九二九年十月)則較其金平價稍低。銀元紙幣則以銀元或其同值貨幣兌回。實際上。與中國銀元有同等之價值。

香港英人設立之銀行。其紙幣在廣州及廣東他處流通者。亦屬於第二類。此等紙幣。乃以在中國若干地點通用之香港銀元兌回。

(五) 實業及種種機關及私人紙幣

各種實業機關。及他種非銀行機關所發行之紙幣。在中國許多地方皆有其流通。尤以中國中部之河南湖北湖南諸省為然。此等紙幣工廠所發行者。有為公用公司所發行者。有為商會或許多他種組織所發行者。甚至有為剃頭店個人所發行者。此等紙幣總流通額為數固甚可觀。惟其為任何一種機關或個人所發行者。在比較上。往往向屬有限。且在不如此發行者為誰之處。亦罕有通用之者。此等紙幣。有有担保者。亦有無担保者。而大部分則按照平價流通。此乃中國最特別而又有害之通貨。在外國僅於特種情形之下有之。

(六) 銀兩

中國除紊亂之貨幣紙幣外。又有一種在歷史本為重量單位之銀兩之

特殊貨幣單位。以阻害其通貨。銀兩雖為單位。鮮有鑄造之者。在銀兩之長期歷史中。銀兩之鑄造及銀兩票之發行。均為偶見之事實。銀兩錠顯然不甚流通。但銀兩票則流通頗廣。惟銀兩之為主要。記帳單位。在昔固然。至今仍有行之者。

盎格羅薩克遜國家有金衡常衡兩種盎司之分。而中國則有若干種銀兩之分。因無法律之規定。故某種銀兩實重若干。往往不易決定。只能依照習慣辦理。總之各種銀兩之重量。大概乃自五百英厘至六百英厘。或三十二公分至三十九公分。每種銀兩有其一定之成色。惟有時因各地習慣不同。而尋常銀兩之重量。遂微有出入。結果乃使其狀況更為複雜。中國各地幾無處不用銀兩為記帳單位。惟其程度則頗有出入。除上海漢口天津三埠外。俗稱紋銀之銀錠流通殊不甚廣。

上海之使用銀兩。殊較中國其他都市為盛。該埠中國銀行所有之準備現金。約有半數為紋銀。上海各銀行可任意以每箱約裝三千兩（即六十銀錠）作為清償銀行差額之用。雖上海各銀行中所持有之銀元數量。已有增加。而上海所有之另售交易。又幾完全以銀元為計算。但大部分之批發交易。及事實上多數之大宗交易。仍按照銀兩計算。因此房租。租界房租。電燈。電力。自來水。電話。醫費。鑲牙費。醫院費。工部局職員薪水。許多本地有價證券之價格。以及許多如汽車橡皮輪胎。汽車配件。一類之零售價格。均常以銀兩計算之。

個人及商店為便於用支票償付二種不同發票起見。往往在銀行中立有銀兩戶及銀元戶。如僅立一戶者。則多數之銀行亦可就存款人之銀元戶而支付有銀兩支票。或就存款人之銀兩戶而支付其銀元支票。惟按兌換率折算而於事後通知存戶耳。私人常接有三。一七一兩等類。

之小發票。在以現款支付以前。彼須按照逐日變更之兌率折以折成銀元。如兌換率為七一。七。則其支付之數大概為大洋四。四二元。惟以現銀支付此項發票時。輟因當地通行貨幣之種類而異兌換率。則又更多一重困難矣。

中國大部分之對外貿易。乃在上海舉行。該埠流行之外國通貨。只能以銀兩買賣。如有人以中國銀元購買美金。須先以此折成銀兩。再以銀兩購買美金。購買者對於此二種之換算。均須分別付銀行以佣金。如此人有美金出售。亦須先以之折成銀兩。然後再折成銀元。

銀兩在中國雖有悠久之歷史。然已逐漸為銀元所代替。中國常作取消銀兩之努力。國民政府最近已將其多數帳目改照銀元計算。一九二八年之中期。國民政府曾召集經濟會議於上海。該會之記錄亦贊成取消銀兩而代以銀元。關稅乃以海關銀兩計算。惟未鑄有該項銀錠。故所納之稅。在實際上。乃以本地之大小洋他種銀兩或紙幣。而按照海關當局所規定之兌換率。以為支付。銀兩與銀元並行。乃使銀行商舖及政府之簿記變為複雜。常常發生紛擾。而業務之費用亦增加。不便殊甚。

（乙）價值標準

可取以觀察中國通貨狀態之第二角度。即為價值標準。就以上所述者而觀。中國今日顯有許多不同之價值標準。即銀銅及種種紙幣標準是。惟世人常視中國為銀本位國家。似尚正確。因人民多數之批發交易。大部分較鉅之零售交易及多數公私內債。大都以銀計算之故。

子。銀本位及中國之對外貿易

中國對於採用金本位國家之滙兌率。有甚鉅之漲落。由來久矣。此等金

本位國家。在實際上。殆占有今世界其他重要國家之全數。在本年（一九二九年）初。美金一百元（註）之匯兌率約自銀幣二百二十元至二百五十元。而在過去之十年中。此項匯兌率則自七十九元至二百五十元。此等漲落。乃與金本位國家銀價之漲落有密切之符合。在銀本位國家與金本位國家間（如中國與美國間）

並無兌換平價之可言。其漲落端視銀之金價為轉移耳。

（註）本報告中之G.S.符號。乃議美金所合一元之純金。以示與指中國銀元之有別。

中國因以銀為本位之關係。其匯兌率乃漲落甚鉅。而有許多不良之結果。尤以工商業及政府財政之整理。受害最烈。匯兌率之漲落既無法預知。則商業事項中之危險及不穩固。往往難以避免。

除香港及安南外。與中國有國外貿易之各重要國家。非為金本位。即為以金計算比較尚稱穩固之不見現紙幣（如日本）。加以中國對香港之貿易。幾全為轉運貿易。則又以金本位國家為來源或終點。故在事實上。中國對金本位國家之貿易。乃達百分之九十以上。而輸出輸入貿易。乃因匯兌率之漲落無定。而常冒險。

不鞏固匯兌率所釀成之危險。可於下述之例見之。

如有一出口絲商。於五月一日締結於八月初旬在紐約交絲一百五十包之契約。其貨物之總額。為美金十萬元。假如此出口絲商出一使紐約購客付款之四個月期票。該票與絲商同時到達紐約。而其期滿。則在十二月初旬。又假如在締結契約時。上海各銀行對於此等四個月期票之收購價格。為七五。換言之。即銀行可出上海規元一兩以購美金五七仙。以此種兌換率計算。此出口絲商可得銀約十七萬五千兩。假定其人計

算在紐約交貨之總成本為銀十七萬兩。則彼於此項交易中可得五千兩之純利。

是以此出口絲商在五六月間按照預定計畫辦貨。並在上海銀行中透支款項。而其抵押品。則大概為所辦之絲。在七月初旬。彼乃將絲付運。出一紐約承受人付美金十萬元之四個月期票。而將此期票向上海各銀行求售。惟假定此際銀價漲高。因之紐約對於四個月期票之匯兌率亦隨之而漲。所以現在須美金六二仙購上海規元一兩。故此出口絲商之美金十萬元期票。此時僅能為售銀十六萬一千兩。然成本則為十七萬兩。故其所估計盈餘之五千兩。不但成為虧損。反受五千兩之損失。

絲之價格。常有變動。絲市場中之競爭。又極劇烈。故營絲業者僅能在微利上經營。然匯兌率微有漲落。可將其計算推翻。有時竟將預期之利益變為損失。有時又可使其預期利益增加甚多。

中國輸入貿易之形勢亦與上述相同。假如有一進口商。估計自美國輸入中國某項物品之成本為若干。其估計乃以貨物在國外需美金若干。在中國需折成之銀若干為根據。進口商估計何項物品可在中國銷售。後遂締結以某價格先將該項物品出售之契約。迨該項物品運至中國。彼乃購美金以償美國出口商。惟此時以華幣計算。美金大漲。則該項貨品對於進口商之成本。亦大漲。如該項物品出售之契約。業已締結。則售價已定。而進口商本人須負此項因美金匯兌高漲而起之損失。如出售契約尚未締結。則此進口商。尚可抬高該項物品之價格。以彌補此種匯兌上之損失。

惟假定有競爭者在美金匯兌尚低時。購進同類之物品。則此進口商之物品。乃因價格高而無法出售。故在此種情形之下。此進口商非受有損

失則其所預期之利益將被減少。

對外貿易之業務。既因匯兌漲落不定而有危險。則進口出口貨物之成本。而因此項危險而增加。結果售者或購者。勢非多算盈利抵銷此項危險。不可因此物價乃以高漲。

穩健之進口商。出口商。固可用他種方法自衛。而預先將匯兌結清。以免在此對外貿易業務進行時期。因匯兌漲落而受有損失。

譬如前進口絲商。在交易協商就緒後。即將美金十萬元之四個月期票與某銀行接其在七月間可購入之價格算結。於是可確知本人可收入上海銀兩之數目。而避免交易未定以前美金跌價之危險。如銀行不願存有美金。則當其購入此美金十萬元時。亦可以之售與假定在七月間購到美國機器之進口商。

照上述之假定。此出口絲商按銀行可在七月間收購其期票之價格。而與該銀行算結。設美金在七月以前忽跌價。須以美金六二仙而非以五七仙購銀一兩。然而此種變動對於此進口絲商。已無損害。惟進口機器商則無如此之幸運。如彼俟七月間機器運到。始購美金付欸。則其貨物之成本。不至有此增加。加之此時同業中。倘亦有貨運到。而其匯兌價較優。或竟趁此金價低落之時。趕緊辦貨。則前述進口機器商損失之鉅。進口商殊不能安然避免此種形勢。彼估計可以出售其貨物之價格。以及可付美國廠家之欸。為若干。彼之計算機器成本。除他種費用須列入外。當然以應付之美金為根據。如彼在定購機器時。未能購買美金。隨後高漲。則除贏利不免減少。或竟變為有虧無盈。故彼為安全計。為免使機器成本高漲而受重大損失之危險。計乃照上述辦法。而將匯兌預先結定。惟彼在如此辦理之後。同時又不能避免美金有跌價之可能。美金跌落。則機器之成本亦跌。所競爭者。遂可從中取利。然而此項競爭之人。能利用形勢而獲利者。為時亦至暫。

(未完)

中外評論旬刊

本刊
旨趣
說明國際情勢
討論對外方策
贈閱
以明信片向
本社函索第
一期即寄

海特外約通訊員分駐五十四國

民國十八年三月創刊每月十、廿、三十日出版
每期五分定閱全年一元五角半年八角

定報處 南京大石橋中外評論社
代售處 各埠商務印書館各大書局

商學彙報第二期即將出版

本期要目：

中國舊式簿記及其改善之方法

東西各主要國家收支統計之分析

六十年來中國食品進口之研究

中國衣料進口之研究

近三十年來大條市價之循環變動

世界之人口 Robert R. Kuczyski 著

編輯者 天津南開大學商學會

發行者 天津南開大學商學會出版股

言 雍 梁
李 學 銳
卞 學 鈞
宋 作 楠
張 錫 羊
麥 佐 周
華文煜譯

一週間 國內外大事述評

自十九年四月十八日起
至十九年四月廿四日止

國


內

時局似又近一步

大戰之勢早成。而蕩漾復蕩漾。轉感沈悶。至本週蔣已到漢。馮已離潼而抵洛陽。閻亦有出發鄭州之訊。時局殆又趨近一步歟。至於黨政問題。仍無澈底方案。一切惟盼汪精衛北來。茲述本週情勢如次。

馮抵洛陽 閻亦將動

馮於十六日離潼關。二十一日抵洛陽。晉方要人徐永昌楊愛源於十七日由并抵石家莊。十八日乘車赴鄭迎馮。二十一日在鄭要人宋哲元。孫良誠。石敬亭。龐炳勳。鹿鍾麟。劉春榮。及察哈爾主席楊愛源。徐永昌。潘宜之。萬選才。孫殿英。任應岐。劉驥等均於下午一時餘。分乘專車三列。由鄭赴洛。謁馮會議軍事。據軍界觀察此次會議為決定前方一切問題之最高會議。各將領返防後。恐不日將入於實際交戰狀態。馮或即在洛處理軍務。旬留若干時日。亦未可知。至二十三日洛會告終。鹿




◁ 站 車 陽 洛 之 集 所 線 視 ▷

鍾麟及潘宜之劉驥任應岐石敬亭劉春榮顏斌萬選才廿三夜十時由洛專車返鄭。徐永昌楊愛源劉驥孫殿英潘宜之二十四日上午十一時同車返石莊。轉太原。萬選才下午一時返開封。任應岐劉春榮七時返許昌。顏斌赴開封。同時閻亦有即日赴鄭之消息。行裝均已備妥。惟尙無出發之確期耳。

蔣到漢口

將行檢閱

蔣原定二十一日晚離京赴漢。因事未果。二十二日晨八時。隨行人員登建國輪先行。陳紹寬邵力子等先登永綏艦相候。十一時許。蔣由軍校出發。



〈空氣緊張之江漢碼頭〉

赴下關中出碼頭。送行人員警衛軍警及艦上全體將士齊至。蔣登艦後。

十一時五十分啓碇。楚有艦隨行。各國兵艦仍升旗鳴砲。二十四日午後抵漢。何應欽何成濬及軍政各界。均到江岸歡迎。何等登艦略談。旋即赴楊森花園行轅休息。軍界要人。晚集行轅商議軍事。蔣定日內赴信陽鄖城一帶檢閱。路局已備妥車輛。

最近軍事

形勢觀察

最近之軍事形勢大體觀察。戰局重心。仍側重津浦。北方軍略聞已完全決定。詳難探悉。惟聞將來主力戰事。係以二三集之聯合軍在前線者任之。此外部隊則各就便利。負特種任務。至雙方軍事之比較。其較明瞭者。北方士氣勝南方財力優耳。又據鄭州來人談。鄭州近日。大軍雲集不下十餘萬。而西北騎兵萬餘騎。為北方之一種特色。西北軍兵士皆吃小米。其已到鄭州者。為孫良誠。龐炳勛。宋哲元。之各路。又聞漢口方面之軍略。現在以南陽至確山為第一線。襄陽至信陽為第二線。現在守向第一線。楊虎城軍與西北軍未生衝突。前劉汝明一部到內鄉時。楊部一營先期撤去。又樊鍾秀部近已由豫西移至項城一帶。又聞蔣所新練之四大師。現有兩師可參戰。其餘兩師。在一月之間。亦可勉用。因此等新師。專練野操。依平常經驗推之。新兵三個月可以參加作戰也。蔣對此新軍。異常注重。編制既大。軍械亦充實。惟因新師待遇特優之故。固有軍隊之戰鬥力。恐反受影響。又東南所招新兵。與久戰之北籍老兵作戰。亦有不利之點。故將來究竟新師之成績如何。頗為研究軍事者所注目。至關於各軍進行近狀。據鄭州電訊。第二方面軍大部分。連日正往隴海東路移動。火車停售客票。專門運兵。詳情則難知悉。平漢路方面。石友三部集中道口。陸續向魯境出發。新鄉只有留守處及運輸部等。由鄭州以南。則第二方面部隊未積極前進。樊鍾秀部在許昌。鄭州許昌間火車可通。最近一

星期開車兩次。惟南北軍隊皆不能通過該處。而最近則聞樊部正向地方籌款。有預備移往南陽之說。故樊之態度畢竟如何。尙欠明瞭。再南之漯河爲王金鈺部。該部近已向南撤退。刻開至信陽附近之明港。鄭州警備司令現仍萬選才所委之李廣隆。李有兵一旅。地面尙稱平靖。惟蔣既抵漢口。平漢線亦不可輕視。討蔣聯軍之重視津浦。在實際上或有相當轉移也。

閻馮等均促汪北上

軍事形勢既如上述。關於黨務政治。則依然無具體方案。太原雖迭有會議。終以理論事實難歸一致。而無端緒。惟閻表示政府須由黨部產生。而政府尤須爲文治的。以打破以軍馭政之錯誤。此固可愛之原則。而實現尙非咄嗟立辦之事耳。故一切問題。大家均屬望汪精衛之北來。速駕之聲。乃盛極一時。據二十三日太原電報。閻馮聯銜電汪云。『弟等近隨先生之後。討伐蔣逆。軍事佈置就緒。大戰即在目前。兩望先生惠然北來。領導一切。各方同志袍澤仰慕尤殷。至祈早日命駕。奠安黨國。臨電翹企。並請預示行期。線爲感。』又駐并代表麥煥章等十三人聯名電汪云。『本整黨自奸人竊據。藉便私圖。違反正義。其支離破碎。言之痛心。亟應從新理力謀進行。我公領導羣倫。責無旁貸。尤冀命駕北上。逕赴并門。與此間當局面爲商洽。決定方針。本大無畏之精神。爲大主義之結合。有整個的黨。始能有整個的國。同人等共欽山斗。望切雲霓。謹佈悃忱。即祈賜覆。』云云。據重慶通訊云。近來大局變化。國內多注意居四川綏定河市場之吳佩孚者。雖然吳氏究竟有無活動。其近來生活狀況何似。想爲一般人士所願聞。茲就所得特誌如下。

吳佩孚之在川近況

△自居龍首。自中原政變以來。川中將領爲求面面周到起見。曾提倡無數會議。以資應付。並冀川局之解決。惟意見難趨一致。終于議而不決。應而不付。吳氏有見於此。乃根究歷史的事實。暢論四川非坐守之地。宜團結羣力。向外發展。藉此統一中原。並作長函。分致各軍事領袖。惟其詞意間。以羣龍無首。難成事實。暗含彼有堪爲領袖之意。川中羣雄。所謂第一統將領。因處境各別之故。多淡漠視之。惟所謂二層將領對之。正中下懷。以爲趁此混沌時期。大可乘勢發展。庶免久居人下。前次通訊所舉李（其相）羅（澤洲）楊（森）等電省方將領。力主擁吳出山以資號召者。即由是也。

△討賊司令。吳乘大局擾攘。川局混亂之際。曾派出代表多人。向川中各將領遊說。近聞某已就職。吳則由河市場移居綏定城內。並張出一討賊聯軍西南總司令吳之大旗兩面。除已派第一屆國會議員余紹琴（四川平武人）之弟余樂年。在平武招募新兵。及其他團務人員四出招安匪人成軍外。吳則就所屬警衛第一旅長蕭翼邦。第二旅長郭泰安。第三旅長張彥文等。陸委爲一二三師師長。其各旅長缺。即以團長遞陞。更以討賊軍名義。委許震爲總參議。劉季昭爲參謀長。陳廷傑爲秘書長。李國煥（蘊山）及袁振華（崧生）爲參謀。並聘請同處之第一屆國會議員多名爲顧問。

△居然要黨。吳氏既有此種活動與措施後。各方亦更有代表往返。據某代表云。彼曾詢吳對黨之觀察何如。吳乃引經據典。述黨爲中國固有之物。且值此共和國體之下。組黨尤爲必要。既可集中人材。又可統一意志。惟須結君子之黨。以愛國。不宜聚小人之黨。以殃民。而吳本人則尙不黨主義。蓋不黨始能辨別其爲君子與小人也。吳氏並稱。彼個人甚願與

黨人之愛國者爲友。不欲與殃民者接近。繼又談到武力。吳極主張不宜養成個人武力。並謂彼個人自連營長至於統兵百萬。皆未視武力爲私產。同時尙有一矛盾之事實。即最近吳子宴請各方代表時。彼曾宣稱。近來盛傳彼將東山再起。就彼個情人勢度之。恐不可能。即有可能。亦非有強大之武力不足以定國亂云云。聞者皆以吳氏來川有年。大有爲四川武人所同化之勢。

▲生活一斑。現吳之活動與措施。雖像煞有介事。而其生活情形。殊覺



百無吳 聊賴之 佩孚

窘迫。聞自二月以來。所欠米債。已達七千餘元之譜。每常債務催逼。吳則大而化之。並諉以「將來自自辦法」。劉存厚因與顏德基交關之故。對吳大有不能顧及之勢。吳近以顏勢稍殺。而吳之活動又劇。劉氏爲自身種種利益計。即發起爲吳舉辦第二次生酒。一則可以邀各方代表聚議。再則可藉此大收壽禮。爲吳生活費用。劉氏本人已準備送千餘元之壽儀。惟吳對此仍伴作無事者然。但於最近所吟初春即事一律。曾云「河

千蹕踴望天涯。雲擁山頭水繞沙。夜雨濯洗慈竹葉。野風吹落素梅花。庭前枯草甦殘命。歡慶元宵沒幾家。老了封侯班定遠。玉門關下見春華。」揆其全章寓意。足見吳氏雄心一般矣。(四月四日發)

中俄會議近訊

關於中俄會議。自華方通知後。哈俄領梅尼哥夫於十九日以電話告鍾毓。謂奉政府電令。對莫德惠代表赴俄會議。願接待。俟復訓寄到。即正式照會。二十日復正式照會。中有望莫德惠勿反乎伯力協定。而再事愆期。語是俄方仍念念不忘伯力協定也。莫德惠因赴俄期近。二十三日發表隨員名單。專門委員劉澤榮。李琛。屠慰曾。王曾思。秘書王印川。蔡運辰。張明哲。王煥文。隨員孫文斗。卓文明。謝義行。崔淑言女士。書記官吳家瑛。齊仲艚。馮杰。陶桂林云。

威海衛協定簽字

收回威海衛專約及協定。四月十八日晚十時。在薩家灣外交官舍由王正廷與英使藍博森正式簽字。參與者只王藍徐謀台克滿四人。事前無知者。王簽畢即赴滬。當十八日午王在國務會議席上報告後。關於威海衛問題之最有爭執兩事。保留劉公島十年。及賠償陸地建築物一百四十萬兩。均經國務會議允可。故遂於當晚簽字。全文已由外部呈府批准。惟協定內容。外部仍守秘密。並未公布。

關於此案經過二十一日王正廷在外交部紀念週報告。謂該約磋商數

月。今始得結果。其藏結係在劉公島上房屋。借與英水兵居住一點。余認交回爲一事。借用又爲一事。不可混爲一談。迭經磋商。將二事分議。協定無償交回。包括一切建築設備。如陸上房屋水中浮標等。另訂合同。將劉公島房屋借與英水兵夏季居住。爲期十年。此點爭執頗久。余原擬五年。而英海軍人士堅持不可。往復磋商。只以十年爲限。決不再續。此係美中不足者。刻正繼續磋商。期達完全收回目的云。聞威約分兩部。一爲專約。係規定威海衛建築電燈均無條件交還。二爲協定。係規定劉公島收回及借用者。兩約各十餘條。查威海衛問題之多年不決。祇以劉公島一點。今卒允許英人保留十年。可謂革命外交之又一失敗也。

中日關稅協定全文

中日關稅協定。自簽字草約後。以當局迄未發表。以致揣測紛紛。本月十四日日本大阪朝日新聞報披露該項協定之全文。爰譯錄如後。以見「人家惠多我惠少」究至如何程度也。

△協定本文 第一條（關稅自主權）中日兩國承認關於貨物輸出入稅率。復進口稅並噸稅。各從其國法而規定。日本承認除去條約上關於中國關稅復進口稅通過稅及噸稅之制限。並承認其自主權。第二條（關於關稅之最惠國及內國待遇）對於中國關稅並復進口稅通過稅其他類似內國課稅（常關稅。沿岸貿易稅等）並一切關係各種課稅之事項（課稅價格之計算方法。課稅繳納手續）予日本以即時且無條件之最惠國及內國待遇。第一項規定關於以政府及以人民爲本位之中國輸出入貨物之內國及最惠國待遇。第二項關於輸入中國

之貨物輸入稅並內地通過稅噸稅之最惠國待遇。（直接輸入及第三國通過時均包括在內）第三項關於由中國輸出貨物之輸出稅復進口稅通過稅及同樣之內國課稅。並其關係事項之最惠國待遇。第四項關於在中國之日本船舶噸稅之最惠國待遇。（應依船舶之國籍。不問運用者之國籍）第三條（本協定與將來新締結中日新通商航海條約之關係）本協定第一條及第二條之規定。及本協定附屬各公文。（除第四附屬書構成將來新締結之中日新通商航海條約之一部。第四條（協定文字）正文用中日英三國文作成。解釋上有疑義時以英文爲標準。第五條（本協定之效力發生時期）本協定自簽字蓋印之翌日起算。至第十日即發生效力。

△附屬文件 第一（關稅互惠協定）A 第一項（日本物品）日本國領域內所生產或製造之物品輸入中國時。中國應以同表所定。對於該項品目之稅率爲最高稅率。自本協定實施之日起。維持此種辦法三年。（但雜品定爲一年）B 第二項（中國物品）中國領域內所生產或製造之物品輸入日本時。日本應以該表所定。對於該項品目之稅率爲最高稅率。自本協定實施之日起。維持此種辦法三年。○對於未附記號之稅號。中國得在不超過從價二分五厘之範圍內。保留增加稅率之權利。○從量稅以現行稅率爲基礎。或以一九二八年稅率委員會之課稅價格爲基礎。○中國對於稅號第五十一號輸入棉紗。保留課以消費稅之權利。（此爲對於中國紡織所課之稅。在均衡上對於輸入棉紗亦課此稅）○中國方面之特惠品稅率（甲）本表所特掲出者。除稅號二九九之五幅寬不過四十八先其米達之物。及三零八號非手工品之機械製品外。概與現行日本關稅表該當號數下所記載者相同。（乙）夏布

適用現行稅率。絹織物及刺繡物之現行奢侈關稅。自十成減七成。第二

●(滿鮮陸境特惠關稅之廢止) 免除滿鮮陸境(安東及間島)關稅正稅三分之一之陸境特惠關稅。自本協定實施之日(自正式簽字之翌日起算至第十日發生效力)起。四個月後即行廢止。第三。(厘金廢止) 對於廢止厘金常關稅沿岸貿易稅通過稅及類似之國內課稅之日本要求。中國應照會日本聲明。現正努力從速實行廢止。並由中國政府發令自一九三零年即本年十月十日起。實行廢止。現正準備一實。第四。(債務整理) 中國已答覆對於(甲)每年由關稅收入項下。積蓄五百萬元(乙)本年十月一日或以前。招集國際債權者會議。討論債務整理之具體案。表示同意。第五。(從略)

▲議事錄 關於債務整理之第四附屬書。不適用本協定第三條。換言之。關於債務整理之第四附屬書之規定。並不構成將來締結中日新通商航海條約之一部。

日方互惠品目 因中日新關稅協定。而課以互惠稅率之日本物品如左。生棉布。漂白或染色棉布。印花布。絲染棉布。海產物。穀類。瑤。鐵器。扭扣類。洋傘。

全國教育會開幕

▲十八停會

全教會十八日正午胡漢民。林森等歡宴全體會員。下午二時。成年補習教育組初等教育班。中等教育組。高等教育組。社會教育組。教育經費組等均分別開審查會。五時半蔣(中正)假勵志社。邀全體會員。舉行茶話會。晚考試院考選委會及銓叙部在考院設宴款

侍。九時散。

▲第三次會

十九日下午全國教育會議第三次大會。戴傳賢孫科等均出席演說。今後辦理中小學。應改變方針。使中小學能獨立。勿專為兒童升學之階級。要在能到社會上謀生。並述對教育方案意見。關於社會及高等教育門。節目太多。應刪繁就簡。提綱挈領。編為完善之方案。開議後照審查意見通過師資訓練案。秘書報告初小學教育方案編製經過。遂散會。通過成年補習教育案。初等教育方案亦通過。高等教育組(十九日)晨開審查會。決定訓政六年期內。第一步整理充實高等教育工作。第二步增派國外留學生。提倡學術研究。獎勵技術發明。華僑教育組對大會提出。請政府扶助華僑經濟發展。以促進華僑教育。理由述數年前調查。華僑每年匯回祖國之款在一萬萬以上。近來一落千丈。若不設法扶助。華僑在海外難立足。華僑創辦經營之廈門大學等學校。均以經濟困難。無法維持云。

▲星期停會

二十日星期停會。全體會員晨九時在中央飯店集合。計到蔣夢麟。蔡元培。吳敬恒。李煜瀛。譚熙鴻。陳和銑。朱經農等三十餘人。同往謁陵。事前由招待處與陵園接洽。陵墓各處特別開放一日。謁陵後赴靈谷寺午餐。下午遊覽明陵。下午五時赴五洲公園。應京市教育局茶話會。七時赴鷄鳴寺考試院宴。

▲第四次會

廿一日上午開各組審查會。下午開第四次大會。通過改進初等教育及中等教育方案。並通過吳稚暉推行注音字母案。

▲第五次會

二十二日上午開五次大會。金曾澄主席。胡漢民演說。辦教育者應有為教育而犧牲的精神。外國教育家得到的酬報不如勞工物質上雖感缺乏。但是為教育而教育。中國如果等到富的時候再

教。就要滅亡了。不過在政治上負責者。應該對教育費盡維持責任。至於中學教育。我以為三三制不大妥。高中卒業生不如專門卒業生。在大學卒業者不易。高中卒業者又不够。中等科程要有相當充實。方不至有困難。開議後通過高等教育計畫案。經費一項保留。十二時散會。

▲末次會議

二十三日。上午開末次會。金曾澄主席。(一)鄭洪年報告華僑教育組。審查改進並發展華僑教育計畫案。全案通過。內經費五十萬。一項暫保留。(二)馬鶴天報告蒙藏教育組。審查實施蒙藏教育計畫案。全案通過。經費保留。休息十分鐘後。鄭洪年報告教育經費組。審查經過。開議全方案總預算。照審查報告全案通過。修正點(甲)庚款及其投資之收入一項。為完全充教育費。(乙)加特別新增教育稅。收應提百分之五十。為義務教育及成年補習教育。不足由中央補足。又通過教育經費概算。計充實國立大學內容。每年一百萬。國立專科學校第一年三十萬。二年五十萬。三年七十萬。四年九十萬。五年一百十萬。六年一百三十萬。七年一百五十萬。國外留學每年三十萬。私立大學及專科學校補助每年三十萬。獎勵學術每年六十萬。下午二時舉行閉幕。

▲閉會宣言

略謂此次會議方案。雖有十章。但是整個的方案。的編製。是全國教育作通盤計畫。力矯各不相謀弊病。所以各章各節。完全是互相關聯。所有的精神。也是全體一貫。我們在議決全方案時。有兩點特別注重。一是依據事實需要。分電時期步驟。二是根據教育宗旨。力求實現主義。關於第一點方案的精神。是在根據現在和將來的需要。分定出先後緩急。尤其在訓政六年期內。我們深切感到全國有百分之八十以上不識字的民衆和大多數沒有受教育機會的兒童。是推行訓政和

建設的障礙。也就是推進民族文化的大阻力。所以在訓政六年期內。對於義務教育。和成年補習教育。主盡縮推進。而對於中等教育和高等教育。主整理充實。先求質量的提高。不遽作數量的增進。固然為應目前最迫切的需要。應該以大部分物質精神的力量。集中在義務教育和成年補習教育上面。但是提高文化的程度。中等教育和高等教育。在目前也確實有整理充實的必要。所以這兩方面。並不相反。而宜相成。關於此二點。我們為求民生的發展。所以在各級各類的教育內。都注重科學實驗。培養生產能力。養成職業技能。我們為求民權的普遍。所以在社會教育和成年補習教育計畫內。注重公民訓練。而在各級學校教育內。也注重規律和團體協作習慣的養成。以植運用四校的基础。我們為完全達到民族的獨立。所以在社會教育和學校教育內。注重民族獨立的精神。並規定初等教育。不應讓外國人民來代勞。尤其為實現民族主義。鞏固國家主權。對於華僑教育和蒙藏教育。主張用國家力量來扶助和推進。我們更為顧到整個的三民主義教育的實現。必須以大多數為對象。所以對於社會教育的設施。有分期擴充的規定。同時以推廣教育補助民衆教育的進行。並且議決了推行注音識字運動的方案。請教育當局。加以積極的提倡。但在我國經濟落後人才缺乏的狀況下。要實施這一部方案。確定一件十分艱重的工作。必須要教育者。大家有責任的自覺。黨國政府。用全力來領導督促。全國同胞。確認為百年大計。而一致協作。才有期實施的希望。此我們希望全國的教育者。應當確認犧牲是我們的本分。教育是一種犧牲國家的事業。而不僅僅是一種職業。必須如此。纔能提高教育界的精神。克服一切的障礙和困難。從辛苦艱難中。使方案整個的實現。我們希望政府。能不辭任何艱難。就本方案所定的預算內。籌

足必需的經費。並實行保障教費的獨立。使得現有的經理和逐期的改進。都不受絲毫的影響。我們更希望政府訂定並實施教育人員保障的辦法。使實施方案。不致因人員更迭。而遇到停頓和更變。也不使教育界再發生校長跟着主管行政人員更動。教員跟着校長更動的觀象。必須如次。纔有安心負責實行各級各段計畫的人。也纔有必要限度內充足的費用。

全國氣象會議

全國氣象會議。於四月十六日假南京中國科學社圖書館開會。是日上午八時。到各機關代表約五十餘人。由蔡子民主席致開會詞。

▲蔡子民開會詞 略謂今日舉行全國氣象會議。承各機關代表到會。鄙人極表歡迎。世界上各種會議。皆由小而大。象氣會議亦然。今日全國會議。將來當開遠東會議。再加入國際會議。共同商量。今日到會各代表。提案甚多。大都希望有一致之主張。如符號之統一。電訊交通等節。普通會議。當因地域而有所隔膜。惟氣象會議。則完全為客觀的。不僅一國要有一致之主張。即國際亦必有一致之主張。始能完全合作。中國區域廣大。若全國設測候所。則不知要多少。現在雖然人數不多。然預料將來必有良好的結果。希望無窮也云云。

▲楊杏佛歡迎詞 略謂今日之氣象會議。為以前所未有。亦足徵會議之重大。近數日首都各種集會。如童子軍大會。建設會議。教育會議等。是南京純為集會之地點。氣象會議。外人尚恐有不明其意義者。然氣象之於人生。極為重要。無可非議。今日到會諸君。皆氣象專家。無庸鄙人申

述。中國各種會議。常有舉行。惟應用科學之原理。而作一種全會之會議。則為前此所未有。故今日之會議。可為空前之會議。以後希望各種應用科學之會議。能陸續產生。今日到會人數不甚多。然結果預料必佳。鄙人有一感想。此種感想。即外國人亦有之。即中國國內雖常有戰事。而全國人民。仍極聯絡。如教育科學等項。全國人民。仍積極進行。說者謂維持中國社會之進步。即因有此種精神。為足表現也。氣象事業。有益於民生。故氣象會議之成功。亦即為民生主義之成功。中央研究院同人。極表歡迎云云。

▲大會通過議案 楊致詞畢。即推舉主席。結果全體贊成推舉中央研究院氣象研究所所長竺可楨為主席。沈鳴離呂炯為秘書。推舉畢。遂逐一討論議案如下。第一類電報號碼。共有議案十個。推其性質。可分為一。統一電報用語案。議決。電碼本為二字。現因不足應用。增至五字。在中國大陸上一律用數字。不用字母數字之支配。由五機關組織一委員會。共同討論。推出之五機關。為氣象研究所。青島觀象台。海岸巡防處。交通部。關務署。由氣象研究所召集會議。二、氣象電報提早拍發案。議決。請交通部對氣象電報隨到隨發。三、請交通部准測候所機關用長途電話報告天氣案。議決。通過。第二類無線電台廣播共有議案十一個。中分一。請交通部開放無線電台。准予免費拍發氣象電報案。議決。通過。一、請中央氣象台用無線電廣播天氣。議決。在國內測候所未遍設及電報未靈通以前。一時不易實行。暫緩討論。三、呈請國府召集無線電專家。厘定氣象無線電波長案。議決。通過。四、各地互報天氣。以利海空航行。議決。各氣象台互相報告。已不成問題。不必討論。至邊疆之氣候氣象研究所。已在進行。惟因以交通滯阻。難有相當之結果。至船隻報告及

向航空線報告。在可能範圍。自應極力進行。無庸討論。第二類議案議畢。時已十二時。即宣告暫時休息。相率乘車至安樂酒店赴中國科學社之宴會。車前由氣象研究所預定汽車三輛。陸續分批載客至安樂酒店。席間觥籌交錯。備極一時之盛。由中央研究院副院長楊杏佛先生。自然歷史博物館館長錢天鶴先生。財政部次長李調生先生。及青島觀象台台長蔣丙然先生。相繼演說。宴畢。即仍分批乘車。回至科學社休息。

下午繼續開會。及下午二時後。復繼續開會。討論第三類議案。為預報術語及暴風警告。共有議案四個。一。預報術語。議決採取上海暴風警告之術語。而加以製圖時間。二。暴風警告用各種顏色信號。俾眾週知。議決由青島觀象台海岸巡防處氣象研究所三機關共同商議統一辦法。三。統一預報術語。因各人所用文字。不便規定。不必討論。第四類。劃一氣象報告及觀測時間案。議案共有五個。議決觀測時間。因各國皆用絕對時間。故我國必須亦採用絕對時間。無庸討論。至為製圖用之觀測之鐘點。議決採取上午八時下午二時。第五類。儀器訂正及儀器單位。共十一案。規定全國測候所儀器標準。關於購買儀器及儀器訂正氣象研究所已在進行中。在氣象研究所能力所及。當然極力担任。不必討論。二。規則單位。議決請海岸巡防處海關在最短時期內。採取萬國制。三。請關務署令各海關觀測記錄。增加每日平均及每月平均案。議決通過。四。請中國氣象學會辦理。不必討論。第六類。共十九案。全國增設測候機關。依其性質約分。一。請各省建設廳設立測候機關。二。請教育部通令設立測候機關。三。請省府令各縣設立測候機關。三案合併表決。請各省建設廳每省設立一頭等測候所。將通過議案。行文省政府。轉令建設

廳。四。以每一地設立一個測候機關為原則。無異議。通過。五。請國內各農場及教會附設測候機關。報告天氣。無異議。通過。六。請維持哈爾濱測候原則。通過。行文哈爾濱長官。請其設法維持。七。請撥庚款設置頭等測候所。並附無線電收發報機。此事因不符庚款基金會請款條例。暫不討論。設立測候員養成所。原則通過。九。請交通部及建設會設定測候所。原則通過。十。請整理全國測候成績案。原則通過。大會宣告閉幕。各議案通過後。即由主席宣告閉幕。是晚七時。中央研究院宴請代表等。于中央飯店。至九時始散。聞各代表將於今晨參觀中央氣象所。晉謁總理靈墓。中午十二時。應中國氣象學會之宴後。即分別首途離京云。

北大發生黨獄

北平軍警當局連日捕北大學生九十餘人。謂係有共黨嫌疑。此事發生之後。一般情緒頗為緊張。爰述其經過如後。此事原因。係以二十日上午十一時餘。有學生及各界代表二百餘人。在米市大街中華聖經公會開會。籌備五一紀念。當時通過議案十二項。散會後並遊行示威。軍警得報前往捕去三十五人。翌日又捕學生四十餘人。緣二十一日午後。內六區署即得報告。北大學生為援助二十日在米市大街被捕之同學。定七時在北大二院開會。該區即派人與二院當局交涉。請禁止集會。並令長警從旁警備。該區署長復於七時親赴二院視察。並無變動。至九時餘。因該院附設有民衆學校。於該校學生下課之際。忽集有學生三十餘人。即以第八教室為臨時會場。張貼標語。實行開會。

軍警當局即上前勸阻。學生方面不服制止。稍有衝突。至是軍警當局遂將開會之學生李陶郭琦童經立張清麗張甲洲等三十二人拘捕至內六區署。同時北大宿舍西齋及齋東即鳴鑼擊梆集衆。意欲外出營救。軍警當局恐發生意外。制止外出。同時即發現罷課之通告。被捕學生當晚用汽車二輛。先後轉送公安局。至二十二日晨軍警仍在沙灘附近警備學校方面因係一部份學生之所爲。則仍照常上課。校長陳大齊並於午前往訪市長張蔭梧及公安局局務主任王錫符。說明經過。並請釋放被捕學生。午後一時假北大三院招集全體學生訓話。勸告學生勿罷課。學校秩序並無變異。故軍警亦即撤退。至兩次被捕之人數。據調查。第一次在米市大街共捕五十八人。內有二十三人係北大學生。前日被捕去三十二人。共計九十八人。

▲陳大齊報告


北大校長陳大齊於事件發生後。對學生報告經過。略謂在星期日下午得報。本校同學在青年會門首被捕多人。查詢被捕原因。聞有二說。一說爲反教同盟。因青年會有集會。特前往糾正。該會報告軍警致被逮捕者。又一說則爲在青年會進某教堂開會後。行至青年會門首被捕者。當時所悉被捕人數爲二十人。當即由學校備送公文至公安局詢問。並派員前往。嗣本人復往該局。該局王主任及第三科長等均不在。見第三科某股長。得見被捕人名單。本校同學被捕者二十三人。至被捕原因。謂未便發表。惟與反宗教無關。與五一節事有關云云。星期一晚九時餘。接第二院民衆學校來電話。謂同學擬借第八教室開會。時該民衆學校方在該教室上課。同學等請其早些下堂。以便開會。其時學校附近軍警密探甚多。是否可准其開會。等語。照例各種集會。借本校地方開會。須得學校許可。方得舉行。且內六區署長事前亦曾通知。

現在戒嚴時期。不得任意集會。後同學等在第八教室開會時。致被軍警逮捕約三十人左右。復得同學報告。謂定星期二罷課援助。復經勸告。並決今早見張市長面洽。因聞第一院前後門警備部派兵把守。不准出入。於六時至第一院時。見有兵二人守門。謂係奉長官命令。復見東齋對面亦有兵。並有長官在焉。擬談。並非不准人出入。實恐有人出入。借端騷擾。其責在禁止示威遊行云。後於七時約何基鴻先生同至市政府。見張市長。告以來意。後公安局王主任亦來。據其調查所得。與吾等所說者不同。前日被捕學生並非在青年會。係在中華聖經公會。當日做禮拜時。彼等亦參加。俟牧師說經後。即便開會。時便衣偵緝隊已得悉。故在教堂門首守候。於散會後得拘捕之云。至逮捕星期一開會學生。則因於前日下午五六時。見有通告。通告上語句以及所列標語。認其性質頗爲嚴重。因被捕者實祇有五十六人。而通告上則寫被捕者七八十人。並死傷多人云云。且標語內有打倒國民黨與聯合各校罷課營救等語。故認此集會性質非比尋常。況現當戒嚴時期。本不得集會云。

▲張蔭梧談話

北平市長張蔭梧於二十三日下午三時在市府召集公私立各大學校長及院長談話。到北京大學副校長陳大齊。工學院代理院長王季緒。女子師範學院院長徐炳昌。醫學院院長徐誦明。清華大學校長羅家倫等四十餘人。張略謂兄弟在平服務二年。所辦各事。完全顧及地方治安。最近維持地方治安之重要工作有二。(一)逮捕南京偵探。(二)拘捕不安分而有共黨嫌疑之學生。此種舉動完全爲維持北平治安。此次拘捕學生。第一次捕去五十七人。其中四十一人自認爲共產黨。第二次拘捕三十二人。其中二十九人自認爲共產黨。先後共捕拿學生八十九人。均已送至警備司令部。自認爲共產黨者。擬設特別

法庭審判。其有嫌疑而情節較輕者。則可具保釋放。希望學校當局。勸告學生。勿作軌外行動。以維校風而保治安云云。二十四日張復召集各校學生代表。為同樣之談話。



日特別議會開幕

日本特別議會已按期於四月二十一日開幕。據東京電傳。預料此三週間之會議。將極形活動。反對黨對政府攻擊之三大目標。為失業問題。商業凋蔽問題。以及政府未能在海會中堅持三項根本要求。特別議會於二十一日召集時。貴族院毫無緊張情形。衆議院則政府與黨之民政黨。雖擁有二七一名之絕對多數。而壓迫在野黨之政友會百七十三名。然在外間遭遇金解禁後之財界動搖。綱紀肅正等問題。其地位不必有利。且東京交通服務人員一萬數千人之大罷工。易為野黨所利用。作為責任問題。而攻擊政府。故政府黨與在野黨皆現緊張狀態。選舉議長結果。藤澤幾之輔以二六八票當選為正議長。小山松平府得過半數。當選為副議長。

二十三日第五十八特別議會行開院式。於貴族院舉行。日皇御陸軍式大禮服親臨。下賜敕語。日政府於二十三日午前。在衆議院提出法律案七件。一。輸出補償法案。二。關稅低率法中修正法律案。三。市町村

義務教育費國庫負擔法中修正法律案。四。賠償金特別會計法中修正法律案。五。北海道土工組合法中修正法律案。六。汚物掃除法中修正法律案。七。關於在製鐵所特別會計。對於大藏省預金部。日本銀行。橫濱正金銀行。日本興業銀行債權讓渡之法律案。又政友會在衆院提出賦與婦女公民權之法律案。民政黨對此贊成者亦不少。結果如何。甚為人所注目。

二十四日衆議院選舉全院委員長與各常任委員長如左。全院委員長荒川五郎。預算委員長森田茂。決算委員長小山谷藏。請願委員長淺川浩。懲罰委員長土屋清三郎。

失業問題

日本失業問題。近頃頗為嚴重。據社會局調查。二月末全國失業者。共計三十五萬。惟據東京市有力職業介紹所之調查。則全國失業者。實有二百萬人至三百萬人之多。工潮仍時時有發動之慮。鐘紡工潮仍見僵化。神戶鐘紡兵庫工場情勢惡劣。東京公共汽車及電車工會。因取消縮減分紅之要求。被市府拒決。亦於四月二十日起舉行全市總罷工。三井物產會社又通告職員減薪。勞工問題大有風雨飄搖之勢。一時未可樂觀也。

日本各疑獄現均已預審終了。據東京十八日訊。二大商辦鐵路疑獄。岡等之勳章疑獄。山梨等之朝鮮疑獄等案預審現已先後終結。山梨大將之黨羽。肥田與真弓二人主謀之騙案。由去年八月以來。在東京地方法院進行審查。至十八日將該案預審完竣。決定兩人均犯欺詐罪。明白有證。至於犯罪事實。共有九件。與山梨本人雖無直接關係。但其陰謀殆


印度風潮益澎湃

英人對印度和平反抗運動份子。近頃拘捕多人。獨對於甘地本人總存投鼠忌器之意。不加逮捕。以緩和印度民氣。同時孤甘地氏之勢力。此項方針。殊堪注意。本週被捕印度人士。二十日有孟加拉省議會會長貝平比哈雷。甘格萊氏。青年大會會長勃拉都爾。強德。拉。甘格萊氏。青年同志會會長班金。強德。拉。穆克基氏。工人大會會長忒萊羅加。卡克拉瓦蒂氏四人。孟買議會著名議員孟希氏。因參加和平反抗運動辭職。亦於二十一日。以違犯鹽律被捕。判決犯煽惑反對鹽律罪。處徒刑六個月。並罰金三百盧比。廿二日加爾各答警方搜查英字報「前進」報報社。捕去該報編輯查克拉瓦底。因該報登載和平反抗論文。又孟加拉和平反抗會議秘書亦被捕。另據阿邁達巴德二十三日訊稱。甘地氏秘書馬哈代夫。底賽與義勇團員六人。自多勒拉携私鹽往彼處被拘。英方此種態度將發生若何結果。此時尚難預料。本週印度發生之暴動事件。以孟加拉齊他岡警局軍械庫為叛黨百人攻擊縱火事最見嚴重。鐵路軌道被拆。當格爾時。死英國少佐一人。雜色弁目一人。印籍兵士四人。又二十三日印邊壁沙瓦地方有羣衆因反抗逮捕煽動人與軍警發生嚴重衝突。軍警等被迫向羣衆開槍。死英兵一名。士著十二名。副警長與警監均受傷。後者傷勢頗重。

此次印度反抗運動。均係印人所為。回族並未參加。早先贊助甘地氏不合作運動之回族領袖譚罕木特亞立氏二十三日在孟買回族大會充

主席時演說。稱和平反抗運動為一種冒險嘗試。擬令印族居回族之上。勸回人勿參加和平反抗運動云。印回二族猜忌之深。於此可見。頗足令人齒冷也。

歐洲合衆國宣言



國際清理
銀行行址
、在瑞士
貝式爾城
、為十八
世紀著名
建築、原
名櫻園邸

法政治家白里安氏嘗倡歐洲合衆國之議。明瞭歐局內幕者。多以為此舉難於實現。四月十七日為白里安氏蟬聯閣席第五週紀念。白氏擬在日內發表一歐洲合衆國計劃重要宣言。以資紀念。此項宣言。將送達歐洲二十六國。另附質疑錄。白氏在宣言每條下。加入詳細說明。白氏建議

歐洲合作起點。最好自警備與經濟方面入手。以造成一歐洲警備力。並取消關稅障礙為目的。巴黎晨報政治記者召雅瓦因氏。贊許白氏理想。謂德法兩國為汎歐聯合最良柱石。又謂德國對政治上之聯絡。縱不同意。對於經濟妥協。或有願締結之傾向。如是則其出品可得一最大之市場云。

關稅 協定

關稅休戰協定簽字期至四月十六日截止。據日內瓦訊。簽署者計十九國如下。德。法。英。比。義。荷。奧。挪。丹。波。羅。希。芬。蘭。瑞典。瑞士。

南斯拉夫。盧森堡。伊斯東尼亞與拉武維亞。未簽字者。有西班牙。捷克。與匈牙利等。

國際銀 行成立

國際清理銀行於四月二十二日在瑞士貝式爾開董事部會議。正式成立。英代表愛迪士爵士提出該銀行組織報告。一致通過。董事部並一致推選馬加拉氏(美)任董事長。奎奈(法)任總經理。舉奎氏時德人曾有反對表示。

紅豆艷聞

荊夢蝶

紅豆一物。自王摩詰咏後。遂有相思子之名。播入千古詩人詞客之作。不可勝紀。然此物產自嶺南。吾人初不易見也。惟虞山錢牧齋所居有紅豆一樹。因名紅豆山莊。自號紅豆老人。至今其樹猶存。清明後一夕。吾友謝介子在錫。讌客於梅園。座有楊君。探懷出示雙紅豆。謂即買自虞山也。雙豆鮮紅可愛。狀圓而扁。光似珊瑚。座客爭相傳觀。楊君語余。此豆之生。每莢一粒。即間有兩粒者。其形亦大小不一。必取同莢一式成雙者。始稱雙紅豆。故尤難得而名貴也。土人相傳。得雙紅豆夫婦分佩之者。可來生世世為夫婦。則勝長生殿之鈿盒多矣。豈物主故事宣傳。以為居奇地耶。抑伉儷情深。借作同心結。遂生不解緣。或亦事理所有耶。是固勝佩萱草宜男。合歡蠲忿也。

國內一週大事日記

(者記)

自十九年四月十八日起
至十九年四月廿四日止

四月十八日 星期五

△徐永昌楊愛源十七日由并抵石家莊、

十八日赴鄭、

△收回威海衛協定在南京簽字、承認英

國保留劉公島十年、

△天津奇熱、室外達九十二度、

△十六日南京開全國氣象會議、

四月十九日 星期六

△馮玉祥離滬東下、

△徐永昌楊愛源等到鄭、

△立法院通過中捷友好通商條約、

四月二十日 星期日

△哈俄領照會鍾毓、希望莫德惠如期赴

俄、

△北平捕男女學生三十五人、

△武漢黃沙蔽日、

四月二十一日 星期一

△馮抵洛陽、宋哲元孫良誠鹿鍾麟徐永

昌萬選才孫殿英等數十人均乘專車由

鄭赴洛、

△蔣派姚以玠詹旭初赴新鄉游說石友三

、被石扣留、解往太原、

△北平軍警續捕學生四十餘人、北大學

生決罷課、

△徐州捕男女學生六人、

四月二十二日 星期二

△蔣離寧赴漢、

四月二十三日 星期三

△閻馮電汪促駕、駐并各方代表亦有電

致汪、


△張蔭梧與北平各校長談話、謂捕之學

生、已有七十人自認為共產黨、

△全國教育會議閉幕、

四月二十四日 星期四

△蔣偕陳紹寬等抵漢、駐於楊森花園、



靜嘉堂文庫觀書記

(續)

江安傅增湘 沅叔

藏園東游別錄之一

重脩事物紀原二十六卷目錄二卷

宋刊本半葉十一行每行二十一字目錄上後有慶元丁巳建安余

氏刊書小啓

按此書余藏有校宋本改誤字脫文頗衆正出此本也

新編通用啓割截江鋼七十四卷

宋刊本半葉十四行每行二十三字小字雙行分甲至癸十集

按此爲巾箱本亦坊賈陋書如中州啓割之類第收羅較爲闕富耳

據陳元善序稱熊晦仲哀集是書凡古今前輩之事實近日名公之

啓割皆網羅而得之甲集專舉諸式之大綱乙至癸則旁分品類之

衆目云云所采表奏啓割序記諸體咸載全文其中宋末諸人文集

不傳者皆賴是以存焉固不徒供幕掾擇諸之用也

錦繡萬花谷一卷

宋刊殘本半葉十二行每行十九字白口雙闌版心上記字數下記

刊工姓名楊惺吾及吳門顧氏均藏宋本正與此同余皆得見之

揮塵錄四卷後錄二卷三錄三卷

宋刊本半葉十一行每行二十十字細黑口雙闌避宋諱至廊字止鐫

工精美

余曾見宋本三錄于吳門顧氏旋作緣歸之袁寒雲公子亦士禮居

舊藏前葉繪有黃鸝圖小象至堪雅翫

夷堅甲志二十卷乙志二十卷丙志二十卷丁志二十卷

宋刊元印本半葉九行每行十八字白口雙闌版心有刊工姓名卷

末有陸師道稽書墨蹟數行據儀顧堂跋謂此八十卷本刊于建寧

學至元而缺四十二版提學張紹先命沈天祿尋訪舊本從周宏羽

借得浙本補刊完全云

此本字大行疏爲建本之佳者阮文達進呈即據此本傳錄原爲嚴

久能所藏故有姪人張秋月香脩各印

古清涼傳二卷廣清涼傳二卷續清涼傳二卷

明洪武刊本半葉十一行每行二十字

按此書洪武刊本余于壬子春見之燕京似是十三四行密行細字茲帙則大字疏古不似元明時風氣殆爲金本乎陸氏原題金本而志以有洪武跋改正之頗疑原版必爲金刊而了庵等略加補綴耳

歷代編年釋氏通鑑十二卷

宋季麻沙刊本半葉十一行每行二十二字黑口雙闌卷一首行標題爲歷代編年釋氏通鑑採摭經傳錄次標佛書二字大字占雙行舊爲朱氏橫經閣季氏延令書室汪氏藝芸精舍藏書

此書見文淵閣書目延令書目其餘宋元志皆不載四庫亦未收陸氏跋敘述頗詳不更贅

李太白文集三十卷

北宋蜀刊本半葉十一行每行二十字 口雙闌版心有刊工姓名黃氏士禮居舊藏

按此即吳門繆日昌刊本所從出繆刻極精湛而氣息樸雅則遠遜且有改易失真之弊昨歲北海圖書館曾收得一部亦初印精善惜其中缺佚四卷耳

李翰林集三十卷

宋刊本半葉十行每行二十字 按此乃明刊本以其寫刻氣韻審之當是正嘉間覆版耳余曾見一本與杜工部集同鐫者昔人以其有咸淳序遂以咸淳本目之近時劉氏玉海堂刊亦即此本也

杜工部集二十卷

影宋寫本半葉十行每行二十字有毛斧季手跋言爲其甥王爲玉

所寫

新刊校定集注杜詩六卷

宋刊殘本存卷六至十一凡六卷半葉九行每行十六字黑口雙闌版心有字數及刊工姓名每卷尾前半葉有寶慶乙酉廣東漕司鐫板一行後半葉有校勘官銜四行如下式

進士 陳大信

潮州學賓 辛安中

承議郎前通判韶州軍州事劉 鎔同校勘

朝議大夫廣東南路轉運判官曾 璽

按此書天祿琳琅前目有之余領館事時窮搜殿閣迄未之獲黃蕘圃有殘本祇存五十五葉百宋一廬賦所云九家杜注寶慶漕鐫自有連城蝕其勿嫌者也今黃本存亡不可知此本尙存六卷大字雅健極似山谷詩註敏求記稱其開板宏爽刻鏤精工洵非過譽雖所存僅得六之一然亦斷推爲孤本秘笈矣

王右丞文集十卷

宋刊本半葉十一行每行二十字間有十七八字處白口雙闌版心有字數及刊工姓名卷六後有跋語論王韋優劣七十餘字爲他本所無黃蕘圃錄入百宋一廬賦中

按此書刊工古樸當爲北宋本雖偶有補鐫之葉亦復疏雋可喜顧千里跋乃謂爲麻沙本何耶海源閣楊氏藏有一部余曾屢得把玩今爲秋浦周君所獲其行款字體大略相同但標題爲王摩詰集爲足異耳安得取兩本并陳于几案而一勘其異以決此疑乎

昌黎先生集十卷

按此本百宋一廬賦注云小字殘本然其字并不小未審何緣而誤避諱至構字止則非北宋明矣余曾見徐梧生司業所藏韓集舉正當時即疑其書爲全集附刊之本非別行也茲觀此本與舉正行款字畫皆相肖因詳加披檢則刊工姓名及每卷末葉版心記此卷若干版若干字其下再署刊工姓名與舉正絲毫不異乃益信舉正實附刊于此本後矣今將兩書版心字分誌于左以告世人知余言非妄發也舉正有淳熙己酉方崧卿序則爲孝宗時刊本矣

卷二鄧俊

(此卷去板共計六〇〇〇〇〇〇〇)

卷三四五鈔補中縫無字

卷六胡元
〔此卷九板其三千二百八十八字胡元〕

卷七劉臻

卷八蔡和
(此卷三板共計五千六百九十四字蔡和刊)

（此卷十四板共計〇〇〇〇〇〇〇〇）

卷十草
(此卷十三板共四〇〇〇〇)

宋本韓集舉正刊工人名有鄧鼎劉文蔡和蔡懋胡元吳正蔡恭諸人其板心下方記字數如下式

（此卷十七板計八千五百五十五字）

(此卷十六板共計八千七百五十八字)

（此卷十五板計七千六百九十六字）

卷六
(此卷十七板共計八千九百九十三字)

（此卷十三板共七千一百八十六字）

（此卷十三板共計六千八百六十五字）

（此卷十七板共九千七百七十九字）

卷十
(此卷十九板計九千五百單九字)

外集

（此卷七板共二千八百六十八字）

叙錄
(十板共三千九百五十五字)

「按韓集舉正有朱錫庚跋言此書於乾隆三十八年奏送入四庫館今文集視舉正紙幅大小相類必原爲一書然離析已百餘年矣」

宋刊本半葉十三行每行二十三字黑口雙闌

接此乃元升韓柳合集世多有之余亦藏一帙不知陸氏何緣而不辨也

唐柳先生文集一冊

宋刊殘本存卷二十九第一二葉卷三十二第九至十八葉（非國語）外集第一至二十九葉半葉九行每行十七八九字後有嘉定改元汪檇跋錄于左方

舊集日累月益墨版蠹蝕字體漫滅至讀者有以倅爲倅以邁爲遇者因委新春陵理掾朱君敏集諸家善本校讐之更易朽腐五百餘版釐革訛舛幾數百字半葺而工役成庶可以傳遠或尙有缺漏博古君子能嗣而正之抑斯文之幸也嘉定改元十月 日郡守鄱陽汪機跋

按余藏有柳州外集一卷爲乾道元年永州郡齋刊本有葉程後序

其文之次第及行款均與此同卷中送元嵩師詩上宰相啓上裴桂州狀三首爲各本所無第此本無葉程叙而有嘉定汪穢跋爲異耳考經籍訪古志載柳集殘本九卷外集一卷有乾道元年十二月十五日畢工一行又有紹熙辛亥永州州學教授錢重跋略言爲之是正且俾盡易大板之朽弊者云云末亦附嘉定汪穢跋可知余所藏者爲乾道初刊本紹熙之補訂者爲第二次補本嘉定之釐正數百字易五百餘版者爲第三次補本惜今所存者外集之外祇得卷二十八卷三十二寥寥十餘殘葉非賜廬文庫所藏之舊矣

元氏長慶集三卷

宋刊殘本存卷四十至四十二半葉十三行每行二十三字白口左右雙闌版心下方記刊工姓名有李詢王存中毛昌周彥諸名字體方整仿歐陽鐫工精潔避宋諱至完字止後有乾道四年洪邁序按元集余曾校宋刊本爲半葉十二行行二十一字與此本不同蓋彼爲蜀本此則乾道四年洪景伯刊于明州蓬萊閣者明嘉靖董氏本即依此翻雕者也

孟東野詩集十卷

影宋寫本半葉十行二十字

此汲古影書棚本極精麗有宋本甲二印

浣花集十卷

宋刊本半葉十行十八字中版式與棚本小異卷一至三影寫補完余以朱子詹本對勘竟一卷竟少誤字蓋朱刻亦出宋本也

王黃州小畜外集七卷

宋刊殘本半葉十一行每行二十一字存卷七至十三版心有刊姓

此書刻工古厚版式闊大頗似北宋然桓字已缺諱則爲南宋初審矣

古靈先生文集二十五卷年譜一卷附錄一卷

宋刊本半葉十行每行十八字版心有字數及刊工姓名

按此本與瞿氏鐵琴銅劍樓所藏同余曾校瞿本其斷爛處覓此本核之亦正相似卷末使遼語錄亦不全

錢塘章先生集十六卷

明刊本半葉十行每行二十字

按此本實爲宋刊且屬初印精潔卷中宋諱亦缺筆未審存齋何以疏率至此題爲明初刊昔傳吳匏庵藏宋刊本缺第一二卷此本所缺正同必爲吳氏藏本無疑也

山谷先生大全詩注二十卷

宋刊本半葉十一行每行二十字注雙行二十四字

余藏一帙爲黃薺圃故物有手跋只十八卷且每卷缺葉亦多末有永樂二年七月二十五日蘇叔敬買到墨書一行

章齋集十二卷附玉瀾集一卷

元刊本半葉十行每行二十字

按此乃明成化刊本余所見非一帙矣



采風錄

國風社選

輓馬通伯

石遺

四年前別君臨別意殊惡一見一就衰最後文思凋早
憂不能久果告舟藏壑相知廿載餘縞紵屢我索許銘
吾亡子不克踐厥諾僅於葉君作評語如注脚惟蠶絲
已盡自解脫束縛想君得天處六極虧在弱猶能逾古
稀涵養善澹泊百年文士傳微我稿誰削

逸塘用遣閒韵見贈疊韻奉酬

樊山

何人何處不天涯三十年看異地花余自庚寅去聽盡
松風知睡美占來穀雨覺晴佳穀雨一點雨不宜雨故諺
關君已忘宜祿問字吾猶愛阿茶見小女名阿茶遺山詩典盡朝
衣與魚笏鳳城亦有野人家

司空家愛等閒貧耄耄猶留幻妄身老有少容原壽相
詩如兒語見天真安排茶果消磨夜賦詠桑蠶報答春
一領素衣勝七紫祇緣上有帝京塵

漫將石醜敵花妍人自忘機鳥信天遺逸尙存元祐黨
幹枝仍署義熙年居家底用求金碗渡海誰能坐鐵船
看取萬家春樹綠依稀平仲與君遷
杜鵑聲裏望行京君在丁沽憶北平老我自吟青玉案
看花人擁白銀城園林讌客親騷雅風雨聞雞感晦明
月上海棠清不寐香殘燭跋又詩成

孝起枉詩次韻奉酬

逸塘

藏身藕孔畏人知蒙叟逍遙是我師煨芋功名休更說
登樓筋力尙堪支厭聞世事慵看奕漸了塵緣合戒詩
回首鄉邦彌念亂河清欲俟果何時

東石遺老人

陶谷

散釋齋前逢二妙率平知公屢問懶頭陀餘生自喜成
樗櫟故國相望負薛蘿病後五窮莽偵伺閒中百怪肆
譏訶悶時願得香山句每公近詩似白飛入寥空一放歌

三月十三夜招客荒齋爲展上巳日中先集萃錦

園分韻得園字呈主人 釋戲

爲展重三戒夕樽。輸君卜畫集。西園題名客。數同風信。
入畫吟情萃石根。山石甚奇。下花意忍寒。遲往歲春陰亭。
午已黃昏去人漢。臘如奔馬天遣吾曹與繫轅。

湖游次蒼虬韵 公渚

亂後湖山種種非。垂楊漸長舊時圍。穿泥苦笋參差出。
咒客春禽應亂飛。墜水鐘聲長不散。出林燈火淡無依。
煮茶暫得安心法。寂寞何妨與世違。

春曹話舊圖纓蘅屬題 閨庵

前有漁洋後定庵。題名儀式昔曾諳。看花君已成婪尾。
風月南宮尚可談。

祖庭述德到曾孫。亦有寒家故事存。壽草官槐休遠溯。
舫齋更感舊巢痕。先大父道光中官儀曹從子緯環宣
典禮院矣余與君共事史館
數年舫齋雅集今亦成陳迹

六三園中戲櫻花同迪菴 風持

海棠豔色妙天下。銜子飛來未可知。不似荆公遮眼暗。
過江認杏作梅枝。

小。勝。明。漪。絕。代。人。相。逢。照。影。欲。無。因。尋。常。觸。緒。成。桑。海。
散。盡。空。花。莫。當。春。

踏莎行 夢中見桃花數十株
落紅滿地以詞記之 蒼虬

飄。接。梅。魂。落。先。絮。舞。續。紛。萬。點。桃。花。雨。斜。陽。影。裏。不。勝。
紅。沈。沈。夢。與。斜。陽。去。前。度。劉。郎。去。年。崔。護。傷。心。等。是。
無。憑。據。林。塘。客。有。再。來。時。不。辭。淚。眼。長。凝。佇。

滿庭芳 零落悵然感賦
蒼溪桃花 叔雍

顚。碧。迷。香。碎。紅。纖。雨。倦。雲。料。量。春。歸。未。闌。心。事。生。怕。倚。
斜。暉。最。是。劉。郎。初。到。翠。鬟。濕。便。歛。山。眉。仙。源。路。牆。頭。馬。
上。無。分。憶。芳。菲。單。衣。初。試。舸。熏。遲。繡。陌。穀。澌。明。漪。對。
滿。目。谿。山。許。我。酌。瑤。妃。京。洛。風。流。絕。代。西。樓。外。應。有。人。
知。白石鷓鴣天名
溪書所見語 暮。煙。起。啼。鴉。拌。瘦。切。莫。數。花。期。

歸朝歡 仲堅

陌。上。暄。和。催。煖。律。隄。排。初。黃。紅。萼。坼。雲。羅。不。度。鴈。音。書。
園。林。猶。閣。鶯。消。息。悵。望。春。事。寂。歲。華。回。首。應。非。昔。渺。重。
城。月。斜。烟。起。黯。黯。怨。行。役。客。路。烟。塵。嗟。久。歷。轉。覺。蓬。
飄。無。盡。日。川。途。易。動。子。山。哀。花。時。閒。卻。文。通。筆。翠。尊。堪。
永。夕。畫。屏。人。遠。心。期。隔。知。甚。時。立。殘。風。露。兩。哀。曉。紅。濕。



凌霄隨筆

今歲爲庚午。上一庚午爲同治九年。是科順天鄉試。先父以第六名中式。年二十三。先大父時以陽信知縣充山東鄉試同考官。出闈後聞先父捷音。賦詩以勗曰。「奎壁有輝光。重陽無風雨。我征出棘闈。桃李此焉樹。披揀遑告勞。少休趨大府。千里馳題名。汝名次魁五。菑畚乃有獲。如農慰作苦。既以爲汝喜。汝喜不可怙。汝性頗沈靜。汝姿則拙魯。朝夕督課之。汝兄及汝父。汝兄汝師事。三發猶中柱。汝父試京兆。四試始見取。幸汝得之易。益復念爾祖。爾祖富文史。揮翰若揮塵。汝叔三登科。妙齡書錄譜。汝年尤最少。觀光遂步武。茲事信有命。非若多錢買。永叔聽朱衣。進士無杜甫。宿學滯龍門。華顛隱鴻廡。汝文列房行。頗不慚士伍。根柢未深厚。尤期學以聚。經史學之本。子集爲之輔。研悅得於心。光燄萬丈吐。橫潦無根源。文藝焉足數。空疎動貽患。命曰儒之腐。致

用在通經。切今由茹古。用時方恨少。章句豈徒詡。惟業精於勤。荒嬉兒失乳。不殖則將落。燕田無黍稌。一舉偶穿楊。勿貽誚強弩。人情之所羨。芝蘭在庭宇。尙望加灌漑。青葱斯快覩。矢詩固不多。詎復憚醜縷。置爲座右銘。下帷力宜努。一先父受學於先大父及先世父子靜公。是歲初次觀場。隨先世父應試。竟獲高列。先世父爲之欣然。而督課不少寬假。方批改先父窗課。或戲謂監生乃爲舉人改文耶。而先世父即於次科中式。旋成進士。入詞館。先父則四試春闈不利。庚辰遂以大挑一等就知縣。科名之遲速得失。誠若有命矣。庚午順天正主考爲倭文端（仁）。蓋其末次之掌文衡也。（文端次年四月即逝世。）解元爲李璜綸。闈藝甚工。而第二場經文某篇。係鈔襲成文。中式後。以磨勘甚嚴。懼獲重咎。乃自行檢舉。奉旨褫奪。豐潤張幼樵先生（佩綸）中第十六

名。閩縣王可莊先生（仁堪）亦同登順天榜。此六十年之往事也。今先父棄養亦且六載。是科各省舉人之現存者。據所知。惟有膠縣柯鳳蓀老博士（劭恣）一人。可謂靈光巍然矣。此在昔年。有所謂重宴鹿鳴之典。士林以爲榮。蓋非科第其早而又年壽甚高者不能也。（柯翁中舉時年二十一。榜年十七。）先父庚午中式後。閱二十四年。光緒甲午。先從兄藝甫亦以第六名捷順天鄉試。叔姪一榜元。同在午歲。亦事之巧合者已。

曾國藩長於奏議。並以是教其弟國荃。選自漢迄清名奏議十七篇。加以評釋。授國荃研讀。所謂「鳴原堂論文」也。所評釋者。頗可玩味。蘇軾「上皇帝書」亦在選中。於其「自古役人必用鄉戶。猶食之必用五穀。衣之必用絲麻。濟川之必用舟楫。行地之必用牛馬。雖其間或有以他物充代。然終非天下所可常行。今者徒聞江浙之間。數郡雇役。而欲措之天下。是猶見燕齊之棗栗。岷蜀之蹲鴟。而欲以廢五穀。豈不難哉！」一節。注云。「王荊公新法。惟雇役爲善政。當日諸君子亦爭之不已。厥後司馬溫公改雇役仍爲差役。東坡又力爭之。雇

役猶今軍中雇募民夫給與飯錢也。差役猶今擄人當夫不給錢文也。」實地指點。蘇氏之謬。自見。所云「擄人當夫」猶今之所云「拉夫」也。近歲兵爭不已。「拉夫」之名。詞爲一般人耳熟。能詳農工社會尤若驚弓之鳥。談虎色變。使蘇氏論之。或當亦謂「行軍必須拉夫。猶食之必用五穀。衣之必用絲麻。濟川之必用舟楫。行地之必用牛馬」耶。司馬光復差役。昔攻新法最力之范純仁蘇軾均爭之。蘇氏極言役可雇不可差。雖聖人復起不能易。且謂農民應差。官吏百端誅求。比於雇役。苦樂十倍。司馬不聽。蘇歸舍。方卸巾弛帶。輒連呼曰。司馬牛。司馬牛。不平之態。可鞠。蓋早悔其前奏之失矣。王安石行新法。攻者麻起。蘇氏尤稱雄辯。此文更爲人所傳誦。曾氏稱以「典顯」二字。千古所罕見。然詞浮於理。引喻失當。氣盛而言多。不宜氣亦客氣耳。雖典顯曷足甚貴乎。世或以此文與王氏「上仁宗皇帝言事書」並論。而王奏精整遒勁。理實氣充。文格既高。所見尤卓。蘇奏非其比也。曾氏此選。舍王而取蘇。蓋未爲得。曾謂新法惟雇役爲善政。其實新法之善者。尙不盡

此一端也。

李秉衡官直隸時。以循廉爲總督李鴻章所重。會西后謁陵。於召對時詢直隸吏治。鴻章面奏其賢。乃由定州、直隸州知州特簡。永平知府而秉衡適有參限處分。部議降調。鴻章爭之不獲。遂降同知。張之洞簡山西巡撫。求文案人才於鴻章。鴻章即推薦秉衡。因奏調赴晉。而竟令賦閒。秉衡貧不能自給。太原知府馬丕瑤陽曲知縣錫良與之善。各月以銀二十兩資之。久之。張始委使辦振。以係奏調奉旨發交差遣者。故附片奏明。西后觀其名。憶及鴻章嘗極稱其治績。遽簡授朔平知府。歷擢至浙江按察使。值中法衅起。鴻章言其「廉公有威」。請改授廣西按察使。俾「整飭吏治。簡練軍實」。蒞桂後。旋護理巡撫。籌濟餉糈。策勵將士。遂奏諒山之捷。張之洞時官粵督。與辦理粵防兵部尙書彭玉麟會銜奏陳秉衡與前敵統將馮子才勛績。極言二人之「忠誠廉直」。請優加褒賞。其名乃益著矣。後秉衡撫魯。上疏論中日軍事。語頗侵鴻章。鴻章奉命至魯籌河時。與魯撫張汝梅談及秉衡。謂「李鑑堂這娃子。真沒良心。甲

午、年、居、然、參、我、不、想、我、當、初、如、何、提、携、成、全、他。」然猶重其清望。秉衡以開缺川督起而巡閱長江。鴻章力也不修小怨。蓋有大臣之度焉。馬丕瑤錫良均廉吏。性行與秉衡近。故在晉甚相得。秉衡撫魯時。錫良官武定知府。秉衡特薦之。因擢充沂曹濟道。





馮桂芬咸豐朝以中允值南書房。帝偶詢以近閱何書。馮先聞。奄人言帝時觀漢書。因即以漢書對。帝問馬援傳聚米爲山。山係何山。馮倉卒不能答。乃謂臣近讀前漢。後漢不能省。記。帝曰。汝可回家熟讀。後漢書再來。遂回籍。閱三年歸朝。仍值南齋。帝曰。汝讀後漢書三年。當已爛熟矣。黨錮傳中黨人姓名。其一舉之。馮復不能盡憶。帝笑曰。是後漢書尙未熟也。可回家再讀。三年。三年後再至京。而帝逝於熱河矣。乃歸里不復出。嘗致書澠池張石渠。名文林。曾官山東濟東泰武臨道。歿贈太僕寺卿。備言其事。而自傷學陋。有負帝眷焉。吾聞諸張君石曾。石渠先生之曾孫也。咸豐帝文學頗優。而性喜苛察。斯亦見其一端已。左宗棠所爲「中允馮君景庭家傳」。述其告歸之由。謂「有問之者」。或帝先

中、於、人、言、而、故、以、是、難、之、歟。

孫毓汶胞姪楫。以庶吉士應散館試。題爲天祿琳瑯賦。義取藏書。楫以就本義發揮。不足見長。而憶及漢魏叢書。中有作墓上獸名之解。即本此爲文。其他一人亦猶之。閱卷者賞其留意僻典。遂擬楫一等第一。他一人次之比進呈。咸豐帝深斥其謬。謂聖祖仁皇帝嘗親書「天祿」「琳瑯」二匾。懸諸文華殿。何得以墓上獸名爲說。姑念新進無知。從寬處置。遂命將首二名均授內閣中書。後孫楫由京曹外放潮州知府。洊擢廣東按察使。內遷順天府尹。會廣東巡撫出缺。楫思得之。懇毓汶爲力。時毓汶猶在軍機。謀之於同官。自禮親王世鐸以次。均允和助。毓汶度正式奏報將至。即請假數日。俾同官推薦其姪。而西后適於瀛臺見蝗齧草幾盡。謂蝗害如

此。順天府尹迄未奏陳捕蝗事宜。其玩視民瘼可見。即召見孫楫。峻責之。欲罷其職。賴軍機大臣力求始已。越日而粵撫出缺。奏至。軍機大臣遂不敢以孫楫爲言。丁憂廣西巡撫馬丕瑤方起復至京。即簡授焉。此光緒甲午事。

蒙古親王僧格林沁。以欽差大臣督師剿捻。直魯豫三省督撫提鎮。均聽節制。勢張甚。山東濟東泰武臨道出缺。例歸外補。巡撫閣敬銘委候補道張文林署理。即擬以之請補。而僧格林沁屬補隨其治軍之銘新。閣不可。然以自行遴補。將益忤僧。乃破例請由中簡。拜命者爲翰林院侍讀學士衛榮光。翰林官至庶子。例即撤銷記名道府。示秩位已高。外簡宜爲司使。衛乃以學士外放道員。亦非故事也。





論評選輯

約法問題

汪精衛氏最近發表論約法一文。其全文昨載本報。國民黨人之論約法問題者。自以此文爲最深切而著明。而當此時局。汪氏言論。更惹全國注目。茲故略述吾人之感想。以資社會公同之商榷。

十七年第二屆之五中全會。曾議決頒布約法一案。並規定即組織起草委員會。該案之動機。由於滬商界之請願。故議決案發表後。聞者慶之。本報亦曾爲文以樂觀厥成。乃不悉何故。其後竟將本案無形擱置。並發表宣傳。謂約法不必需。以中央委員全體會議之議決案。竟自行取銷。主黨政者之無定見。與夫國民黨制度下重大問題。朝令夕改之可能。使社會公衆。咸覺憂懼。同時更反證約法之必要焉。此一年來。南京方面。約法問題。未再提起。惟立法院委員焦易堂氏等。曾提議人權法草案。此非約法性質。但足爲其中規定人民權利義務之一部分。故一時輿論。亦表歡迎。然付議之後。亦被打銷。其理在謂有中山先生之全部遺教在。毋庸特訂一法。是以自二屆五中全會以後之空氣。乃完全反對特頒布一種規定。政府人民相互間關係之法律者。其理由無他。『不必要』三字已耳。夫一般社會對於年來國民黨制度之一種疑問。爲法令不分。蓋法與令之產

生修改及廢棄。實質上難易略等。雖名稱上區別之曰。某也爲法。某也爲令。然法之改廢。實亦甚易。其最後之審議機關。爲中政會。該會一場決議。即可改廢任何法律。此與國務會議或各部院關於行政處分之命令。同樣可以自由變更。又況論機關。皆爲國民黨本身所組織。論人物。則黨也。府也會也。皆以同一分子構成。故就實質言之。在近年國民黨制度之下。規定政府與人民間之關係者。只賴治者對於被治者之命令。而雙方之關係。得隨治者之意思。以自由變更者也。說者或曰。中山遺教。即根本大法。何用另頒一法律。曰。此固也。然中山遺教。浩瀚無垠。且因時代前後。主張間有異同。何者爲必守之教條。何者爲可變之政策。解釋之間。因人而異。既非具法律體系。何能使上下以共守。故爲是說者。亦不必爲實際之真理。此次汪氏論文。介紹中山先生之約法主張。自民報時代起。迄民國十二年。證明中山先生對於約法之主張。廿餘年如一日。繼指出建國大綱爲約法之重要內容。而所以未訂爲法典者。則以「約法憲法同爲政府與人民相互間之規定。非軍政府一方可以隨意制定。依正當解釋。須由建國大綱第十四條之國民代表會議頒布。或國民會議頒布。即使根據於急切需要。從權頒布。至少亦須得國民代表會議或國民會議之追認。故孫先生於十三年九月出師北伐之際。頒布建國大綱。於同年十一月北

上之際。發表開國民會議宣言。兩者不但並行不悖。而且是互相爲用。一汪氏此論。無論何人。應難加以否認。蓋在軍政訓政時期。施治者之國民黨。與受治者之人民。其間總宜有規定相互權利義務關係之基礎的法律。其制定手續。應由一種人民代表機關議決。或追認之。以明上下共守之義。如是則該法之修改廢止。不得依施治者片面之意思。然後人民之權利義務。不常受行政處分之動搖。爲定國基安人心之計。固不宜如是乎。說者或曰。約法者。亦一張紙耳。苟或具文。有與無等。曰不然。有約法。則人民尙可據以糾正官吏之違法失政。尙可喚起輿論。爲擁護民權之呼號。若並此無之。一切受政府命令之支配。人民完全陷於無條件的被治者之地位。此則專制政治。去革命的訓政。似甚遠矣。前五中全會議決案。惜被打銷。何日能見本案之復活。固吾人所引領企望者也。

(錄四月十八日天津大公報)

治蝗不容再緩

河北蝗蟲問題之嚴重。自郭鳳鳴女士視察寶坻等縣後。向省府及社會有所報告。乃稍稍爲世人知悉。惟以時局緊張。黨政諸端。方爲社會注意之焦點。此種地方的蟲災問題。殊不能喚起公衆甚大之重視。且恒人常情。視防災工作終與救災工作之迫切者有別。對於曲突徙薪之建議。素習漠然。況蝗蟲爲災。地方有司。本應擔負防維捕治之責。社會上雖有急公好義之人。對此等事。感於籌畫指揮之不易。欲其越俎代謀。勢不能不躊躇卻步。此所以郭女士雖嘗屬望於社會之應援。而實際無甚反響。緣事之本身性質。固與尋常救災辦賑之性質不同也。但自經郭女士向省

府報告。奉令交民農兩廳核議。迄今數日。渺無消息。而天氣突變和暖。極利於蝗蟲之滋生。本報自得讀者馮渠人君投書。昨復派人親往考察。始知嚴重之形勢。確已日逼日緊。吾人苟不欲坐視河北民食前途。陷於絕境。則對於治蝗之舉。似不能長此坐俟官廳之後命。蓋方今河北一省。正爲大戰後方。徵發浩繁。軍需萬急。省府委員。日坐窮城。一籌莫展。各縣知事。應付車糧。心身交敵。對於將起未起之蝗災。實非其精神財力所能顧及。吾人果有悲天憫人之懷。不忍使害蟲噬人。陷河北全省於奇災鉅劫。則今日最小限度。宜喚起當局之責任心。與公衆之慈善心。相與合作。以期應付此日趨嚴重之災難。爰就所見。妄事建議。以就教於當世。

第一。治蝗應爲地方官廳之事。至少亦須官廳邀社會合作。方可收聯絡指揮之效。蓋產蝗之區。向多土匪。非借重軍警保護。根本上無人敢往工作。且各該地面。界址錯綜。跨連隣縣。非有上級官廳主持。辦事上必感牽掣阻撓。加以此等地方。多有大地主之地畝。其人或爲舊日軍閥。或係豪家大族。非賴官廳權勢相加。恐不免反爾妨礙善舉。吾人本此理由。以爲應由河北省府設一治蝗臨時委員會。以民農兩廳長爲主幹。而招致社會上熱心公益之慈善家。及熟習地方情形之紳商學界。通力合作。其產蝗地域之大地主。亦可請其加入爲委員。以便接洽。

第二。委員會辦事。可分兩部分。一在北平。專司設計籌款。由民政廳長董其事。一在產蝗地帶。專司糾合治捕。辦理善後。由農礦廳長親往主持。蓋必如此。而後於地方知事與軍警。呼應靈便。至事實上應如何籌款。應如何捕蝗。則儘可由社會熱心人士。研究辦法。會同官廳方面。分負責成。蓋今日最感困難者。此事性質上。非如社會公益慈善事業之簡單。如果官廳自身不能辦。而又無一種組織。誠懇地請求社會幫忙。且以權力爲之。

援助。則縱有任何急公赴義之人。亦感於無從下手也。

第三按現在氣候言。蝗災之能否救治。河北農產收穫之能否保全。其連命將決於向後十天八天之內。故此項委員會之組織。亟宜尅日成立。同時即以救火救水之心理。尅日派委員赴產蝗地域考查情形。與地方民衆研究辦法。儘速實施。此際更應注意數點。(一)民衆若果自能治捕。則宜聽其自爲而盡力援助之。如其間有何障礙。宜極力爲之設法排除。(二)關於經費。宜勸令發生蝗蝻地方之大地主多爲捐助。(三)協助治蝗。不妨請平津各學校組織擔任。祇須地方治安有軍警負責。學生結隊前往。可保安全。則青年犧牲數日光陰。爲此種大有價值之社會服務。當爲青年所樂爲。

以上建議。簡略粗疏。未必有當於事實。惟着眼全在敏速與有效兩縣。幸負責之官應與社會有識之士。一詳察之。地方幸甚。抑吾人更有言者。或謂治蝗之費。據算不過數千元。省府雖窮。何至並此而須求助於社會。不知現在河北軍事方面。財政實係困難。觀於永定河工款。急迫若彼。至今猶無着落。則此項區區數千元之治蝗經費。何必責諸政府。恐終必貽誤事機。故此際省府方面。殊不必以面子爲念。應當痛省其責任之重大。開誠布公。坦坦直率。向社會求援。以人力代財力。更以權力協贊社會之人力。則庶乎民食慘劫。或可因官私協作之力量。防弭於初萌。時機已迫。遲益無裨。願當局與民衆速圖之。(錄四月十九日天津大公報)

威海衛協定簽字

收回威海衛之中英協約。已於前日午時。在寧簽字。協約原文。尚未發表。

故無由知其詳。惟聞劉公島保留十年之議。華方已允英國要求。此多年爭執未決之一要點。而從前北京政府所未經同意者也。

英國之強租威海衛。爲清光緒二十四年。即西曆一八九八年。英之藉口。爲與德俄保持均勢。強迫清廷。勢同占領。十九世紀末年。國際帝國主義。對中國之凶餓。爲人類歷史上最猙獰之一頁。英之強租威海。亦其中一幕。其租借期爲二十五年。截至民國十二年。業已滿期。而遷延至今。始得大體結束。由中英關係之全局上觀之。自屬了事一宗。惟查收回威海之交涉。不自黨國始。當民國十年華盛頓會議之開會也。是年十二月三日。中國代表顧維鈞演說。要求各國交還租借地。英代表即聲明允許交還。隨由中英代表施肇基貝爾福交換信件。記錄其事。翌年四月。北京政府即派梁如浩督辦收回威海衛事宜。九月成立接收威海衛委員會。梁爲之長。英國亦派定代表團。是年十月二日。兩國委員遂開正式會議於威海衛。其時英方條件之最重要者。即有續租劉公島十年一條。華方拒之。會議不諧。十二年一月。遂移北京交涉。至七月間。兩國委員發表草案二十四條。十三年顧維鈞長外部。復廣續會議。是年十一月。行將簽字矣。以政變未果。其後張作霖軍政府時代。華方復提議本案。張宗昌亦有所條陳。時當大戰。英方取延宕態度。未幾全國政權移於國府。又經時二年。始有前晚之簽字焉。在此七八年斷續的交涉之中。英國始終堅持者。爲劉公島事。劉公島者。距威海城約十里。全島周圍約五海里。清末創建北洋海軍後。該島即爲停泊軍艦之所。並築有砲台多座。而水師學堂兵營魚雷局等海軍機關。亦在其間。中日戰時。該島即北洋海軍根據地之一。迨英國強租後。英國在華艦隊。每值夏期。輒來此避暑。秋後始去。以爲常。英國年來主張保留劉公島十年之理由。即謂專爲艦隊避暑之用。北京政

府時代。英國最後。不言續和。惟主張保留借用。此次王正廷藍博森簽訂之約。關於此點。關係完全承認英國之提案。此外條件雖亦不詳。然自始別無過難解決之問題。故可推想王藍之約。不過承襲北京時代之舊案。而加以劉公島保留十年之痛快承認而已。抑威海衛為旅順以下之北方第一優良軍港。中國亟須收回之理由。應在恢復威海軍港。漸建設海軍之新根據地。惟現在劉公島既未收回。則此項理由。不能成立。從前北京政府躊躇不允英案者以此。故此次王藍協約。就此點言。不能不謂為中國外交之失敗。更超過北京政府失敗之程度者也。此外應注意者。英人管理威海。市政頗佳。其地氣候清明。而市街靜潔。洽久成避暑勝地。中國收回理管之後。務須注意市政。勿令荒蕪。轉貽外人之笑。倘收回後之管理成績。竟不及英人時代。是徒增加維持市政之負擔。又暴露中國行政之惡劣。而關於軍港問題之中國需要。復須遲至十年以後始能議及。是則一舉而三惡俱備。除中英外交上解決一案。中國舊國恥減少一宗之外。將無其他價值。且有成為新國恥之可能矣。一般國民之感想何如也。

(錄四月二十日天津大公報)

大學教育之「合理化」

近年各國盛行所謂「合理化」。係專指企業界之改良管理。革新組織。精密計算。減少浪費。增加效率而言。美德兩國行之已大效。日本近亦極力研究模倣。吾國企業界幼稚單簡。似尚不足以語此。惟政治社會一般公私事業之散漫糜費。却大有提倡「合理化」之必要。政界冗員冗費之多而且鉅。毋待論已。即在號為高尚清苦之教育界。其中虛糜經費。浪

耗人力之處。一經研討。亦足駭人。記者茲根據國立之南北十大學十七年度預算額。以及各該校收容之學生數。兩相比照。算出其每年每一學生所耗之公費若干。列為一表。以喚起國人之注意。

校名	十七年度學生人數	全年經常費元	每一學生約攤之公費額元
國立北京大學	九六六人	九〇,〇〇〇	約九三一、
國立清華大學	五〇五人	四七、八六五、〇〇	約九八五、
國立浙江大學	三四三人	七九、九五〇	約二、二四二、
國立武漢大學	三一四人	六〇,〇〇〇	約一、九一〇、
國立暨南大學	五四〇人	五八、六四〇	約一、〇三四、
國立勞動大學	二八七人	六五、二六八、〇〇	約二、二四八、
國立同濟大學	一八二人	四六、七〇〇	約二、二八九、
國立北洋工學院	四五九人	二六、〇〇〇	約四七〇、
國立中央大學	一七三一人	一、五五、二六、六	約八九八、

就上表觀之。國家教育大學生一人。每年耗費多者逾兩千。少亦三四百元。再加以私家擔負之費用。每人平均以三百元計。每一大學生。公私消耗。每月當在百元左右。國家財政困難。於今為極。社會生活窮蹙。日甚一日。中產之家。二三子弟入大學三年。雖父兄破產。闔室枵腹。亦不能勝其負荷。而公私擔負重大艱苦。培植之結果。若而人者。畢業之後。能否自食其力。收回學生時代月耗百元之資金。且在不可必知之數。然則此種大學教育。為公為私。寧非奢侈太甚者歟。抑不特此也。今日當局最大之抱負。為推行義務教育。依照預算。每一小學生。年需公費七元。若按大學生公費比例。一人所費。至少亦占小學生七百人額。是國家又何獨厚於

再論大學教育之合理化

中國大學教育之浪費。本報昨日已根據十七年度九校預算列表以明之。查現在全國教育會議。方在開會。凡號稱教育家者與夫教育行政當局者。方侈談理論方針。以請國民之贊助。然對於如此浪費民財之一大缺點。教育界已身乃似認為當然。一若國民担負不為重。此種奢靡不為過者。吾人爲貫徹「合理化」之主張起見。爰不得不申述利弊再爲數言以論之。

昨表所舉之九校。每學生一人。公家支出年逾二千元者。竟有三校。千九百元以上者一校。然此皆依十七年度預算而言。十八年度以後。經費尙有膨脹者。又昨表所載九校以外之大學。尙不在內。其奢靡程度。或較此尤甚。亦不可知。夫浪費云者。乃指支出費用與所收效果不相當之謂。非謂用錢多便爲浪費。用錢少便爲不浪費。因多少皆相對之名詞。而教育本用錢之事業也。是以若明瞭中國大學教育是否浪費。可舉其費用最多之學校。而一考其成績。例如同濟醫工。爲費用最大者之一。每學生一人約攤二二八九元。然該校猶有可諒者。則醫工之設備與維持。皆極費錢。而該校素重實習。畢業學生。概有實用。近年雖成績較差。而優點畢尙在。故如該校者。今後只需設法擴充學額。儘該校設備能以容納之範圍。添招豫科。以廣造就。斯可矣。其次浙江大學。亦每人逾二千元以上。該校乃十六年新辦。其成如何。容調查後再論。最可笑爲所謂勞働大學。蓋該校只中學程度。而以勞働大學名。依通常理論言之。大學教育系統中。本不應有所謂勞働大學。蓋若爲研究一般勞働問題。則爲社會科學系之一門。各大學皆應學習。若爲實習勞働。則無大學教育之可言。故該

校名義上。根本即無存在理由。況實際爲中學程度之一特殊學校。寥寥二三百人。每年費國庫六七十萬。中國勞働者。每月收入不過數元。而國家以每年每人二千元以上之耗費。養成所謂勞働學生。誠不知教育部是何用意。對國民有何辯解。夫該校所以成立之內幕。無他。學閥要人。而有所謂元老者作後盾。因官官相維之故。學校能成立。預算能批准。而成績能免稽察。隨意浪費。一塌糊塗。中國教育之官僚化。該校即一最適之例也。

中國爲窮國。故中國言教育。當然應作窮打算。易言之。在如何用錢少而收效大。何謂收效大。受教育者。務求其多。一義也。教育內容。務求其充實。又一義也。觀昨報所載之表。足知中國大學之共同缺點。爲學生甚少。查所載九校中。學生超過一千人者。只中央大學一校。較之外國大學大抵容數千人或逾萬人者。相去甚遠。且學生之少。不特此九校。各處之大學或獨立學院。大抵皆不過數百人。每月經費皆不下數萬。中國一方嫌教育經費小。而一方國家爲學生每人所支出者則甚大。此種現象。矛盾殊甚。故合理化之第一義。爲歸併學校。集中教育人材。裁汰冗員。一面以所節經費。擴張設備。其次對於名實太不符之學校。則加以淘汰。如前述之勞働大學。即完全爲耗費機關。既靡公款。且誤學子者也。國家對於全國號稱大學者。應詳加檢查。通盤整理。何者宜歸併。何者宜廢止。純由教育政策上解決。勿爲學閥勢力所囿。苟如是一番整頓之後。則以同額之經費。其所造就之學生必較多。學校內容必較充實。此即所謂合理化也。至於根本之計。則應如昨報所論。注意中學教育。及各級師範與職業學校。一面求造就有獨立技能之多數中等程度畢業人才。一面則爲將來之大學。養成程度合格之多數學生。庶幾使中國教育。達到用錢少收效大。

之目的。非終以大學政府裝飾品及要人位置私人之浪費機關已也。

(錄四月二十二天津大公報)

中蘇會議之範圍問題

據哈爾濱電報。蘇俄領事梅尼哥夫答覆吉林交涉員鍾毓照會內稱。『望莫德惠勿反乎伯力協定而再事愆期。』是俄國歡迎莫氏赴俄。已經正式表示。所可注意者中國之意。莫氏使命。限於東路問題。而俄方眼光。則似超乎東路以外。故念念不忘於伯力協定。斯誠中國所宜預謀應付者也。

按簽字於伯力協定之蔡運昇。名義上固亦曾受國府委任。並非單純代表地方。其所簽定之約文。事前不特未嘗請命中央當局。日未報告遼寧政府。而約內承認解除白俄武裝並驅逐出境。竟將俄方誣我之辭。自行認錯。尤為怪謬。顧在當時。地方情勢迫切。不容不委曲媾和。中央雖多反對之人。而投鼠忌器。又不願使地方當局難堪。乃於二月八日以外交部名義。發表宣言。聲言。『茲查該項紀錄。除規定解決中東鐵路糾紛之辦法外。尚載有數種事項。屬於兩國間之一般關係。顯係超越國民政府訓令之範圍。而為中國代表無權討論者。中國代表實屬超越權限。且按之國際慣例。兩國協定。由雙方代表訂立後。須經各該國政府核准。或批准。又稱國民政府茲為謀中東鐵路之最後解決起見。準備遴派代表前往莫斯科出席正式會議。專為討論中東鐵路善後問題。至該路以外。關於兩國通商及其他一般問題。蘇聯政府如認為有商議之必要。另派代表來華時。國民政府亦願與之商議。』云云。此項宣言。一度發出。又經撤回。

後仍發表。其慎重可見。綜合要點有三。(一)否認伯力協定之越權部分。而又不肯明言。(二)確定赴莫斯科中蘇正式會議中國代表之權限。(三)預示接受蘇俄派員來華協議中俄通商以及其他一般問題。層層顧到。伸縮自如。在中國外交家固已煞費苦心。然而蘇俄對之則殊淡漠。蓋自伯力協定有一月二十五日在莫斯科開正式會議之明文。至期未兌履行。俄都官場乃於二十六日公布中俄東路會議無期延期。並有會議延期應完全由華方負責。其因此發生之結果。亦應由華方負責。蘇俄政府仍視一月二十五日為開議日期等語。自是之後。俄方在文字語言。迄取靜默態度。而於事實上將中東路恢復七月十日以前原狀則積極進行。絲毫亦不放鬆。最著者如東鐵電政權已由中國收回者。仍由俄國強攔以去。是其例也。直至三月十二日吉林交涉員鍾毓通知蘇俄駐哈總領事署。聲稱本國政府已特派莫德惠為中蘇會議全權代表。擬定五月一日由哈啓程云云。其言其簡。並未涉及權限內容。十五日莫斯科之政府機關報至是始發表社評。表示歡迎。且謂莫氏為不贊成反俄冒險之人。由此足令人信彼對於會議各問題能用事務的方法。善意接洽。足能造成友誼與合作空氣。現時中俄共同管理中東路工作。亦係秉此特性。該報又稱蘇俄抱有誠懇意志。擬以平等與相互的於雙方有益之原則。締結協定。倘令華方表示好意。則解決一切爭端。以及根據中俄協定奉俄協定及伯力草約。締一鞏固條約。按常情發展中俄友誼關係。將無困難云云。此種論調。當然代表俄政府對此次中俄會議之意旨。其顯而易見者。為仍擬根據伯力協定。將中國一月八日所發表對該項協定似承認似不承認之宣言。完全抹殺。置諸不論不議之列。然則莫德惠氏將來到俄之後。能否不因權限範圍。發生爭議。猶難言也。

形狀態之下也。

(錄四月二十三日天津大公報)

何日實現文治政府

吾人對於中俄兩國。向來主張互研國情。共謀親善。蓋俄國在世界為翹然獨異之國家。中國在國際仍居被壓迫之地位。中國俄際利害。並無衝突。而雙方國民的了解。實為提攜親善之先決問題。過去時期。國民間極多誤會。在中國以俄國為可懼。在俄國以中國為可欺。因其可懼。故去之惟恐不遠。因其可欺。故好為削足適履之謀。其實俄國人所努力者。乃人類高遠理想的試驗。吾人儘不妨注意研究。擇善而從。見害而避。不必概以蛇蝎視之也。中國所遭際者。乃數千年生活的大變態。俄人自應當詳察國情。研討民性。對症下藥。不宜生吞活剝。閉戶造車。強以俄國式的理論。施諸中國也。過去因雙方缺乏了解之故。波拆叢生。在中國固不幸。於俄國又豈有益。試觀去年七月十日以後之軒然大波。何一非誤會重重所致。是故中國有識之士。毋寧希望中俄國交。早日完全恢復。使雙方國民有正常之接觸。為合理的提攜。不但中東路合辦事業。可期改良進步。即中俄經濟上合作。亦可有更進之發展。惟因傳統的懷疑恐怖之念。業已深入於華人心坎之中。實為外交親善之障礙。吾人甚望蘇聯當局。洞察及此。深自反省。對於中蘇會議。從實際事務上著眼。先以中東路為範圍。表示其所謂『誠懇意志』。就東路善後。締結平等相互雙方有益之辦法。將歷年管理該路種種爭執不平之點。一掃而空。更允分造成所謂『友誼與合作空氣』。則更進而成立通商條約。解決一般問題。其易真如反掌。蓋中國政府無論如何變化。要之對俄外交。終須視察全國民衆傾向而定。如果東路問題。圓滿就緒。中俄『友誼與合作』之空氣。洋溢於中國國民心目中。則進一步的任何協商。無論何時何地。皆易得國民之贊助。其成功絕對不難。此誠吾人願為蘇聯當局一進忠告。促其注意者。幸勿以權限範圍。引起五月間莫斯科會議之糾紛。使中俄外交。長在畸形狀態之下也。

太原方面。協議黨務。尙未解決。組織政府之事。自不能決定。至於如何組織何人組織。更談不到。故簡單言之。一切尙未定也。況軍事初興。戰幕未啓。是整個的時局之如何歸宿。根本上不能定也。雖然。有一既定的不磨之原則焉。則閻錫山氏所稱應組文治政府。武力居於服從之地位是也。時局變化以來。閻氏具體政見。尙少所發表。論者憾之。然日前太原半官發表之消息。閻氏對於組織政府問題之意見。謂須組文治政府。使武力居於服從之地位。此寥寥數言。却道破國事癥結。表示政治正軌。將來至少須達到此一步。方能撥亂反治。出民水火。此無論何人。斷無疑義者也。民國十數年。何以久亂。要因武力支配政治。軍權在政權以上。督軍巡閱等在政府以上。而主政中央者。非自有武力。恃軍權以為統治。便軟弱無權。拱手聽命於軍人。故至槍桿萬能。法紀掃地。而武力與武力。又斷不能不侵併競爭也。故動輒演成內戰。興廢靡常。循環報復。軍人支配政治之結果。實際上徒禍國殃民。而自己亦終陷於滅亡。此民國往事。歷歷可徵者也。十三年以後。國民黨崛起於粵東。十五年興師北來。合南北之黨化。軍隊推倒舊統治。完成新統一。此中有一最重要之原因焉。則國民黨改組後之第一種新精神。即在使武力服從政治。其辦法曰。軍隊屬於黨。而黨治政府。原則上本為文治政府是也。國民黨此一點精神。喚起國民不少的同情。故凡厭惡軍權萬能之政治者。不期然而較同情於國民黨。縱對於其政策辦法。懷挾不滿者。而對此一要點則贊助之。蓋民國若干年。

來除有槍桿之人以外。一律皆成附屬品。名流策士。不過點綴於軍權之間。上焉者僅等於幕僚。下焉者則供奔走聽驅遣而已。其所居之官職名義為何。僅形式之事也。國會盛時。尚有若干政治意義。自國會之衰亡。中國化成赤裸裸槍桿世界。而所謂槍桿首領者。復多渺無智識。徒以有槍桿故。而小者管省。大者掌國。欲強使四萬萬人聽命於驕奢橫暴粗鄙蒙昧之若干軍人焉。當此時也。以廣州為中心之新勢力勃興。其治軍原則曰。軍之行動。須聽黨的指揮。在一最短期間。此種精神。確曾若干實現。手無寸鐵之黨中文人。可以握權力之中心地位。即青年黨員之言論。亦可以使影響及於政治。此當然為進步的政象。其能取北洋殘局而代之者。自有其必然的理由在也。然則可以論國民黨治下戰亂復起之故矣。蓋據吾人所觀。其最大原因。即在消失此新精神。而蹈武力支配政治之故轍。其他原因。皆為附屬之義是也。國民黨此種新精神。係直接取法於蘇俄。然絕其之後。不幸並此治軍之方法而廢之。蔣之軍權。本受黨之命令而來。而積久漸化為個人中心之軍權。黨之組織形式依然。精神則漸墮落。黨國大權。日集中於蔣之一人。而彼所賴以實際上維持其權力者。則為武力。軍隊之黨代表制。本未完全有效的實行。然此制存在時。亦非全為具文。師旅長之行動。要不能不顧忌黨代表。迨此制一廢。遂完全恢復中國軍隊之本來面目。其對中央也。並不知黨與政府。不知黨紀法律。惟知受轄於總司令。而為總司令者。亦遂只知軍權之可尊。而黨權政權。悉成附屬品焉。此非近年來之事實乎。夫軍權萬能之還原。蔣居最高地位。應負重咎。其他亦同負責任。蓋兩年來情形。徹上徹下一致如此。全國之大任至何處。皆可見軍權支配政治。易言之。則有軍權而無政權。閻氏所謂文治政府者。於國固不可見。於省亦未嘗有。以國論。不過變大元帥之

類為國府主席。以省論。則督軍易名為省主席而已。情形如此。故國民黨以黨治國之精神。日成形式化。實際上還原到武力支配政治之故轍。此必亂之道。無可逃矣。夫政治病象。皆逐漸演成。或有並非本意而積重難返者。而互相激盪。病乃愈進。全國皆澈底還原。內戰自在所必起。而戰事愈多。軍權愈重。去文治政府愈遠。國民黨改組後之新精神。亦遂愈益消失。至於今日。蓋已臻於退化之極點矣。是以吾人敢斷言曰。撥亂反治之第一原則。在必須脫離武力支配政治之現狀。現握軍權者。縱有政治資望。黨內地位。亦應不作領袖。更不作獨裁。軍權愈高者。愈應以身作則。領導所部。以服從文治政府之決議。對黨勿利用。勿玩弄。服從公議。毫不操縱。苟大權在手者如此。二三流以下之軍人。自然有所感格。然後軍事問題可望解決。循環之亂。可以避免。吾人又願聲明曰。當此內戰勃發。危疑震撼之時。吾人既不願作預言。又無從表愛憎。然原則上有可斷定者。有軍權之人。孰能早覺悟。即孰有政治前途。惟覺悟云者。非言的問題。為行的問題。倘只論好話。吾人兩年來早已在各方飽聽。故最要在以事實表示。各方成敗之關鍵。其在斯乎。不然。雖勝亦終於一亡耳。吾人既同情於閻氏之表示。並願向全國有軍權者作一警告也。

(錄四月二十四日天津大公報)

否決增加華董案

吾人對於本屆租界納稅西人年會之否決增加華董案。可以斷言此為納稅西人之智識與思想。不配主持上海租界市政之鐵證。復可斷言此為西人對於上海租界現存之市政組織。自行着手焚燬。我人而僅以租





界市政之逐漸進步為願望。僅以安居樂業為滿足。則於此案之否決。固不勝其痛惜。若自國民與國家的見地言之。則將不暇痛惜。而惟收回租界是務。自昨日否決公表之後。全市皆在憤慨與緊張之空氣之中。或以此否決為對於界內華人最新之侮辱。雖極謹愿者。亦以此否決為意外之結果。然吾人預除一切情感。運用理智以推求之。則對此決議。不認為可異之事。而認為吾人思想中應有之結果。蓋大多數僑華之外國人。實為最蔑視中國民族之人物。吾人欲向此等人而商議參預市政權利。乃無異於與虎謀皮之夢想。若此次在納稅年會中發言之麥克唐納爾。可以完全代表此種外國人之態度者。吾人而希望其攜手合作。在麥克唐納爾之眼光視之。或者其可笑乃無殊與商量均分其私人財產之全一性質而已。


麥克唐納爾冗長之演說。其所自信為最有理由者。厥為租界之開發。完全為外國人之力量。中國人毫未參預。則此區域內自應由外國人管理。中國人不應過問云云。特吾人欲頑固之外國人一查現所謂租界之一區域。其所占之土地。是否已經成為外國人之殖民地。抑係仍屬中國國家之領土。此領土之主人。是否應與外來之客人立於同一地位。如其不

然。則主人醒覺之日。惟獨自行使其主人權而已。

吾人因此次之事件。而愈益堅信。租界問題未能根本解決以前。中外合作之希望。實等於零。惟有使此區域仍歸所有國自己管轄。庶幾無謂之困難與糾紛。迎刃而解。而權力既已歸一之後。則賓主之分自然消滅。合作之希望。反可增加。其次吾人更深信租界之根本弱點。在於其本身組織之太不合理。以此人口繁密之城市。其最重要之機關。乃為一納稅人會議。而所謂納稅人會議者。並非由市民選舉之團體。而僅係因資產富多。納稅較高之一緣故。而遂取得市政參預之權利。此類十八世紀式之市政組織。乃將一市之內。劃成一統治與被治二種階級。是以吾人即立於市民之地位而發言。吾人亦始終不能贊同租界市政本身現有之組織。吾人主張應將原有組織完全改造。應根據普選之原則。主持行政。以免大權落於任何特殊階級之手中。而根據人口選舉之後。則華董西董名額之爭論。自然亦隨之而解決。

吾人根據於理智方面與中外共同之利益方面而深信上列之二問題。應為根本的解決。即（一）此區域應歸還於中國政府管理。（二）市政機關之組織應為根本的改革。（錄四月十八日上海時事新報）





春宵

理之

南方在三月底，已經是具體的春天了。所有的樹，都長得綠枝修修，那些山，也讓細綠團紅裝點得明媚鮮艷；青萍下柔然可愛的碧波蕩蕩的流着，樹枝上慣會弄舌谷鶯喳喳的叫着，啊！這是陽春！這是花鳥柔波造成的陽春！有了牠們，纔使人得了具體春天的感覺。春天還有一個法寶，這法寶就是習習的和風，老人遇了就會身輕體快，少年遇了就會酥骨醉魂。春天哪，你也不知道懣懣了多少怨女，風狂了多少瞋夫。慧秋在一天的春霄，從鄰村的李家，看李二哥的結婚回來。伊在萬柳雙行的一條路上，慢慢走着。路的左邊，是一彎春水，那右邊，卻是萬頃的良田。這時田裏都種了些油菜，油菜開的黃花，一望無際。天生成的一幅金黃色的毯子。慧秋一邊走，心裏想道，我今天在李家吃飯，爲甚麼不終席就急得像熱鍋上的螞蟥，

死活要回來呢？那時母親問我回來幹嗎，我說肚子痛，這時想起，真可笑，那裏是肚子痛，不過是騙母親罷了。那裏實在太繁華了，太熱鬧了，鬧得我心裏發慌，尤其是那新郎新婦敬我的那杯酒，我本來就不會喝，喝了那一杯酒之後，把我一身的熱血，都提到腦子裏來，漲得我頭昏，攪得我心亂，鬧得我坐立不安，使我不得不急于回家，使我不得不向母親撒謊。那熱鬧的場裏，就是一口蒸氣鍋。實在蒸得我氣悶。回家吧！家裏清靜得很，到了家裏，就好像烤出了一身汗的人，洗個涼水浴似的。伊這樣想着，不覺走到家門，進到屋裏，坐了一會，便脫了衣上床睡。睡不到五分鐘，那結婚的印象，又一幕一幕的重現在伊腦子裏。伊這時更煩亂，覺得這屋子太清寂了，太空虛了，及而覺得不該回來，不該騙伊母親回來。這正是在涼

水裏洗得太久了，感到涼水的冰人，反而想站到火邊下再去烤烤。伊實在忍不住了，實在有些討厭那睡魔。起來吧，起來再到李家去，不個剛走又回來，不讓人家生疑麼？咳！不管去不去，先起來要緊。於是披起衣服，趿了鞋，這時窗外的月色，和泉水潺聲，彷彿都具有些吸引力，拉伊出去。伊怕那春宵的薄寒，侵了伊身子，隨手便取了一件絨衫攜着，一步一步的走向柳堤而去。這地方是伊最歡喜來玩的，伊到省城裏去讀書，常常想念伊母親，便聯想這柳堤上的風景了。每逢春假暑假寒假一回家，總是在這裏徘徊遊賞，往往竟日而不忍去。伊愛那綠溪，尤其是在黃昏的時候，溪水越發活跳，那太陽斜照着楊柳，把幾百顆垂楊的影子，全倒射在水面上，這水面便益發出脫得娟秀。本來綠波，已經够好看的，再加上柳樹的顏色映在上面，還帶着絲絲柳枝的影子，鼻鼻晃動，深深淺淺暈成許多層次，愈顯得深沉清幽。偶爾一羣游魚，浮到水面，吐出一些水泡，使那水平添了無數縐紋，這景緻不是筆墨可寫得出，但可以畫得出。鄉間

果然清靜，這種景緻，可以由靜默領略，一移到城市，就差得多。不過也有些聲音，三五婦女蹲在樹底搗衣的砧聲，和笑語聲；漁歌唱晚，和清泉激石的聲；一羣傻頭傻腦的鴨子，立在溪石上，張着大嘴胡叫喊，更有那水鷗出沒水中打斛斗弄水作響，不過這聲音太微弱；是由想像得來的。

這幾種聲音，湊成功一個自合宮商自有譜調的音樂，細吹細打。再看水那岸的青山，更是秀麗可餐，一石一木，無不佈置得宜，紅的廟，白的人家，微微露出一角，或一截，在樹林裏，或山凹裏。黃昏之時。那炊烟一縷，飄揚天際，竟是雲彩一般，牧童趕着一羣牛羊，迤邐在斜坡上，欸欸而行。這果然是天工的風景，牠具有神通，有魔力，牠能叫人生，却又能叫人死，牠能叫人樂，却又能叫人愁，讓人癡癡的是牠，讓人懨懨的也是牠，牠能使厭世人到此徘徊留戀，牠能使樂天者到此豪情騁舉。總之這清和冲澹的山川，確是富有詩意的東西。慧秋常常立在這溪邊，背後油菜花香，微微飄了過來。面前對着那青溪如帶，碧山如畫，總是呆呆的一直

到兩腳發酸纔肯回去。何況今晚，繁星是這樣流綸，明月是這樣皎潔，泉聲滑滑，風聲習習，這幾樣東西釀成了一個溫和如酥芳醇似酒的良宵呢？

慧秋踱過石橋，舉頭看見那皎潔的皓月，俯頭看見那水面映月的銀波翻騰逝去。溪中的盤石，橫豎立在水中或水邊，雖是靜默不動，但牠的姿態，却是要跑要跳似的。那細碎的沙子，却像銀子一樣白，閃爍有光。慧秋看了那沙的亮光，不覺有些刺目，再也不敢看了。倒是那黑的地方，看了比較順眼。伊於是不敢在這亮的地方逗遛，三步兩步便走進柳林裏。林裏景況，果然與外面不同。皎潔的月色，是看不見了，只有那扶疎的樹影，微微顫動，樹枝相排盪的聲音，也可以聽得了，對面諸山，崗巒起伏，那蜿蜒輪廓的影子，是很容易辨的，黑黢黢的樹林，昏黯黯的草坡，白的房舍，也能辨得清。慧秋看了這種靜穆的景緻，心裏煩燥倒略略舒適，不過須臾之間，又覺得這種景緻，並不是靜，也不是幽，那黑暗的地方，都藏着奧妙深邃，曲幽難言的道理；那亮的地方，

更是極其活跳，極其飛動。伊越看越覺得這景緻活跳，果然！真的！那宇宙之間，不是有飛舞的山川麼？伊心內，不是有萬靈的逆襲麼？伊不覺有些怯了，想道，不看這景緻罷，回去睡罷。不過又好像有什麼東西懇懇的留伊，使伊忽然難捨。伊披了絨衫，坐在一棵柳樹根上，閉目凝神的憩了一會。那李家結婚的影子，又湧上來了。伊恨那新郎新婦，伊恨那一班來賓，一那新郎的高興，和驕傲，那新婦口角的微笑，分明是譏笑我，分明是在我面前驕傲。退一萬步說不是譏笑我，至少也够討厭的。那班可惡的來賓，真豈有此理！難道你不知道，我是個未出閣的閨女麼？難道你不知道處女的心思麼；偏偏要我拉着新娘同新郎握手。你們飽食終日無所用心，遇到開心的事，便瘋了似的胡鬧，為什麼把我拌雜在裏面呢？你們又說什麼年輕夫妻，白頭到老。」這年輕兩字，分明是諷刺我……」想到這兒，慧秋不禁惘然了，這年輕兩字，真同一把剛刀，刺到伊心的深處！

「新娘今年纔十七歲，你們說伊年輕

，我今年也不過纔廿二歲呀！就該罵我年老麼？雖未明罵我，可是含沙射影的言辭尤其可惡。呀！我今年二十二歲麼？可不是，寒假回家過舊曆年，母親還說，「我慧秋過年二十二了。」不，不，決不是二十二，十六歲那年，我拒絕母親給我提親，不就是前些時候的事麼？那末我今年大概是十七罷？不，十八歲那年密司特許，向我……啊！那今年是二十二了。確是二十二了。咳！人說日子不快年快，這話真一點也不錯。年，實在太快了。日子，確是非常慢得很！」想到這兒，不禁一陣心酸，不由的潸潸落下兩點眼淚，打在伊手背上，伊猛然驚醒，那眼前的溪水，悠悠流着，伊也看見了，不禁的嘆了口氣說道，「流年似水！」

伊不禁恨伊自己那時候爲什麼激烈的反對母親？把些什麼「婚姻自由」「買賣婚姻」的大道理，嚇得母親再也不敢管了。既然自由，那麼自己就該去自尋歸宿呀，爲什麼見了密司特許，向自己有點親熱的表示，便怕得像山羊見了餓狼一樣呢？咳！什麼自由戀愛，又有什麼好處？其實人

決不會性情吻合同瓶子之於瓶蓋一樣，多多少少總有出入的。講戀愛的人彼此爲情慾所遮，彼此弱點都不會覺查出來。就算覺出來了，無論弱點多們大，也覺得可以原諒，無關宏旨，自由戀愛的好處，恐怕很小罷。何況中國現在就沒有個揀選的餘地，男朋友就是未婚夫的代名辭呢？既然如此，那麼我母親既不會以婚姻作買賣，伊所揀的人，未必不勝似我所找的人。伊又奇怪在那時爲什麼並不感覺有這種需要呢？呵！伊明白了，那時候是一朵未萌芽的花，這時候是萌芽了。伊這時心裏忍不住呼道，「媽！我不反對了，」

伊又有些怨伊媽了，「媽，也是有些老糊塗了！爲什麼不在女兒身上用些心思？伊就不明白女兒心理有變遷的時候，伊也不知道女兒心理是有種羞澀難言的景況。」伊感覺到空虛了！伊感覺到失望了，感着世界上就難找一個知心的人！

伊又有些怨恨中國的社會了，禮教似存在，又非存在。社交似公開，又非公開。索性是純舊式，或純新式，女子皆好辦，你要不主張社交公開，男女婚姻自由，

要保守舊禮教，即麼乾脆你就按着你的主義去辦，也未非不是辦法，不然怎麼行了幾千年？你爲什麼又趨起不前，有所顧忌呢？可是等到一個女子戀了一個男子，你卻在背後非議譏諷，說甚麼罔顧廉恥，下賤行爲，真是背謬極了！難道說交了一個男人，就是下賤麼？凡是評判一事，總得問這事起因結果，戀愛的起因是生殖本能的要求，生殖本能，是先天賦給的，你要說戀愛不好，那你就得怪老天爺爲什麼造下男女？爲什麼又賦給男女情慾？就算戀愛是不好，牠的起因已非男女本身的不好了。再談到戀愛的結果，大不了是發生肉體上關係，以至結婚，這是他個人的私事，與別人毫無關係，你又何必越俎代庖，去干涉人呢？人人皆有情慾，可是一見別人有些浪漫行爲，就極力誹謗他，那麼你主張是要遏慾節慾的了，就不知情慾就是本能，拔情塞慾，毀棄本能，又豈合理，孔孟所講的也是不外人情，悖了人情，能謂真理？最好笑的是一班女同學，見同學中有一兩個交男朋友的，大家就晝夜的拿伊開心，彼此也拿着當作一件新奇的事宜

傳，其實伊自己心裏，又何嘗不想交個把

男朋友呢？啊！這也許是妬嫉罷？要是妬

嫉，那用心也太可卑了。社會環境既是如

此，女人的心思又是如彼，兩下相生的結

果，作女兒的也不敢與男人往來，作父母

也不敢與女兒作主，既不與男人往來，接

近男人機會便少，父母既不作主，坐令辜

負青春，這其中也不知道有多少女人受騙

，受冤，受犧牲。想到這兒，慧秋真是十

分怨恨，大有憤世疾俗，離羣索居之感，

甚至于想作一個浪漫詩人，縱情任性的作

爲起來。伊的思想愈想愈深，愈深便愈爲

激烈。伊心裏本來就煩燥，這時更覺得利

害，不但身上熱，連臉上也有些發燒。伊

便站了起來，脫去絨衫，步出柳林，走了

數武，回頭看那柳林兩行高柳，中間露出一

一條大道，道上讓柳影織出碎錦的花紋，

那田裏的油菜花，是糝糊一片，不過近地

方的黃花，讓風吹着搖曳不定，那滴滴的

泉聲，在萬籟俱靜的時候發出，倒是極其

清脆。幾陣清風吹散了伊面部的餘熱，伊

便走到溪邊一塊頑石上坐下。這時月亮走

到雲端裏去了，地上的山川花柳，都不大

看得清了。不過那些明星卻是光采射人，

那銀河橫亙天中，卻是一匹素練。伊坐了一

會，那熱烈的感情。漸漸消了，那餘醒

也頓失了，不過伊仍不願立刻回去。

「唉！這是甚麼聲音？女人哭罷不大像

呀！」伊猛然的驚悟道，「呵！是了，這

是靜修菴小尼姑每天晚上吹簫。吹簫爲什

麼這樣淒苦？這分明是哭呀！這分明有甚

麼撕心裂肺的痛楚哀嘶在這簫聲裏面呀！

這簫聲的抑揚頓挫正是伊低迴嗚咽，這簫

聲鼻鼻不絕正是伊悲思纏綿，伊爲什麼這

樣痛苦？呵！伊是個年輕的比邱尼，伊害

的病，豈非同我一樣？可憐！可憐！伊比

同我尤其可憐！伊這一輩子恐怕是沒有希

望的了。人生游於斷港橫汊之內，其苦也

就够傷心了。伊幸虧有一隻簫來發洩伊的

冤憤，寄托伊的哀思。慧秋手脫着腮，聽

那簫聲，愈來愈悲，直是哽咽之聲，不是

絲竹之聲了。伊實在不敢再聽了，伊的眼

淚也不知道讓那隻簫吹出來多少。伊不禁

肅然而恐，淒然而悲了。伊神經上受了個

重大的逼拶，伊覺得那水是沖激伊的耳鼓

，那山更是橫亙在伊的心中；伊又覺得那

滴滴水聲，也許是悲笑呢？那山也許是在

無言飲泣呢，伊的眼前現出一張黑幕，那

幕上鑄着無數的星星之光，到處亂飛亂竄

。一這是共鳴呵！這也是傷春的人呵！伊

一肚皮苦水要比我苦得多呢！一慧秋嚇罷

，抬起頭來向那簫聲所在地方，長吁一聲

。一直等到那簫聲止了，伊身上纔覺得如釋重負。這一來慧秋心內的熱血又輾轉起來，百結柔腸，更添入一些悲慘的同情心。伊想跑到對面山上找着那尼姑勸勸伊，並且把自己的心思也告訴伊，同病相憐，彼此勸慰，那是比忘憂的萱草效力大得多，不過在這夜色蒼茫裏如何能去呢？

月亮又從雲端露出伊那一張白臉。臨照大地，使五濁世界變成一個清涼佛土，那山，那水，那花，那柳，受了伊照耀，也都精神百倍，欣欣向榮，不似先時的黯淡了。坐在溪邊的慧秋，這時的心情，又不似剛才了，伊忽然想起密司特許來了。「啊！眉清目秀，面如滿月，那中分的頭髮，是多整潔，那黑呢的製服，是多儼然，口才敏妙，性情馴良，可算過美男子了。他對我可謂一見傾心，我怎麼拒絕他呢？」今天晚上那眉清目秀的影子，又湧上來了。伊有些怨他了。「你不知道女子天生有個害羞的毛病麼？其實拒絕你，也不過一時激刺的反應，這反應是受猛烈激刺而然的，既未經過理智的考慮，又不是情感使然，你不要誤會了罷，咳！你難道連這一點婦女心思，都不知道麼？你也實在太笨了！太不中用了！你來罷，我不拒絕你，我鼓起勇氣迎接你，來同我共度今夜這良宵罷。」

時人彙誌



謝宗周

謝宗周。平漢鐵路局局長。德國砲工實施學校畢業。曾充第九師工兵營長等職。在平漢路任事已及十載。去歲夏間。代理局長。旋即調任北平財政局長。兼土地局長。十二月二次代理局長。此次任平漢局長爲第三次。